

# BON DIA *Aruba*

Diahuebs 19 di November 2015 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,50 Florin



**Consul di  
Francia  
ta gradici  
solidaridad  
di  
Aruba**

Lesa A2

**Rudy Davelaar:  
Camber  
Hiperbarico  
keto bay na  
Aruba sin  
wordo uza**

Lesa A3

**Sacha Geerman:  
2015, aña  
grandi di  
logronan pa  
derechonan  
di mucha**

Lesa A6



## Pa motibo di awasero fuerte di ayera **Habitante di Tanki Leendert no por a drenta cas**



Diaranson entre 1:30pm y 2:30pm e parti zuid y oost di Aruba a haya awasero relativamente pisa compara cu e parti noord y west di Aruba. Esaki no solamente a ocasiona molester riba trafico pero tambe diferente problema den varios barrio rond di Aruba.

Esaki ta e caso di un persona cu ora el a yega cas a ripara cu no por drenta pa motibo cu e tereno ubica dilanti su cas na Tanki Leendert tabata completamente bou awa. Brandweer a presenta na e sitio, pero pa mo-

tibo cu e tereno tabata basta grandi, a pidi asistencia di D.O.W pa busca un solucion. Sinembargo, mirando cu tabata birando anochi y D.O.W no por a resolve e problema ainda, a pidi asistencia di Rode Kruis pa busca un luga pe persona afecta por keda mientras cu e problema lo wordo solucionado. DOW a sigui traha pa haya un luga strategico unda por caba y asina awa por bay. Pa haci esaki, DOW a solicita presencia di Elmar pa nan no mishi cu algun waya importante bou tera cu por ocasiona mas daño.

## Trabounan di mantencion a cuminsa na Huisje Wild



Stichting Monumentenfonds e ultimo añanan a inverti den proyectonan di mantencion pa por tene nos edificionan monumental den top condicion. Asina a haci trabounan di mantencion grandi na entre otro edificio di Stadhuis y Censo y tambe na e edificio Henriquez. Awor a yega na turno e casita na schelpstraat conoci manera Huisje Wild. Huisje Wild ta un monumento proteha cu a keda construi den e di dos parti di siglo 19. E cas tabata originalmente di Sr. Francisco Arends cu a bende esaki na 1913 cu Sr. Victor Wild pa 600 florin. E cas originalmente tabata mas chikito di locual e ta awor, durante añanan a expande diferente biaha. Na 2006 SMFA a cumpra e cas for di famia Wild y a restaura esaki completamente.

E trabounan di mantencion lo ta den man di Arubaanse Schilders en afwerkingsbedrijf NV y lo dura aproximadamente dos luna caminda cu e edificio lo haya un capa di verf nobo y lo haci reparacionnan necesario tambe parti paden y pafo di e edificio. Stichting Monumentenfonds ta inverti den monumentonan di Aruba pa asina por preserva nan pa futuro generacionnan.



**Awo cu 2 florin mas, bo por gana e MEGA PLUS**

**\*Afl.**

**1.100.000,-**

**\*Afl. 775.000 + Afl. 325.000**

**extra**

Obtenibel na cualkier rebendedo di Lotto.

sorteo ta diabierna 20 di november





## Pronostico di tempo

### Tempo:

Parcialmente nubia cu chens pa algun yobidanan isola. Temperatura maximo 32 grado Celsius y temperatura minimo 26 grado Celsius. Solo ta sali 06:40am y ta baha 06:11pm.

### Biento:

For di direccion oost y debil te fresco; forza 3 te 5 (15

te 33km/ora, 8 te 18 nudo).

### Situacion general:

Pa e siguiente 24 oranan e shelo lo ta parcialmente nubia debi na un disturbio atmosferico den nivelnan mas halto. Esaki tambe por genera algun yobidanan isola. E biento ta mengua te diabierna y ta aumenta despues.

### Informacion adicional:

Diaranson entre 1:30pm y 2:30pm un area di nubianan entre Aruba y Corsou a desaroya cu actividad di yobida y esaki a crusa riba Aruba.


E parti zuid y oost di Aruba a haya awasero relativamente pisa compara cu e parti noord y west di Aruba. Na aeropuerto Reina Beatrix un total di 28.4mm awa a cay y banda di e hotel area un cantidad di 6.1mm awa a cay.

### Condicion di lama:

Olanan di lama ta biniendo di direccion oost-noordoost cu altura di 3 te 5 pia. Temperatura di superficie di lama 28 grado Celsius.

### Prospecto di tempo pa e siman:

Parcialmente nubia te diabierna y despues mas solo. Algun yobidanan



isola y pasahero posibel. Biento ta mengua te diabierna y ta aumenta despues. Temperatura ta fluctua rond normal. □

## Consul di Francia ta gradici solidaridad di Aruba

## Mundo henter no por ta aheno na e situacion na Francia



**ORANJESTAD – A transcuri seis dia caba cu un serie di atentado terrorista a tuma lugha na Paris (Francia) lagando mas cu 133 morto y cantidad di herido. Un echo cu a wordo condena pa henter mundo caminda sentimiento solidaridad a wordo expresa na e Francia su pueblo den e momentonan dificil aki.**

Aruba tambe a uni na e expresion di convivencia aki pa medio di nan gobernantenan y institucionnan gubernamental y no gubernamental. Solidaridad

Den combersacion cu Bon Dia Aruba, sr. Christian Mongellaz, kende ta Consul di Francia na Aruba a aprecia cu Prome Minister di Aruba, sr. Mike Eman a yama su persona diasabra atardi. El a aprecia cu nos prome mandatario cu lo participa proximamente

den e conferencia di clima di Union Europeo ta bay referi na e echo lamentabel aki.

“Mi ta hopi gradici y emocionacion cu un pueblo chikito manera Aruba ta sinti cu nos mester ta no solamente solidario, pero tambe sinti e dolor cu e hendenan tin. Corda cu nan ta hendenan inocente...”, e diplomatico a bisa.

El a lamenta cu diesun luna despues cu Bon Dia Aruba a entrevista su persona tocante e atentado terrorista cu a tuma lugha dia 7 di januari ultimo contra e revista satirico “Charlie Hebdo” y un koffie shop cu a laga varios victima, un biaha mas e ta referi na otro atake di grupo extremista.

“Ma bin dos biaha den un año, anto mi deseo pa año 2016 ta di paz. Cu nos no ta wak nunca mas esey. Supuestamente e teroristanan mane-

ra ta wordo expresa den social media, nan no ta arepentí...”, el a bisa.

E ta haya cu e serie di por lo menos seis atentado “no tin nada di haber cu religion”. E tin di haber cu e sacrificio di hendenan inocente pa “realmente venena un gobierno cu ta democratico eligi pa su pueblo. Y muestra na mundo cu realmente nan ta un forsa chikito pero di terror”.

Un echo di solidaridad cu a hala Consul Mongellaz su atencion tabata cu e hendenan masivamente y boluntariamente tabata duna sanger pa atende e victimanan na Paris. E tabata un sentimiento di solidaridad cu nan a muestra. Ademá e victimanan no tabata Frances so, sino di otro paisnan manera Chile, Mexico y Merca. Tambe den otro koffie shop y restaurant cu a wordo ataca tabatin hopi hende di Noord di Africa, nan ta hendenan cu ya ta integra na Francia caba. Esaki ta muestra cu e atake aki tabata sin discrimina, kiermen cualkier persona cu tabata dilanti di nan ta bira nan victima, sin mas.

### Estado di emergencia

El a recorda cu aunke Francia a conoce situacion di turbulencia den diferente epoca di su historia, pero loke e biaha aki presidente di Francia, sr. François Hollande a haci di decreta estado di emergencia y propone pa cambia e constitucion, ta algo unico. E cambio aki tin di haber pa polis por haya mas poder y actua realmente pa atende cu e terrorismo.

“Esaki ta algo cu nunca nos a yega di wak for di e conflicto cu Algeria na año 52”, el a bisa.

Presidente Hollande a extende e estado di emergencia tambe na tur e provincia of

teritorio Frances pafo di su territorio manera Martinique, Guadalupe, Frans Guayana y e parti Frances di St. Maarten. E ta reconoce cu naturalmente ta existi un ambiente di inkietud, ya cu e polis no por haci tur cos. El a agrega: “Bo no por pone un polis patras di un ciudadano”. Un mensahe cu e kier comparti ta cu e pueblo Frances y henter mundo ora cu ta wak un situacion di inseguridad nan mester raporta na polis. Ya cu nos mester haci nos trabou di ciudadano.

Na nivel politico e ta observa cu su pais ta reacciona naturalmente cu violencia, ya cu Francia a bombardia varios lugha na Siria caba. Pero di otro banda consul Mongellaz ta declara cu e “bida mester sigui”. Ya caba varios sitio di atraccion turistico na Paris ta operando caba.

### Lucha contra terrorismo

El a trece dilanti e echonan reciente caminda un avion cu turista Ruso a bira victima di terrorismo, tambe tabatin atentado na Libanon y Kenia. Mundo henter no por ta aheno –segun Consul honorario di Francia na Aruba– e situacion cu ta pasando na Francia, y na otro paisnan menasa pa atentadonan terrorista. Esaki ta refleha cu actualmente nos ta den un estado di instabilidad caminda e hendenan ta cuminsa tene miedo, loke nos no mester tin.

Si mundo henter a uni esfuerso pa vence Al-Qaeda, e diplomatico ta sigur cu mundo henter lo por vence e menasa di e grupo extremista ISIS cu e a tilda di “diabel”. Pero el a enfatisa cu e lucha aki mester ta un esfuerso mundial. “No solamente di Francia, Merca, Alemania of Inglatera, pero di tur hende

specialmente di Medio Oriente y Rusia tambe cu nan mester uni nan esfuerso y target unda nan ta”, el a bisa. El a menciona cu Kenia mes cu ta un pais suficiente desaroya tanto economicamente como politicamente cu eleccion y democracia, y tambe ISIS tin presencia den e pais aki. Pues tur pais mester ta alerta riba e tipo di menasa aki, specialmente continente como Africa cu tin hopi problema y nan ta parti di e paisnan unda tin hopi refugiadonan tambe.

### Refugiado

E ta consciente cu e paisnan Europeo no por absorba tur e problema di e refugiadonan. P’esey ta importante pa nan por brinda e ayudo social y economico na e paisnan y nan hendenan pa evita e fenomeno di e refugiado y asina e hendenan por keda den nan propio pais. Ya cu e problematica aki ta trece dobel problema ya cu di un banda tin e parti di integracion, y di otro banda e problema di terrorismo. E problemanan aki ta conscientisa e pueblo di Europeo cu esaki no mag.

E ta lamenta cu pais manera Francia ta habri nan curason y brasa pa yuda humanidad y bo ta haya un golpi tremendo asina. E ta haya prudente pa no generalisa pero no por keda sin reconoce cu “e problema t’ey”.

Finalmente e mensahe cu e diplomatico a expresa pa e teroristanan cu a ataca su pais tabata: “No bin destrui nos fraternidad y nos trabou pa haci un mundo miho. Contra terrorismo nos ta bay responde cu mas democracia y tolerancia. E ciudadanonan Frances y di gran parti di mundo ta nenga nan mes di tin miedo...” □



*Maroeschka Cornelie SIMAR*

## Ley ta bisa cu tur gasto di scol ta cay bou di gobierno



**ORANJESTAD** - Realmente a tarda mucho pa renoba e scolnan, y no por nenga cu ultimamente varios scol a wordo renoba. No ta pa pinta ningun partido bunita, Sra. Maroeschka Cornelie di SIMAR ta indica Bon

**Dia Aruba. Tin hopi trabou ainda cu ta pendiente, pero asina mes tin cosnan cu no ta bay manera ley ta stipula.**

“Mi ta bolbe bay na e asunto di SKOA. E asunto di SKOA ta un bon chempel,” Sra.

Cornelie a indica na Bon Dia Aruba. E normbedrag cu ta wordo maneha actualmente, e suma cu ta wordo duna pa cada mucha pa enseñansa tin añanan pega na e mesun caminda y e placa no ta yega. Esaki no ta realistico.

### **Cubri gastonan**

Segun e secretario di SIMAR, awo nan a bin haya sa cu supuestamente gobierno mester cubri gastonan di tur scol. Mester midi pa tur fundacion e mesun midi cu ta midi scolnan di gobierno, pero esaki no ta asina. Scolnan di gobierno tin airco, scolnan di gobierno tin mil y un material, nan tin asistent di klas, nan tin personal di administracion. Den e fundacionnan no ta asina. E fundacionnan ta haya subsidio anto nan tin di bay wak con pa haci cun’e. Mientras cu awor a base di decreto nacional (landsverordening), a base di ley mester duna tur scol tur gasto cu tin di haber cu enseñansa,” e ta indica.

### **Tur gasto bou gobierno**

A puntra Sra. Cornelie si aki ta trata solamente scolnan di

gobierno y si scolnan priva tambe tin cu cay aden. Segun e decreto nacional tur gasto di scolnan ta cay bou di gobierno.

Gobierno tin cu percura pa paga coriente, gobierno mester zorg pa material, pa infraestructura, pa airco, pa mueble, pa tur cos. Awor akinan gobierno ta percura pa un parti y no tur cos, e ta bisa. Scolnan cu no ta resorta bou di gobierno esta, Stichting Katholiek Onderwijs Aruba (SKOA), Stichting Protestants-Christelijk Onderwijs Aruba (SPCOA), di otro directiva di scol, nan mes ta percura pa nan cosnan. Awor akinan segun Sra. Cornelie, nan a bin compronde cu gobierno tin cu percura pa tur cos.

Mester midi cu mesun midi pa scolnan di gobierno y pa otro scolnan di otro fundacion cu ta wordo subsidia pa gobierno.

### **Basa riba ley**

E pregunta cu ta bin dicon nan no ta basa nan mes na loke ley ta bisa. No por bisa si ta bin pa motibo di cambio di gobierno of cambio di min-

ister. E problema aki ta bin desde hopi aña atras, di cual tabata tin diferente gobierno, diferente minister, diferente tipo di gobierno pasobra no semper tabata tin gobierno di mesun color. Tambe ta haya cu hopi aña e sistema aki a wordo uza na e forma cu ta wordo haci. Subsidio ta wordo entrega na e fundacionnan y nan mes mester mira con maneha esaki y cubri tur nan gastonan. Mientrastanto ley ta bisa otro cos, segun Sra. Cornelie. Kisas nan no tabata sa of nan tabata sa y ta cumbini nan pa no sa.

“Awor cu nos tur sa cu gobierno tin cu cubri cierto gastonan, nos mester existi esaki,” Sra. Cornelie a indica. “E ora mi ta papia di e directiva- nan di scol mester existi cu e gastonan cay bou di gobierno y tambe e empleado. E trahado tambe mester existi di su directiva di scol pa gastonan cu ta cay pa gobierno, cay pa gobierno y no pa su carter,” e ta bisa. Esaki ta algo cu ta pasando unda cu hopi hende ta saca di nan carter pa scol y trabou sigui. Esaki ta algo cu ta fout. □

*Rudy Davelaar:*

## Camber Hiperbarico keto bay na ARUBA sin wordo uza

**ORANJESTAD** — E camber hiperbarico cu na februari di e aña aki a wordo instala na Aruba te ainda no ta den uzo. Esaki Rudy Davelaar, presidente di Aruba Hyperbaric Foundation, ta duna di conoce na Red Caribense. Segun Davelaar e no a logra haya cooperacion for di hospital y fondo di seguro di cuido AZV.

Director di AZV Anco Ringeling di su banda ta duna di conoce cu e nunca a wordo acerca y cu hospital mes mientras tanto ta biniendo cu su propio camber hiperbarico, pa locual AZV tambe ta dispuesto pa cofinancia. Theo de Kool, director financiero di hospital, ta bisa su banda sinembargo cu na momento aki hospital ta djis studiando e posibilidad di tuma un camber hiperbarico.

Pa casi un aña largo e camber hiperbarico ta para den un sala di un centro di buceo cerca Baby Beach, sin wordo



opera. Buceadonan cu ta haya nan mes den problema den awanan local ta wordo transporta pa Boneiro pa nan tratamento, y diabeticonan no tin acceso na terapia hiperbarico pa nan herida nan.

Segun Davelaar, cu a paga alrededor di `175,000 florin pa cumpra y entre otro trans-

porta e aparato, e ta cla pa traha pero no por haci esaki sin tin acuerdonan di operacion y pago cu Horacio Oduber Hospital y AZV. E ta bisa cu el a acerca gerencia di e hospital diferente biaha pero no a haya contesta. Davelaar no a tuma contacto cu AZV, pasobra e ta haya cu e prome-

istencia mes’ di e camber hiperbarico cerca Baby Beach. Sinembargo, e director di e fondo di seguro ta duna di conoce cu hospital mes ta trahando riba un proyecto na unda nan mes lo ofrece servicio di camber hiperbarico, algo cu AZV mes ta dispuesto

contacto lo mester ta cu hospital. Mirando cu esaki te aworaki no ta tumando luga, e ta invitando parlamentarianan pa pasa bishita e camber hiperbarico y pone riba nan agenda.

### **‘No sa di existencia’**

Director di AZV Anco Ringeling ta confirma cu berdaderamente Davelaar no a tuma contacto cu e fondo di seguro. Esey ta haci segun Ringeling cu AZV ‘no sa di existencia’

pa yuda financia. “Aworaki nos ta discutiendo cu nan con pa set up esey”, segun Ringeling.

### **‘Sondeando posibilidad so’**

Theo de Kool, director financiero di hospital, ta bisa cu e ponencia di Ringeling cu tin plan pa cumpra un camber hiperbarico ta ‘un par di stap mucho leu ainda’. Segun De Kool ta investigando ainda si un camber hiperbarico ta util y necesario.

“Ta pregunta ainda si un ampliacion di cuido asina ta asina necesario pa hinca placa aden. Den e sentido ey mi ta cauteloso pa cu esaki.” E ta bisa cu el a tende cu tin un aparato na Aruba. “Pero mi no sa si e aparato aki ta loke nos lo mester pa duna cuido na buceado y tambe diabeticonan.” De Kool ta nenga cu el a wordo acerca pa Davelaar. Ademas e ta haya straño cu a inverti den e camber hiperbarico, pa despues numa dicidi pa tuma contacto cu hospital. □



BON DIA *Aruba***Editor**

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

**Hefe di Redaccion**

Jaime A. Mata

**Redactor Ehecutivo**

Zulaica Maduro  
Katherine Martinez

**Redaccion**

Benjamin Romero  
Nathalie Winterdaal  
Leo Maduro  
Nadien Philip  
Margarita Els  
Nicola Gonzalez

**Ehecutivo di Benta**

Marijke Croes-Luidens  
Mark Gomes  
Elly Erasmus

**Diseño Grafico**

Michael Arendsz

**Aviso y Arte**

Sandra Loefstop  
Lando Rafael  
Gladis Palomino-Silva  
Robert Cortez

**Administracion**

Xiomara Arends (Hefe)  
Mariette Engelhart  
Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Yair Gambin  
Francis Dirksz

**Colaboracion**

Ariën Rasmijn  
Sharina Henriquez  
Masnoticia  
NoticiaCla  
Associated Press  
Ret Karibense

**Afiliacion**

Sociedad Interamerica  
di Prensa (SIP)

**DIRECCION**

Weststraat #22

Tel: 582-7800 / Fax: 582-7044

email: noticia@bondia.com

aviso@bondia.com

BON DIA ARUBA

Ta un Corant redacta y imprimi na  
Aruba y ta obtenibel di Dialuna te  
cu Diasabra. Ningun contenido  
por wordo reproduci sin permiso  
di Editor. [www.bondia.com](http://www.bondia.com)

## Editorial



Wega cu cifra den politica

## Kico ta berdad, kico no ta?

Ultimamente nos ta mira varios articulo aparece den prensa, unda politico(nan) ta purba proba nan punto di bista cu material estadistico. Naturalmente cu den e debate aki ta trata di proba ta ken a o ta goberna miho, segun cu e cifranan ta muestra cu economia a mehora o empeora. Den e seccion aki nos tambe ta haci uzo di bastante dato estadistico, semper cu mencion di e fuente, di manera cu e lector cu ta duda di nos interpretacion di e cifranan por bay na e fuente y forma su mes opinion.

Di tur manera, e custumber di compara periodo di gobernacion cu otro ta keda un tema controvertido, ya cu un decision tuma awe por repercuta aki algun aña den e periodo di otro gobierno cu no ta responsabel pa e decision ey, cu a resulta di ta cuestionabel.

Tambe hopi biaha e curso cu economia ta tuma na un dado momento no ta fruta di accion gubernamental, sino consecuencia di desaroyo internacional riba cual ningun di nos tin influencia. Naturalmente ta importante kico gobierno ta haci pa purba minimalisa e consecuenan.

Ehemplo di e fenomeno aki ta e sucesonan di 9/11 y di e crisis financiero/economico di 2008/2009. Aunke entre e partidonan politico local opinion ta varia, pero tambe e ceramento di e refineria na dos oportunidad den nos concepto no tin tanto di haci cu e accion(nan) di gobierno local, sino mas bien cu situacion di mercado internacional, y tambe di cierto característica di e refineria mes, cu ta haci cu operacion na un manera rendabel no ta posibel.

Por trata di yega na acuerdo mas favorabel di e regimen fiscal pa facilita e operacion, loke a sucede por ehemplo na 2010/2011, y cu a hiba na e reapertura momentaneo di e refineria, pero despues nos a mira cu e forsa di mercado adverso di tur manera a impone, y nos tin un refineria cera pa tres aña caba, cu perspectiva awor di talbes haya un bida (cortico) nobo como upgrader, pero cu no ta cambia su situacion pesimo como un refineria compleho completo.

Pero bolbiendo na e tema di cifra, kico realmente por bisa di e situacion economico/financiero di e ultimo dos periodo di gobernacion, esun di 2001 pa 2009, y esun di fin di 2009 te awe? Ta posibel compara e periodonan aki cu otro, sin haya critica di tal o cual banda cu bo ta practicando favoritismo politico? Nos a observa cu recientemente a sali comparacion di con economia a crece y cu cuanto por ciento durante cual periodo.

Pa cuminsa, no ta duna un splicacion cla si ta trata di crecimiento di GDP nominal o real, loke ta haci basta diferencia caba. En corto, nominal ta e crecimiento den florin sin tuma na cuenta e inflacion den e periodo ey; crecimiento real ta kitando e inflacion.

Nos ta observa tambe cu ta simplemente conta tur e añanan cu economia a crece cu un cierto porcentahe hunto, pa gaba cu a logra pa economia crece cu tanto porciento. Pero, e añanan memey unda cu economia a cay, ken su responsabilidad esey ta? Pasobra no por ta asina cu bo ta conta tur aña positivo hunto, y gaba cu esaki ta bo logro como gobierno, anto e aña cu economia a bay atras, ta responsabilidad di ken? Bo no por simplemente atribui tur exito na bo gobernacion, y ignora tur cos negativo pasobra esey lo ta consecuencia di... mala suerte?

Mirando tur esaki, ta posibel pa mantene un posicion mas obhetivo posibel, pero tumando na cuenta cu cierto cifranan, aunke e cifra mes no ta obhetivo di discusion, por ser interpreta di diferente manera, o por ser liga cu diferente factor cu lo a causa e cambio favorabel o desfavorabel den un cierto parametro. Kico anto ta recomendabel den un situacion asina?

Pa cuminsa, nos mester por ta sigur cu cifranan duna pa cierto institucion cu nos ta considera autoridad riba nan tereno, ta cuadra cu berdad. Esaki ta por ehemplo cifranan presenta pa Banco Central di Aruba y Oficina Central di Estadistica, pa menciona algun.


Pa por tin e confianza ey, e institucionnan mester por opera bao di un dirigencia no politico, cu no ta baha cabes pa influencia y mucho menos menasa di banda di esunnan den gobernacion na e momento ey. Cu politica ta keda politica y cu semper lo busca influencia e institucionnan aki, ta berdad, pero no ta motibo pa 'habri man laga bay', pasobra una bes nos mester purba biba cu cifranan cu no ta confiabel mas, nos tur, independientemente nos preferencia politico, ta moviendo den scuridad.

Ademas nos lo luci malo como pais ora cu nos ta entrega na comunidad internacional cifranan, cu pa tratado internacional nos mester entrega, cu no ta confiabel y lo bira conoci cu nos pais no ta capaz di duna cifra confiabel, anto nos tin un problema grandi acerca. Nos por diferencia di opinion, pero mester para fuerte pa estadistica confiabel y na tempo, independientemente ken ta gobernando. □



# Un bon dia pa treat bo mes un BBQ Ribs di Subway!

## Aruba, un transicion facil pa estudiante internacional



**ORANJESTAD - Chikito cu nos isla por ta, manera nos tur sa tin diferente persona di diferente nacionalidad riba nos isla. Sea cu nan ta biba permanentemente aki, traha aki, studia, bishita famia of ta pa disfruta di e isla durante di nan vacacion. E echo cu Aruba ta atrae personanan di diferente parti di mundo ta haci nos diferente den diferente manera.**

Xavier University School of Medicine a wordo funda na

2004. E universidad di medicina aki, pa con straño e por zona, no ta un scol conoci pa hopi persona local. Sinembargo e ta cas pa diferente estudiante internacional.

Studentenan cu ta bin Aruba biba y studia aki pa varios aña. Den un entrevista exclusivo cu Bon Dia Aruba a haci, a papia cu Rehmen cu ta terminando su estudio di medicina aki na Aruba y ta bandona nos isla otro aña.

El a conta cu algun nacionalidad di studentenan na e scol ta bini for di Jordan, Siria, Merca y Canada entre otro.

E universidad aki ta ofrece su studentenan “pre – med” cual ta e programa base cu studentenan cu no tin un bachelor mester prome cu nan por studia medicina. Tambe nan ta ofrece estudio completo di medicina. Locual cu ta haci esey atractivo pa studentenan bin Aruba pa studia medicina na e universidad aki ta cu e gastonan di e scol ta hopi mas abou cu na Merca. Mayoria estudiante ta bin e scol durante di nan añanan di estudio pa spaar placa, haciendo Aruba nan segundo cas mientras cu nan ta studia.

E ta notabel cu no ta hopi local ta asisti e universidad aki y tampoco ta considera e opcion aki, sino cu e ta un escogencia hopi popular bou di studentenan internacional. Tin algun local cu ta atende e Xavier, y nan ta haya e oportunidad pa cera amistad cu studentenan di full rond mundo, riba nos isla. Esaki ta un experiencia cu studentenan Arubiano ta experiencia solamente ora cu ta bay studia den exterior manera na Europa of Merca. Rehman a menciona cu pa un estudiante local ta ricibi 25% di

descuento for di e costo di e universidad. Na Universidad di Aruba tambe sa tin studentenan internacional cu ta scoge pa studia aki, pero e grupo tambe ta hopi chikito. Durante di e entrevista cu Rehmen, el a expresa cu e ta hopi contento pa ta riba e isla y ta contento cu e experiencia cu el a obtene for di e transicion cu e mester a haci for di Merca pa un isla chikito manera Aruba.

“Ahustacionnan menor cu cualkier persona por custuma cun’e, bunita playanan cu mi no tin tempo pa disfruta di dje, y tambe tur hende local cu ta a trata mi semper den un forma hopi amabel y cla pa yuda.” Segun Rehmen algo cu e ta haya super necesario pa personanan cu ta considera biba aki na Aruba ta un auto. El a bisa: “No tin ningun otro manera pa pone, pero e accesibilidad pa yega tur caminda ta esencial na Aruba. Y e manera mas efectivo ta esey.” Basicamente for di un dia pa otro Rehmen tabata na Aruba, memey di Caribe y den un klas yena cu studentenan internacional di rond mundo. Sinembargo el a haya su caminda y a ahusta su mes na

e estilo di bida di un isla “the Island life”.

El a compliment nos isla bisa cu e transicion a bay hopi facil. Rehmen ta finalizando su estudio e aña escolar aki na un manera exitoso pa eventualmente e continua cu su carera den medicina. Sinembargo pa Rehmen Aruba lo semper keda representa un parti di su biahe cu ta hiba su persona na su futuro.

Locual ta remarcabel ta cu Xavier University ta ofrece studentenan un luga pa nan evoluciona y siña hopi, den aspecto educacional y tambe personal. Studentenan cu a pasa den duro nan pais natal, ta sinti nan mes sumamente bendiciona di tin e oportunidad pa studia na Aruba leu for di conflicto, pobresa y guerra. Pa e studentenan aki especificamente Aruba ta manera un sitio sigur y te hasta refugio. Cada estudiante tin nan propio storia, di nan sacrificio y pakico nan ta scoge pa bin studia na Aruba, of nan simplemente a scoge Aruba. Den e aspecto ey Aruba a prospera den e sentido cu nos ta ricibi personanan internacional man habri cual ta un atributo cu Aruba mester mantene. □

## Proyecto Containernan den Bario ta continua na San Nicolas

Despues di e exitoso diadomingo ultimo na Dakota, Aruba Tourism Authority y Serlimar ta continua cu e popular proyecto di Containernan den Bario pa e siman aki. Pues diadomingo awor 22 di november, San Nicolas ta na turno. E sitio exacto lo ta e tereno dilanti ex Lucky Store. E orario lo ta di 8’or di mainta pa 2’or di atardi.

Riba tur diadomingo den november, ATA y Serlimar lo ta den e districtonan mas grandi di Aruba, ofreciendo tur cas den nos comunidad e oportunidad di prepara y haci limpieza pa fin di aña. Probecha y no warda te ultimo ora pa cuminsa cu e limpieza mas grandi di aña!

### Milieustraat

Cu e generoso sosten di ATA, dicho proyecto lo wordo checuta pa Serlimar den e concepto di un “milieustraat” of “caya di medio ambiente”. En breve, e “Caya di Medio Ambiente” ta encera e deposito separa di materialnan di desperdicio den nan respectivo container.



Pues deposita e siguiente tipo di desperdicio separa den nan container, esta: desperdicio di construccion/mata, desperdicio di cas general y artefactonan di metal (wasmashin etc.). Lo ta bay tin controladonan presente na tur momento, specialmente pa dirigi y asisti bo den esaki y nos ta conta cu e cooperacion di un y tur.

### Tipnan pa preveni Dengue y Chikunguya tambe na Milieustraat

Gele Koorts en Musketenbestrijding tambe lo bay ta presente pa suministra informacion di prevencion di Dengue y Chikunguya na publico.

Ta temporada di awasero atrobe pues elimina tur criadero, haci limpieza na cas y den bario y ricibi bo tipnan valioso directamente di GKMB.

### Duna Aruba e miho di bo!

ATA sigur ta un instancia cu ta promove lo miho di nos isla y esaki definitivamente ta inclui pa duna Aruba e miho di bo y yuda mantene nos isla limpi! Cu e pensamiento aki den mente, ATA ta sigui sostene Serlimar y e noble proyecto Milieustraat pa asina ofrece Aruba un manera facil, gratis y responsabel pa deshaci di desperdicio di cas grandi (grofvuil) pa fin di aña.

Dor di duna prome na comunidad y pone containernan disponibel, lo motiva tur habitante pa (man) tene rond di nan cas limpi y asina contribui pa mantene e bario mes limpi. □

Shamila Bulos:

## Ministerio di Enseñansa lo financia Proyecto Contra Tentamento pa tur scol na Aruba



**ORANJESTAD-** E proyecto “Veilige Scholen” ta cumpli cu e tratado di Derecho di Mucha, di cual Aruba ta forma

parti desde januari 2001. Un scol sigur fisicamente y emocionalmente ta hopi importante den desaroyo di un mucha. Gobierno tin e responsabilidad pa cumpli cu e aspecto aki.

Cada organisacion esta, Departamento di Enseñansa, Directivanan di Scolnan, Cuerpo Policial, FADA, Telefon pa Hubentud, Wit Gele Kruis, Fundacion Maatschappij & Criminaliteit, Ministerio Publico, Fundacion pa Nos Muchanan y mas a firma e acuerdo y protocol cu lo traha den bienestar general di e mucha, sea ta pa duna les, preveni uzo di droga of pa scucha y duna conseho ora di problema, specialmente na

momento cu e ta wordo persigui na scol.

Shamila Bulos, trahado social Telefon pa Hubentud, a splica riba e proyecto piloto implementa na 8 scol cu ta e prevencion di termento na scol, conoci awendia como “anti-Bullying”.

Den año escolar 2014-2015 a ehecuta e proyecto, cu ta encera 7 sesion na unda tabata duna informacion na e muchanan pa crea consciencia encunto termento y con pa haci pa resolve e problema aki. E proyecto ta pa enfoca riba henter comunidad y no solamente na scol. Pues no solamente ta conscientisa e docentenan pero tambe e

mayornan. Na momento cu un di esunnan involvi ta nota termento por actua mesora.

A base di 7 buki di guia pa docente y un descripcion pa mayor a yega na globalisacion di e punto di enfoca. E muchanan ta haya nan buki cu nan por traha cun’e. Un proyecto cu a resulta exitoso. CBS a haci un sondeo prome cu a drenta scolnan y a haci un midimento un luna despues y tambe un año despues di e introduccion.

Den comparacion di e dos encuestanan ya caba a constata e exito di e programa. E programa ta parti di curriculum y cada año ta wordo ahusta. A describi, cuminsan-

do cu e prome responsabel pa un mucha, cu ta su mayornan. Si e mayor ta bon informa, e ta conta cu adelanto den sociedad.

Minister Michelle Hooyboer a reactiva e proyecto debi na su exito y necesidad y lo financia e proyecto na bienestar di nos muchanan cu e solo meta pa mehora e bienestar di e mucha na scol. E plataforma ta crea oportunidad pa directivanan di scol y e instancianan concerni por topa y intercambia pa por sigui traha na un miho scol. Tambe Minister Hooyboer a institui e comision cu ta traha riba e guia di conducta cu ta yuda garantisar un ambiente sigur na scol. □

Sacha Geerman:

## 2015 un año grandi di logronan pa Aruba pa e derechonan di mucha

**Esaki ta e siman unda cu hopi mas enfasis ta wordo duna na e tratado di Derechonan Internacional di nos Muchanan.**

Sra. Sacha Geerman cu ta presidente di e comision di Derechonan di Mucha Aruba a duna di conoce cu Aruba e año aki a haya mas oportunidad pa yega mas cerca di informacionnan y encuentro cu otro paisnan pa asina nos mehora cada biaha nos obligacion pa nos muchanan na Aruba.

20 di November ta importante pa recorda cu Paisnan rond di mundo a firma hunto pa asina compromete nan mes pa e derechonan di mucha. Aruba tambe a firma e compromiso aki na año 2001 pa cumpli cu un acuerdo di 54 articulo di e tratado. 2015



Aruba a logra pa participa na e tratado na Geneve den Juni, unda Aruba a raporta con nos ta implementando e derechonan di mucha. Ademas Aruba a ricibi un serie di recomendacionnan cu nos mester cumpli cun’e.

Un otro logro ta unda a instala un task-force riba nivel di reino unda cu a habri e posibilidad pa traha hunto na beneficio di nos muchanan den reino. E comision a traha riba e relato y con pa canalisa e recomendacion cu nan a haya na Geneve.

E documento pa maneho integral di Hubentud “Generation of leaders” tabata un di recomendacionnan di Nacionnan Uni, unda nan a aplaudi e iniciativa pa finalisa e proceso di e documento aki. E ta e documento

cu mester wordo implementa den tur sectornan cu ta atende cu nos muchanan, unda cu e pasion di tur mester t’ey pa implementa haciendo esaki realidad. Algun di e puntonan importante di recomendacionnan ta entre otro stimula participacion di e hobennan mas den nos comunidad, hobennan mester wordo scucha y guia. Esunnan cu ta sufri door di violencia domestico mester sa unda nan mester acudi pa haya e ayudo of informacionnan cu nan tin mester. Sra. Sacha Geerman a bisa; “No ta gobierno so tin e responsabilidad sino tur instancia, educadornan, comercio, famianan mester ta dispuesto pa carga e responsabilidad aki. Fondonan necesario mester wordo poni pa asina yuda mas ainda den ehecutacion di e cuido y guia di nos yiunan.” □

## Directora di SKOA ta relata riba reunion entre SKOA y SIMAR

**SKOA a reuni cu directiva di SIMAR, pa atende cu e preocupacion nan cu SIMAR a vocifera.**

E reunion aki tabata un reunion masha ameno unda tur dos organisacion a enfatisa cu calidad di enseñanza ta primordial. Den e reunion aki tur dos organisacion a vocifera unanimamente cu e alumno ta central den enseñanza! Durante e reunion SKOA y SIMAR a elabora riba e siguiente topiconan: E echo cu SKOA ta atende cu un caso huridico cu mayornan a entama contra

SKOA den cua e pregunta central ta si enseñanza na Aruba ta gratis. Pa motibo cu tin e bodem procedure andando y e resultado no ta conoci ainda SKOA kier ta prepara y ta masha cauteloso den e forma cu e ta trata su financia e año escolar aki. Sinembargo esey no mester conduci na un stop di actividadnan cu ta aporta na desaroyo social y social emocional di e alumnonan. Ta p’esey directiva di SKOA hunto cu cabesantenan di SKOA ta haya cu actividadnan social ta sigui den su scolnan.

Tin actividad social cu e meta pa aporta na desaroyo social emocional y tin actividadnan cu ta aporta na desaroyo general di e alumno. Actividadnan cu ta siña e alumno respet y aprecio pa otro y actividadnan cu ta desaroya e sentido di amor pa nos pais. E actividadnan ta permanece riba programa escolar y lo continua segun plan.

Como cu SKOA ta un fundacion catolico e ta considera importante cu su scolnan lo participa na diferente santo sacrificio di misa, pa asina aporta na desaroyo di e parti spiritual di e hoben.

Tambe SKOA a elabora riba e parti financiero,

como un instancia subsidia pa gobierno di Aruba. Pa evita cualkier mal entendimento, SKOA a splica na SIMAR con e proceso aki ta.

Despues cu SKOA a responsabilisa su parti financiero na ministerio di enseñansa, na su turno ministerio di enseñansa ta den e proceso di cumpli cu su parti di acuerdo pa cu SKOA. E decisionnan aki ta den cuadro di palabracionnan pa reduci e aumento di e pago escolar pa e año escolar coriente. SKOA a coregi e mal entendimento na SIMAR pa cu falta di material na scolnan resorta bou su fundacion y a aclaria cu su situacion financiero no ta cu tur cuenta di SKOA ta wordo cera of cu no lo por percura pa material na e scolnan.

Por ultimo SKOA y SIMAR a elabora riba e parti di ‘normbedragen’. Esey ta un topico cu SKOA ta ocupa pa elabora riba dje hunto cu ministerio di enseñansa. Esaki ta un tarea basta amplio, unda mester yega na un acuerdo riba e suma cu un alumno ta costa den enseñansa. E reunion a termina den bon ambiente y partidonan a palabra cu nan lo mantene e lasonan di comunicacion estrecho. □



Randy Thiel:

## Reaccion di SMAC riba Alvin Wever

**ORANJESTAD – Presidente di SMAC ta haya necesario pa trece e berdad dilanti pa tur locual a wordo bisa pa Sr. Wever recientemente. Y cual a sali den diferente medio di comunicacion.**

“Lamentablemente mi ta hayando mi mes ta haci un declaracion publicamente riba un reaccion di un persona, cu en berdad no ta mi style. Sinembargo aki ta trata di un informacion negativo riba e directiva di SMAC. Na prome luga ora Sr. Wever ta papia di transparencia, mi por bisa cu a wordo demostra door di Smac durante full e temporada di carnaval 61 na lider di gruponan, lider di musiconan y tur partnernan di por tabatin diferente reunion nan pa asina pidi conseho of pa informa nan locual cu ta pasando cu nan organisacion.

E prueba ta ora cu SMAC a cumpli cu un relato financiero anual cu pa prome biaha a wordo entrega na tur instancia cu tin di haber cu Carnaval y tambe a publica esey pa asina pueblo en general por mira e relato.”

Sr. Thiel a sigui bis cu kisas e persona aki lo no a keda contento cu a dicidi otro pa no huur un oficina di dje. Of cu su Negoshi tabata esun di mas caro compara pa locual tabata e plakkaat y trofeonan cu mester a wordo traha? Esaki ta e motibo cu a bay otro compania mas barata.

“Ta papia di transparencia, pero porta mi mester refresca Sr. Wever su memoria cu den e prome 4 simannan di carnaval, Smac no tabatin acceso na pago, sino e cu un otro miembro cu tabatin autorisacion pa firma check.”

Sr. Thiel a sigui splica cu te cu dia 4 di februari (carnaval a termina dia 16 di februari), es decir cu ora cu mi persona y tesorera Joally haya e “invoice” nan, nan ta wordo aproba y manda pa e personanan aki, pa traha e check nan pa paga. Cual no tabata e intencion como cu ta nan tarea. Y berdad ta, cu esaki a pone e funcionamiento di Smac un tiki mas dificil cu e tabata caba.

E accountant, Leysner & de Cuba, Smac ta considera un accounting renombra y uno

serio den su trabou, a wordo recomenda pa Sr. Wever. Cu por cierto den principio a bisa cu lo tabata gratis y na final nos a haya e sorpresa cu Smac lo mester paga e gastonan.

Na nos parecer e meneer aki a compromete Smac cu un debe cu no a wordo informa na nos, segun e presidente. Tur documento a bay pa e accounting aki, cu colaboracion

di Sra. Joally y Sr. Aldrick Croes. Y di eynan e relato financiero anual 2015.

E relato financiero anual a wordo controla pa e directiva di Smac y despues a presente na RVT (unda cu Sr. Wever ta forma parti di dje) den presencia di e accounting. “Mi ta kere cu mas transparente cos no por a bay.” Es mas, te hasta hendenan cu yama nan mes

integro, lamentablemente tambe por comete erornan talbes sin por pensa riba e consecuencianan. EL a sigui bisa: “Aki mi tin dos deposit slip unda cu pa eror a wordo traha riba e compania Masy Frall unda cu Smac no tin nada di haber cu nan. Pero, mi ta kere cu unda tin hende ta traha, por tin erornan cu por wordo cometi y mester sa semper di coregi, y Danki

Dios cu esaki tabata e caso y a wordo mira na tempo, pa asina e no bay riba cuenta robes.”

Terminando Sr. Thiel a enfatisa cu esaki no ta su style pero, si a pidi transparencia, y ta purba cuestiona e organizacion. “Lamentablemente mi mester reacciona y defende loke ta e berdad y loke no ta berdad,” Sr. Thiel a conclui. □

## Curcumin E ingrediente milagroso di Turmeric

E mata di Turmeric ta hopi conoci na India. Su reis ta wordo cosecha, limpia, seca y traha den un puliro y ta wordo uza pa specerij (Turmeric ta loke ta duna curry su bunita colo geel oro) y manera remedii. Ademas di su uzo pa duna cuminda smaak ta uza Turmeric pa trata diferente condicion manera dolor di djente, gas na stoma, dolor de pecho y problemanan di menstruacion. Investigacion a descubri cu e beneficianan di Turmeric ta bin di un ingrediente yama Curcumin.

### BENEFICIONAN PROBA

Curcumin ta un antioxidante, anti-inflamatorio, antiviral, antibacterial y un anti-fungico potente y a prueba di tin diferente beneficio incluyendo reduccion de diferente sintoma di diferente malesa manera cancer, malesa di curason, bronkitis y asma, depresion, Alzheimer, Artritis y artrosis, diabetes, leukemia, cirrosis, psoriasis, herida y cansancio.

### ANTI-INFLAMATORIO

Un di e motibo nan cu Curcumin ta asina efectivo pa yuda cu e sintoma nan di asina hopi diferente enfermedad ta pa motibo cu e ta un anti-inflamatorio natural poderoso. Casi tur malesa cronico - diabetes, malesa di curason, artritis, Alzheimer - tin algo en comun: inflamacion destructivo. Pa motibo cu Curcumin ta un anti-inflamatorio natural poderoso e ta yuda cu e sintoma nan di masha hopi malesa.

### ANTI-OXIDANTE POTENTE

Nos curpa ta crea “Free Radicals” cu ta causa cu nos ta bira bieu. “Free Radicals” ta molecule cu falta un electron. Door di e falta di e electron aki e ta destabilisa otro molecule den e curpa door di horta electron di otro molecule cual ta crea mas “Free Radicals”.

E situacion aki ta causa formacion di cadena di “Free Radicals” yama “Free Radical Cascade” y por resulta den dañonan celular “oxidacion stress”. “Oxidacion stress” ta causa inflamacion y malesanan cronico manera cancer. “Free Radicals” por afecta tur e sistema nan di e curpa humano incluyendo e sistema inmunologico. Curcumin ta yuda evita “Free Radical Cascades” y tin un capacidad extraordinario pa neutralisa “Free Radicals”. Un extracto di Curcumin prepara den un forma special tin un balor antioxidante mucho mas halto cu blueberries (6,552x), strawberries (3,577x) of chuculati (40,200x). Curcumin ta un tremendo anti-inflamatorio y antioxidante cu ta e splicacion pakico e tin un efecto asina positivo.

### CURCUMIN Y CANCER

Nos curpa tin un capacidad natural pa bringa cancer door di tin genen cu ta traha pa combati tumor. Sin embargo, mas bieu nos bira, nos medio ambiente y nos manera di biba por stroba genen di traha cu ta causa cu cancer por crece. Investigacion a descubri cu e manera cu


Curcumin ta bringa cancer ta door cu e ta reactiva e genen drumi y permiti nan di cuminsa traha bek y bringa e cancer. A ser prueba cu Curcumin ta preveni cancer, ta stop su progreso y ta stop e cambio nan den cel cu ta evita cu nan ta bira canceroso, e ta stop e generacion di cel nan canceroso (formacion di tumor), y ta stop e cel nan canceroso di move pa otro parti di e curpa. Estudio nan publica ariba con Curcumin ta impacta e actividad di cancer ta indica cu e ta yuda suprimir cancer di pecho, prostata, nier, cuero, tripa y pulmon. Hasta a wordo demostra cu Curcumin ta aumenta e efectividad di e remedinan contra cancer y ta baha e resistencia na remedinan di cancer tambe (cual klermen cu e ta yuda e remedinan contra cancer pa traha miho.

### BCM-95®

Solamente 2 pa 5% di Curcumin ta wordo absorba door di nos curpa y pa bo haya 100 mg de Curcumin bo tin cu bebe 2000 mg de Turmeric. Haciendo e situacion ainda mas complica ta cu nos curpa no ta absorbe mucho bon y door di esey e no ta keda den nos sistema suficiente largo pa haci un impacto. E Curcumin cu ta miho y ta wordo miho absorbe ta Curcumin cu ta microniza y mescla cu zeta di Curcumin cu ta wordo absorba te cu 10 biaha mas y ta permiti cu e ta keda den e sanger na un nivel significativo mas largo. Terry Naturally su CuraMed ta contene Curcumin di super absorbacion microniza patentada cu yama BCM-95®, cu ta proporciona e forma mas puro di Curcumin y por ta te hasta 10 biaha mas fuerte cu otro tiponan di Curcumin. Estudionan clinico publica a demostra cu BCM-95® ta brinda e Curcumin efectivo, consistente y duradero.

Aunke cu Curcumin ta wordo considera generalmente safe si bo ta bebe cualkier remedi of si bo ta na estado semper ta bon pa bo check cu bo dokter prome cu bo bebe cualkier suplemento.

Productonan di Terry Naturally ta obtenibel exclusivamente na Nature's Discount.



**Nature's Discount**  
NUTRITION CENTER

Palm Beach 6D - T: 586- 0776

Seroe Blanco 19 - T: 588-5380

Pos Chikito 100A - T: 584-0336

nature@bosalud.com

Nature's Discount Aruba



## Toyota Tercel completamente kima



**TANKI LEENDERT** - Diaranson 6'or di mainta un dama cu tabata cana na altura di e dam na Tanki Leendert ta wak un auto kima. Patruya cu a yega na e sitio a constata cu ta trata di un Toyota Tercel y cu esaki lo a wordo horta for di South Beach.

Na e parti dilanti bo por a wak cu un otro vehiculo a tou esaki y trece eyman. E motor y hood a wordo kita y e resto kima. Pues esunnan responsabel sin ningun miedo di wordo para pa autoridad a core cun'e trankilo riba caya y yega na e sitio pa asina cende na candela. □

### TUR PARTICIPANTE Y PENSIONADO DI APFA TA KEDA CORDIALMENTE INVITA PA ASISTI NA E:

#### REUNION GENERAL DI PARTICIPANTE

Dia: Diaranson, 25 di november 2015  
Ora: 7.00 p.m. – 8.30 p.m.  
Lugar: Cas di Cultura

Durante e reunion aki bo lo ricibi informacion tocante e desaroyonan den bo Fondo di Pensioen y lo presenta e Relato Anual Financiero 2014.

#### BO PENSIOEN Y BO FUTURO TA HOPI IMPORTANTE!

E Reunion General ta solamente pa e Participante y Pensionadonan cu ta inscribi na APFA.

Mester presenta cu un ID valido pa registra. Ta cuminsa cu registracion for di 6.30 p.m.

"Ta masha importante pa bo mantene bo mes bon informa tocante di e desaroyonan di bo pensioen."

## Ladroncia den parkeerplaats di Burger King

**ORANJESTAD** - Central a manda Polis na un adres den De La Sallestraat pa un kiebri den auto. Eynan e muhe S ta bisa polis cu desconocinan a kibra den su auto na altura di e parkeerplaats di Burger King. Mirando cu e tin miedo di adicto ambulante e no a yama polis na e sitio y a bay cas pa yama polis. Polis a tuma e keho.

## Polis a wordo yama pa auto sospechoso

**SABANA LIBER** - Central a manda Polis direccion di Carmelo Snack na Sabana Liber na unda un Daihatsu Jeep ta para y un persona ta sospechoso. Polis a bay na sitio y a busca den bisindario y a topa cu un Daihatsu berde. E cas ta den construccin. Tras di e cas tabatin tres apartamento. No tabatin nada particular.

## Awa di beerput riba caminda

**PALM BEACH** - Central a manda polis na un cas na Palm Beach pa molester di awa di beerput. Na e sitio polis a papia cu e doño di e cas, kende ta bisa cu e awa ta bin for di cas di e bisiña. Polis a controla y a constata cu e awa ta procedente di un otro cas y a papia cu e doño. E ta bisa cu e ta kere cu e beerput tin un scheur y e awa ta Sali ora cu e ta yen , pero e ta bay drecha esaki.

## Atraco na oficina di number Diamante Lottery

**KUDAWECHA** - Central a manda polis na Diamante Lottery na Kudawecha pa un atraco. E personal di e unidad K-9 tabata prome cu a yega na e sitio y a haya informacion cu un homber bisti cu un T-shirt shinishi cu jeans, color cora, a drenta e localidad cu un pistol y a exige placa. Despues el a core bay pariba direccion di Kudawecha. Polis a pone Central na altura y a core rond den bisindario di Kudawecha, Calabas , Alto Vista y bisindario, pero no a topa cu e sospechoso.

## Ladronnan ta horta brommer

**SHABA** - Un persona a bay warda di Polis di Shaba pa meld ladroncia di su brommer. E ta bisa cu dia 17 di november mas o menos 04.30, el a para su brommer dilanti un cas den J.de Witstraat y diamars 06.00, ora cu el a bay bek na e brommer , el a mira cu e no tabata eyman. Polis a tuma keho.

## Doño supuestamente a laga auto habri

**SHABA** - E homber C, a bay warda di Polis na Shaba pa duna keho di ladroncia for di su auto Toyota Rav 4. E ta bisa cu desconocinan a bay cu un cartera color crème marca Guess, den cua tabatin su rijbewijs Arubiano, un visa creditcard y un envelop den cual tin papelnan di e auto y tambe algun placa los. Segun e denunciante el a para su auto 23.30, dilanti su cas y a laga e auto intacto. E ta bisa cu e no ta corda cu el a cera e auto na yabi. Mainta el a constata cu ladronnan a drenta den e auto dor di e porta di bahul. Polis a tuma e keho. Polis no por a pone Recherche na altura di esaki como cu e doño a haci e auto limpi y a uza esaki.



# “Angus burger” Subway su Best kept Secret!

*Fraccion AVP*

## Desesperacion di oposicion ta mira hasta den cifranan positivo cosnan negativo

**ORANJESTAD:** Pa mayoria di hende pa no bisa tur hende, ora cu e palabra “aumento” wordo menciona, e tin un nificacion sumamente positivo, mas ainda ora cu nos ta papia di aumento pa loke ta entrada di turismo di Aruba.

Pa ultimo seis aña, a base di e vision di Gobierno di AVP, turismo di Aruba a conoce riba practicamente tur tereno, aumento tras di aumento, un miho cu e otro y cu ta confirma cu e maneho cu tanto Gobierno hunto cu Aruba Tourism Authority ta hibando, ta esun corecto. ATA a cuminsa como un entidad di mercadeo pa atrae mas turista Aruba y pa ta e autoridad ariba e calidad di Turismo cu nos ta desea pa nos

isla. Awe ATA ta invertiendo hopi mas recurso den mercadeo directo, proyeccionnan y strategianan cu antes, esaki pa motibo cu e competencia den Caribe ta grandi. Dia cu Aruba no sali afo agresivo ariba e mercado internacional bo lo sinti e impacto di biaha. Mester keda activo ariba diferente nivel pa mercadea Aruba como un isla diferente y atractivo pa turista durante henter e aña. E data cu ATA ta procesa tambe ta di mas cu 10 indicador cu mester duna e informacion valioso pa monitor nos Turismo y e desaroyonan. Mester bisa cu no solamente den e cantidad di turistanan cu ta bishitando nos isla tur aña pero riba diferente aspecto di e totalidad di nos turismo, nos a conoce cifranan for di hopi

positivo. Mientras cu nos tur kier papia di aumentonan cu ta riba 10% of mas riba cualkier periodo di aña, e ta keda sumamente indicativo, cu e industria turistico ta bayendo den un direccion positivo y balansa, caminda tin hopi trabou ainda pa haci pero sin duda nan tin atencion di tur envolvi. Kisas e industria di turismo crucero lo por conoce un cambio cu un disminucion e aña aki pero tur hende cu tin conocimiento di e materia aki, ta bon na altura e motibonan di esaki y caminda ta anticipando caba cu pa 2016 e situacion aki lo ta mas faborabel. Gobierno ta trahando pa drecha henter e bista na entrada di Paardenbaai mientras cu tin diferente otro proyecto den desaroyo pa sigui hisa nivel di e producto Aruba pa nos bishitantenan y tambe pa nos propio pueblo. Notabel ta e hecho cu mientras Banco Central ta papiando di aumento riba varios aspecto di e industria turistico, tin e pesimistanan di oposicion

cu ta sigui inventa formula pa convence tur hende cu cosnan no ta bayendo bon. Un di e argumentonan aki ta ora cu un miembro di oposicion muestra cu e entrada cu turistanan ta lagando atras a conoce un aumento di “solamente” 1.96% compara cu e Q2 den e mesun periodo aña pasa cu ta aumento di 12.7 milyon florin pa e economia di Aruba. Pues hasta cu cifra positivo, oposicion ta trata di inventa un formula negativo pa sigui cu nan campaña destructivo caminda nan ta traha di hinca miedo den pueblo. Turismo ta keda nos pilar solido di Economia y ta e gran mayoria di nos poblacion ta depende di Turismo y nan no lo mester tin duda cu nos isla lo sigui ta un destinacion top den Caribe. Tur hende ta na altura di e maneho hiba pa Gobierno di MEP pa 8 aña largo, caminda turismo a conoce desaroyonan negativo, resultado di un maneho inefficiente y sin vision pa futuro, cu entre otro varios compania crucero cu a

dicidi di saca Aruba for di nan ruta, un compania di KLM cu tambe a dicidi di bin cu menos vuelo pa nos isla debi na e maneho hiba pa e gobierno di e tempo ey, y otro companianan cu tambe no a mira mucho desaroyo positivo cu Aruba pa nan sigui cu e confiansa aki. Pa tal motibo por compronde e frustracion pero mas tanto decepcion di parti di miembroman di oposicion, den e caso aki Dangui Oduber, kende ta uza formulanan sin sentido pa crea un caminda un porcentahe di negativismo caminda e ta kere cu e ta sinti su mes bon y ta kere cu pueblo ta sostiene su persona. Pa colmo e reaccion negativo aki ta bin algun dia despues cu e miembro di fraccion di MEP a sinta cu Minister Otmar Oduber, Minister Dowers y Minister Sevinger den un serie di reunionnan yama pa comision di Turismo di Parlamento, pa haya tur informacion cu nan ta desea y ningun momento el a vocifera su preocupacionnan manera cu e ta trece nan den prensa. □

*Juan AdyThijsen(MEP)*

## Un ilegal ta trece hopi peliger pa nos pais

**ORANJESTAD – Segun Parlamentario mr. Juan AdyThijsene ultimo seis aña Aruba a conoce un entrada masal di ilegalnan na nos pais.**

Esaki a bin na momento cu e gobierno nobo bou liderazgo di Prome Ministro Mike Eman hunto cu Ministro Dowers y Ministro Sevinger a elimina e control riba nos costanan, a stop uzo di radar y tambe no a sigui mas cu control na pia di trabao y tampoco a persigui personanan cu a keda ilegal na nos pais despues di a drenta como turista of a drenta via nos costanan. Di otro banda a hiba un maneho man habri pa loke ta toca entrada via aeropuerto of wafinan. Supuesto turista ta drenta facil un par di dia despues ya ta trahando. Consecuencia di tur esaki ta cu tin un cantidad di miles di ilegal ta cana rond riba nos isla. Esaki tin consecuencia y peliger riba diferente ramo.

1. E ta un peliger grandi pa salubridad publico pa motibo cu e personanan aki no ta wordo controla. Awor a Sali na cla cu tin hasta malaria a wordo descubri na paisnan origen di hopi ilegal pero tambe otro malesanan por ta drentando.

2. E ta kita trabao di nos hendenan local mientras ta conoci cu desempleo ta grandi

entre otro 28 % di nos hubentud.

3. E ta un peliger grandi pa seguridad di nos pueblo, bo no sa cuanto criminalnan ta drentando.

4. E ta un peliger grandi pa e seguridad nacional di nos estado pasobra den e mundo di terrorismo actual bo no sa ken ta drentando cu ideanan radical

5. E ta un problema grandi pa e financia publico pasobra gobierno no ta haya e entradanan cu e mester haya basa riba nos leyman.

Parlamentario mr. Juan AdyThijsen ta lamenta cu gobierno ta sinti man crusa y no a haci nada pa proteha e pueblo te awor aki. Esaki ta muestra un biaha mas e incapacidad y irresponsabilidad di e gobierno aki y p'esey mester bay cas mas pronto cu ta posibel. □

**SALE Antiques & Curiosities**  
**ROCOO PLAZA**  
Tanki Leendert road 4A  
**15% DISCOUNT**  
**Antiek Shops Open**  
**Tur dia 9-5 NONSTOP**  
**Info : 741-5640**  
**Nos ta bende Bubble Wrap**

**Dr. Harold Narain**

**Comprehensive Health Care Center**

“Specializing in women who are used to the best & latest in Gynaecological care”  
**SAME DAY SERVICE available in Gynaecology, Obstetrics, Infertility, for Private paying Patients**


**Tel. 297- 583-5993**



*Since the most remote Antiquity, the desire for better look has prevailed...  
We offer procedures in order to design more perfect and attractive bodies...*



**Before**



**After**

Office procedure, 100% under local anesthesia  
Safe and Quick receiver, 24-48hours  
**Call for confidential demonstration & evaluation**  
**Tel: (297) 583-5993**



*Partido ABO:*

## Danki Dios cu na Aruba so ‘no tin corrupcion’. Aleluya!

**ORANJESTAD - Algun siman pasa, nos por a lesa den medionan di comunicacion cu e minister di Financia y Organizacion gubernamental a cuminsa un investigacion na Aduana pa un supuesto fraude. Na papiamento crioyo, fraude kiermen malversacion di placa.**

Cu otro palabra ladronicia di placa elegante sin uza arma of asalta un persona. Aki, cifranan riba documento ta wordo cambia, recibonan ficticio of falso ta wordo traha pa sconde placa, tambe diferente companianan ta wordo crea cu ta haci mas dificil pa detecta e fraude facil of ‘Stroman/vrouw’ ta wordo uza. Mas debil e sistema di control ta, mas grandi e sumanan envolvi ta, mas creativo esunnan involucra ta bira. E tecnologia moderno di awendia unda casi tur transaccion ta wordo haci via un computer, tambe a facilita e tipo di crimen aki. Pero corrupcion y

fraude no por florece sin un persona debil. Mas debil, mas pover of mas materialista un hende ta, mas vulnerabel e ta pa comete of participa den delitonan asina.

Ainda ta fresco den nos memoria e asunto di un director di Utilities Aruba N.V. cu a malversa miyones. Of esunnan di laboratorio Nacional y e bendemento di tereno y cas di gobierno. Unda tur e placa horta aki a keda? Gobierno a recobra e sumanan miyonario? Dicon nunca pueblo ta tende di e continuacion di e casonan aki? Dicon semper nan ta termina den e famoso ‘doofpot’?

Tambe tin algun proyecto cu a yega te na corte pa malversacion di fondonan publico cu tabata tin cierto politiconan y hendenan rond di e politiconan envolvi. Pero tambe den e casonan aki, husticia a keda ciego y nunca pueblo a tende nada of a mira algo di e placanan aki. Pa no lubida e hala di acusacionnan di corrupcion di e politiconan

contra otro. Dos ehempel tristo di esaki, ‘e comision di berdad rapport’ y e ‘WODC-rapport’. Tur esunnan cu a wordo acusa y di nan algun cu a bira miyonario diripiente, ainda ta cana liber rond manera hende drechi, pasobra atrobe ‘nada legalmente por a wordo comproba’, un deal politico a wordo cera y cu nan no ta djis un persona. Imagina si e tabata abo, Buchi of Shimaria. Basta dia bo lo tabata cera, pueblo lo a haya sa di bo crimen y bo lo a wordo expulsa socialmente di e sociedad. Pero parce cu si bo ta un politico, e no ta importa pueblo cuanto placa ta wordo malversa of horta.

Increibel pa scucha e siman aki un persona bisa: ‘cu no tin corrupcion den e proyecto di ‘Black Corridor’, pasobra tin hopi companianan envolvi’. El a sigui bisa cu tampoco corrupcion no por wordo comproba. Realmente mi ta kere cu e persona aki a kere cu ta cu un mucha e ta-

bata papia of un ciudadano cu gobierno ta gusta tuma pa hende bobo na luga di un ex director di gobierno cu sa exactamente ken ta ken den gobierno y con e dealnan aki ta wordo hinca den otro. Mi contesta na dje tabata: ‘Bo tin rason. Mi tin e prueba awor. Pero si e pueblo duna partido ABO e sosten, e ora ey si mi lo haya no solamente e pruebanan aki, pero hopi mas’.

Argumentonan barata y fofa manera esun menciona, nunca por tapa of hustifica actonan di corrupcion y ladronicia. Corupcion ta un crimen contra pueblo y su futuro generacion. Hasta Stevie Wonder y Jose Feliciano por wak cu tin corrupcion den e proyecto di ‘Black Corridor’. Pero pa motibo cu nos sistema hudicial nunca por haya ‘algo legal’ pa persigui e clase elite, argumentonan asina ta keda wordo uza bo tuma pueblo haci. E ta conoci cu bo por sconde hopi placa uzando diferente companianan, algun hasta ficticio. Mi



ta sigur cu e minister di Financia y Organizacion gubernamental por bisa mas detaya con esaki ta sosode, teniendo cuenta cu su formacion profesional y trayectoria laboral. Invitacion na e Papa di Roma: Ultimo tempo nos por a lesa cu hasta na Vaticano corrupcion a infiltra. P’esey partido ABO ta invita su santidad e Papa di Roma, pa muda e sede santo for di Roma y pone aki na Aruba. Pasobra aki na Aruba so, no tin corrupcion y tur hende ta Santo. Aleluya. Nos SI ta bendiciona of nos tur a bira ciego y complaciente! □

*Rene Herde (AVP)*

## Reunion tripartiet entre parlamentonan di Aruba Corsou y Sint Maarten

**ORANJESTAD - E siman aki miembronan di parlamentonan di Aruba, Corsou y Sint Maarten lo reuni aki na Aruba riba temanan di importancia pa tur e tres paisnan. E reunion aki lo tuma luga, a pesar di asuntonan di gobierno importante cu tin di atende na Corsou y Sint**

**Maarten.**

Esaki ta subraya e importancia di e reunion na Aruba. Desde e ultimo reunion entre e tres parlamentonan na mei e aña aki, a sosode un serie di asunto riba nivel di Reino cu mester discuti hunto. Rene Herde cu ta presidi e comision di Asuntonan di Reino y di Asuntonan In-

ternacional di Parlamento di Aruba, ta un di e personanan encarga cu preparacion di e reunion ‘tripartiet’ aki. Rene Herde: “Tin preocupacionnan comun cerca tur tres e parlamentonan riba asuntonan cu ta toca nos tur tres. E maneho di gobierno Hulandes pa cu nos tres paisnan ta un di e temanan

aki. Pero tambe nos mester prepara pa e reunionnan cu parlamento di Hulanda cu lo tuma luga na januari awor na Sint Maarten. Pa motibo di e agenda sumamente yen di tur tres parlamento pa resto di e aña aki, e siman aki ta e unico tempo cu a resta pa nos por topa en persona. Nos a y lo sigui reuni via e sistema di

video. Pero awor tur hende a logra saca un dia e siman cu ta bin pa reuni aki na Aruba.”

### Temanan

Entre e temanan cu lo wordo trata e siman aki tin otro temanan importante manera e “areglo pa atende cu conflicto” entre paisnan di Reino. E tema aki tin decanan den discusion den Reino. E ultimo 6 aña partido AVP a pone e tema aki halto riba agenda di Reino. Aunke a kere cu na mei e aña aki a logra yega na un comprendemento pa introduci e arreglo aki, a resulta un luna despues cu gobierno di Hulanda a pone presion pisa riba e partidonan den Parlamento Hulandes pa laga e palabracion haci den IPKO na mei 2015 cay. E proposicion cu Hulanda a presenta despues no ta cuadra cu niun di e puntonan acorda na mey. Ta logico cu tanto gobierno como parlamentonan di Aruba, Corsou y Sint Maarten, a rechasa e proposicion di Hulanda.

Otro temanan riba agenda ta entre otro e cooperacion riba tereno economico, con ta haci e biahamento entre e seis islanan mas facil. E tema di e arreglo pa atende cu conflicto ta esun mas importante sin duda.

Mas informacion lo wordo duna den curso di e siman aki. □

**RIJLES**

**NOVEMBER SPECIAL!**

**Afl. 297.00**

Tel: 582-6732 / 594-3263

Like us on **HERMUS** Rijsschool NV.

### ONDERCURATELESTELLING PRO-DEO

Krachtens beschikking van 16 juni 2015, behorend bij EJ nummer 3147 van 2014 van het Gerecht in Eerste Aanleg van Aruba, is **MARK ANTHONY SALOMON GONZALEZ**, geboren op 11 oktober 1985, onder curatele gesteld en benoemt geboren op 18 februari 1953 in Aruba, en wonende op Aruba;

De deurwaarder Bernard R. Roos in opdracht van de advocaat mr. Gracita L. Griffith



# Nada mas dushi cu un Steak & Cheese di Subway!

*Xiomara Maduro(MEP)*

## Awor kier cambia ley pa tapa fechoria di Minister Sevinger



**ORANJESTAD - E si-  
man aki Parlamento di  
Aruba den un reunion  
publico lo bay trata e Ley  
di e Cuenta Anual di Pais**

**Aruba pa 2013.  
Remarcabel ta  
cu Gabinete  
Eman a pre-  
senta hunto cu  
e Ley aki un  
cambio di ley  
den cual nan  
kier pa Par-  
lamento bay  
di acuerdo pa  
tapa e fechori-  
anan di Minis-  
ter Sevinger.**

E mandatario a  
gasta 5 miyon  
mas cu a wordo  
presupuesta pa  
trabounan di  
DOW sin cu a  
hustifica e gas-  
tonan adelanta y  
sin cu a percura  
pa haci e cambi-  
onan necesario

den e presupuesto di DOW  
pa 2013. Y awor na 2015 kier  
maniobra pa tapa e fechoria  
aki.

**Gobierno no a sigui  
conseho di Consejo  
Consultativo**

Den su conseho riba e cam-  
bio di Ley aki Consejo Con-  
sultativo a indica cu Gabinete  
Eman no por cambia e Ley di  
DOW di e manera aki pa por  
tapa e eror haci pa Minister  
Sevinger.

Ya na januari 2014 caba Con-  
seho Consultativo a hala  
atencion di Gobierno bisan-  
do cu e cambionan necesario  
den e presupuesto 2013 di  
DOW no a wordo haci y cu  
esaki ta muestra di mal mane-  
ho financiero cu ademas tin  
consecuencia grave pa Min-  
ister Sevinger cu ta person-  
almente responsabel pa tur  
gasto cu no ta corectamente  
presupuesta.

Pa drecha e eror aki Consejo  
Consultativo a conseha pa  
Gobierno traha un ley den  
cual ta pidi cooperacion di  
Parlamento pa indemnizacion  
di Minister Sevinger pa asina  
liber di e consecuencianan  
civil y penal di e 5 miyon cu

no a wordo presupuesta debi-  
damente. Pero Gobierno no a  
haci caso di esaki y no a pre-  
senta ningun ley pa drecha e  
eror y libra Minister Sevinger  
di su fechoria contra ley.

**Minister Sevinger y Gobi-  
erno ta actua contra ley**

Conseho Consultativo den su  
conseho a splica cu e manera  
cu Gobierno kier haci cambio  
den e Ley di Cuenta Anual  
2013, ta contra ley. E ley di  
presupuesto su intencion ta  
pa duna e Minister un au-  
torisacion prome cu e gasta  
e placa. Pero aki e Minister  
a dal bay gasta 5 miyon via  
DOW sin cu e placa aki ta-  
bata presupuesta riba e pre-  
supuesto di DOW pa 2013.  
Riba dje, ningun caminda a  
specifica adelanta na kico lo  
a bay gasta e 5 miyon aki. E  
manera cu Minister Sevinger  
a actua aki ta contra ley. Ban-  
da di esaki Consejo Consul-  
tativo a indica cu e cambio cu  
Gobierno kier haci awor den  
e presupuesto di DOW pa

2013, NO por wordo haci via  
un cambio di e Ley di Cuen-  
ta Anual 2013. Si haci esaki,  
Gobierno ta actua contra ley.

**E mayoria lo apoya e  
fechoria aki tambe**

Asina mes cu Consejo Con-  
sultativo a indica cu e manera  
di actua aki di Gobierno ta  
contra nos leynan y a indica  
pa NO presenta e Ley aki na  
Parlamento, sinembargo nos  
por mira cu Presidente di  
Parlamento a dicidi di yama  
reunion publico pa trata e  
Ley aki. Tristo ta cu diahuebs  
awor e mayoria den Parla-  
mento di Aruba lo bay vota pa  
y lo yuda tapa e fechoria aki di  
Minister Sevinger.

Di e manera aki lo crea e  
presidencia cu na Pais Aruba  
tin un 'free for all,' na unda  
esunnan cu ta prome yama  
pa cumpli cu Ley ta djis trapa  
riba nos leynan y e mayoria  
den Parlamento cu mester  
condena esaki ta djis tapa e  
fechoria cu e Minister ta haci  
contra nos leynan. □

*Fraccion MEP*

## Un crecimiento di nos debe nacional cu 1.6 biyon florin den 5 año di tempo

**ORANJESTAD - Si tin un político cu a  
gana e premio mayor den mentira y ma-  
nipulacion, esey ta e lider di fraccion di  
AVP, Rene Herde. Di tur forma y birando  
tur skina Rene Herde kier sigui defende su  
gobierno corrupto y abusado.**

Siman pasa el a bin cu un otro storia yena cu  
manipulacion, esta cu Aruba lo a baha dos bi-  
aha mas hopi na deficit den un año cu pais-  
nan grandi a haci den cinco año. Ta increibel  
con Rene Herde kier compara un pais chikito  
manera Aruba cu ta depende di un solo pilar  
economico cu paisnan grandi cu ta basa nan  
economia riba un sin fin di pilar economico.  
Na mes momento el a trece padilanti cu Fran-  
cia a tuma cinco año pa baha su deficit di 7% pa  
3.5% y cu Hulanda a tuma cinco año pa baha su  
deficit di 5% pa 2%.

### Aumento di deficit

Sinembargo den su forma custumbra di trata di  
manipula mente di pueblo, Rene Herde no ta conta  
pueblo cu a tuma e mesun cinco año aki cu e ta  
papia di dje pa su gobierno abusado aumenta y casi  
triplica e deficit financiero di 3.6 % na 2009 (Gabi-  
nete Oduber) te na un record mundial di 9.3% na  
2014 (Gabinete Eman); mira tabel adhunto. Con-  
secuencia directo di e deficitnan astronomico aki ta  
cu nos debenan nacional tambe a crece den forma  
explosivo durante e cinco añanan aki, esta for di  
2230 miyon florin na 2009 te cu 3871 miyon florin

DEFICIT FINANCIERO 2009		DEFICIT FINANCIERO 2014	
1. Grecia	-15.6	1. ARUBA	-9.3
2. Merca	-12.8	2. Japan	-8.4
3. Inglaterra	-11.2	3. India	-6.5
4. Spaña	-11.1	4. Merca	-5.8
5. Portugal	-10.2	5. Spaña	-5.5
6. India	-9.6	6. Inglaterra	-5.3
7. Japan	-8.8	7. Portugal	-4.0
8. Francia	-7.5	8. Francia	-3.8
9. Hulanda	-5.6	9. Brazil	-3.4
10. Italia	-5.4	10. Italia	-2.7
11. Canada	-4.5	11. Hulanda	-2.7
12. ARUBA	-3.6	12. Grecia	-2.5
13. Brazil	-3.3	13. Canada	-2.1
14. Alemania	-3.1	14. China	-1.2
15. China	-1.1	15. Alemania	-0.2
16. Noruega	10.5	16. Noruega	10.7

Fuente: OECD

na 2014. Pues un crecimiento gigantesco di 1641  
miyon den apenas 5 año di tempo. Un "logro" cu  
Rene Herde siguramente no por ta orguyoso di dje!

### Hiba awa lama

Awor si bo a kere cu e reduccion di e deficit for di  
9.3% te cu 3.7% den un solo año cu Rene Herde  
ta broma cun'e lo conduci na reduccion drastico  
di nos debenan nacional, anto bo ta keda grande-  
mente ekiboca. Hecho ta cu durante e siguiente 4  
añanan (2015-2018), nos debenan nacional lo sigui  
crece: 4013 miyon na 2015, 4165 miyon na 2016,  
4231 miyon na 2017 y 4252 miyon na 2018. Y esaki

sin conta e debenan biyonario di e proyectonan  
PPP. Pues ki bal cu den forma ficticio supues-  
tamente bo a baha e deficit financiero, pero di  
otro banda bo debenan nacional ta sigui crece  
cada año mas y mas. Pues e afamado practica di  
hiba awa lama!

### Inversion y aumento di debe

Na mes momento den su ultimo comunicado  
Rene Herde kier hustifica e aumento drastico  
di e deficit di 9.3% na 2014, bisando cu esaki  
ta debi na e 170 miyon florin cu gobierno lo a  
inverti (?) den e fondo di APFA pa asina cubri  
e grado di cobertura di e fondo.

Pero den e mesun rosea Rene Herde no ta spli-  
ca pueblo cu gobierno mes no tabatin e suma  
di 170 miyon florin aki pa inverti, pero cu go-  
bierno di AVP cu un man a fia e suma aki for di  
APFA y cu e otro man el a hinca esaki bek den  
e fondo di APFA. Finalmente tur hende mes-  
ter por comprende cu Gabinete Eman cu e triki aki  
a sigui aumenta nos debe nacional cu 170 miyon  
florin extra y cual aumento por wordo mira tambe  
den e crecimiento drastico di nos debe nacional na  
2014.

Por ultimo, lo ta bon pa den fraccion di AVP nan  
busca un miembro cu lo por papia y splica cu argu-  
mentonan concreto henter e situacion financiero di  
Aruba, ya cu cada biaha ta resulta cu Rene Herde  
no tin conocimiento di e parti di financia publico  
y constantemente ta papia barbaridadnan cu e mes  
no ta comprende. □



*Relaciona cu turistanan Venezolano*

## Hotelnan mester ta prepara pa shiftnan for di e mercado aki

**ORANJESTAD-** “Mi kier cuminsa na bisa cu nos relacion cu AHATA y Ministerio di Turismo riba e tema aki ta hopi bon, ta habri y transparente”, asina Ronella Tjin Asjoe-Croes, Chief Executive Officer di Aruba Tourism Authority a enfatisa. E ta referi na e discusion cu a surgi relaciona cu menos turistanan Venezolano hospedando den hotelnan durante e ultimo 2 pa 3 lunanan.

E hecutivo di Aruba Tourism Authority a sigura cu hunto cu AHATA y Ministerio di Turismo a analisa e cifranan y ta consciente di e realidad aki. Sinembargo, ta lamenta cu no ta añadi informacionnan clave cu mester tene na cuenta ora cu papia di shiftnan den e mercado incluyendo e ultimo resultado nan di hotel nan. Mester brinda e informacion completo asina haciendo e contexto den cual mester analisa esaki uno completo tambe!

Den combersacion cu AHATA ora a analisa e cifranan entre otro mester remarca cu aña pasa den luna nan di Juli, Augustus, September y te cu December sigur, varios aerolinea internacional a stop di bula pa Venezuela, y a nota un crecimiento ‘explosivo’ pa Aruba di pasaheronan uzando nos isla como un “hub” pa Merca, Europa y otro destinacionnan. E turistanan ey ta menos e aña aki.

Hotelnan ta traha man den man cu A.T.A., mescos cu AHATA y mester remarca cu tur ta di acuerdo cu e mercado di Venezuela ta uno cu ta “shift” conforme cambianan domestico primeramente. Asina por bisa cu ainda Aruba



ta wordo uza como “hub” pero esaki no ta rekeri estadia necesariamente mas di 1 anochi mirando cu orarionan di servicio aereo entre otro tambe a cambia haciendo posibel cu por conecta mesun dia. Pero tambe varios aerolinea a reinstitui vuelo pa Venezuela atrobe, bendiendo esaki nan na dollar solamente. Hotelnan, mescos cu otro nan cu ta depende grandemente di e mercado di Venezuela mester ta prepara pa “shift”nan.

Pero esaki ta facil bisa y de facto no ta dje facil, pasobra no por pronostica ki ora e mercado lo cambia y asina afecta negoshi nan cu ta depende di esaki. En todo caso na e momentonan aki, A.T.A. ta trahando estrechamente cu AHATA pa yuda pusha otro mercado pa por yena locual varios hotel a perde di Venezuela. Mester bisa si cu hotel nan ta sigui haya e mercado aki uno atractivo y ta sigui ricibi bon negoshi di Venezuela, entre otro riba e area di “weddings”. Pues tur partido ta alinea

den sentido di cu e mercado ta keda importante y mester sigui trata di captura e bishitante nan afluente y desea.

Na mes momento tambe den colaboracion estrecho cu AHATA ya pa varios luna ta sigui un strategia di diversificacion, den e mercado di Latino America pero tambe den e mercado di Merca. Asina a anuncia recientemente tambe cu lo enfoca riba e mercado hispano, principalmente e Venezolanonan afluente, na Merca. Esaki nan ta ehempel nan di strategianan cu ya caba a bin ta implementa y cu manera por mira ta sigui amplia, asina enfocando riba mercadonan alternativo, considerando entre otro posibel “shift”nan di Venezuela.

Tambe mester nota cu e mercado di Merca ta respondiendo na un manera sublime cu un crecimiento di casi 9% te cu September e aña aki. E mercado aki ta uno atractivo cu ta conta cu preferencia di varios hotelnan grandi riba nos isla, ya cu e rendimiento ta uno atractivo. Ora cu pa-

pia di bahada di cierto mercadonan mester añadi esaki tambe na e contexto completo; manera cualkier negoshi bo ta pone mas esfuerso riba e mercadonan cu ta rindi mas y purba di crea un balansa sano, combinando diferente mercado.

Conforma AHATA su relato, por lo general hotel nan grandi ta sigui conta cu e bishita di e Venezolano afluente na nan hotel.

Di otro banda, cifranan concreto ta confirma cu cantidad di turistanan Venezolano yegando Aruba NO a baha, sinembargo tin un segmento nobo. Esey ya A.T.A. a elabora riba dje recientemente y a demostra su inkietud den un relato di prensa. Den esey, a consecuencia di e retonan politico y economico na Venezuela, ta yegando mas y mas turistanan cu ta bin pa haya acceso na dollar y ta opta pa keda den apartamento na casnan mes. Esaki ta consecuencia di locual ta pasando na e pais bisiña y mester añadi esaki na e contexto di avancen for di e mercado di Venezu-

ela; mas ta yega Aruba, pero e “share” cu ta keda na hotel a baha.

Ronella Tjin Asjoe-Croes a admiti cu ta dificil pa separa e turista cu ta bin pa gasta cu esun cu ta bin pa un otro meta. E realidad ta cu e mayoria di turistanan yegando for di Venezuela ta esunnan cu nos ta desea, cu por ehempel a inverti den un condominio, tin nan mesun cas luhoso, tin time-share na hotel y asina por sigui menciona. No por kita for di e realidad cu Venezolanonan ta entre e turistanan cu ta gasta mas riba nos isla. Pues, e grupo chikito cu awor ta causando molester no por cambia e percepcion y e bentananan cu e otro grupo ta aporta na dje.

Aruba Tourism Authority a duna di conoce cu ayera ainda a reuni cu partnernan den turismo, especificamente riba e retonan di Latino America y entre otro e mercado Venezolano. Na final di dia mester realisa cu e cantidad di Venezolanonan ta sigui aumenta y cu e bolo ta bira mas grandi, y cu no ta tur ta scoge pa keda den hotel. Bisando esey, hotelnan ta keda stabiel, pero relativamente (den “% share” di e total) a bay atras, pa cual A.T.A. lo sigui traha den cooperacion estrecho cu nan y cu AHATA pa mira con por prepara miho pa “shift” nan y mira con por sigura mas estadia di e bishitante Venezolano desea, combinando esaki cu otro mercadonan atractivo.

El a termina bisando cu el a yega di enfatisa e asunto aki na mas di un ocasion den pasado y ta bolbe ripiti esey: E turistanan Venezolano semper tabata y ainda ta hopi importante pa e desaroyo turistico di nos pais! □



## Zodiac a parti 12.500 florin dialuna

**ORANJESTAD-** Dialuna 16 di november Zodiac a parti 12.500 florin na Ramon W. E tin hopi tempo ta cumpra numbernan 6992 cual el a gana cun’e, cumprando solamente 0.50 cen na e numbernan ey. Ramon a cumpra e ticket ganado na JR-1 Lottery.

Zodiac ta hunga tur Merdia y Anochi dialuna pa Diasabra. Riba diadomingo e ta hunga Merdia so. Zodiac ta un wega cu ta multiplica bo inversion. Cu 1 florin bo por gana 25.000 florin ora tin 4 cifra y signo corecto. Cu 5 florin bo por gana 125.000 florin cu Pick 4

y signo. Y invertiendo e suma di 25 florin cu Pick 4 y Signo bo por gana e suma di 625.000 florin cu Zodiac!

Lotto, e loteria di Aruba tin 8 diferente wega; Catochi, Big 4, Zodiac, Wega di Number Korsou di Lotto, Lotto di Dia, Lotto 5, Mini Mega, y weganan di Raspa y Gana. Cumpmando Lotto bo ta contribui na deporte riba nos isla.

Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □



## Aruba Aloe a haci donacion na Mary Joan Foundation

**ORANJESTAD-** Durante luna di October, Aruba Aloe a lansa su campaña anual di apoyo “Because we care, We share” dedica na Mary Joan Foundation. E organisacion a bira masha popular pa nan campananan di conscientisacion contra cancer di pecho. Aruba Aloe a haci un donacion di \$ 4.50 na Mary Joan Foundation pa cada compra di \$ 75,00 haci den nan tiendanan.

Tur cu a cumpra productonan a ricibi un regalo, un Ultra-



di pecho ta e forma di cancer mas comun cerca hende muhe. Ta diagnostica un di cada ocho hende muhe cu cancer di pecho durante nan bida. Desde aña 2008, casonan di cancer di pecho na mundo henter a aumenta cu mas di 20% mientras mortalidad a aumenta cu 14%. Un tercer parti di esunnan cu ta fayece pa motibo di cancer, por a evita si a detecta y ricibi tratamento na tempo. Ta bon pa bisa cu cancer di pecho ta e di dos cancer mas popular na Aruba, despues di cancer na cuero.

Aruba Aloe a apoya e causa y a contribui na e organisacion local di cancer di pecho, Mary Joan Foundation cu un suma di Afl. 8.800,=. E organisacion sigur ta hopi contento y gradici na Aruba Aloe cu awor nan por sigui apoya tur esunnan cu ta sufrir di e enfermedad, cu ta cancer di pecho.

Aruba Aloe ta e unico productor di productonan di beyesa y cuido di salud na Aruba cu productonan traha 100% di aloe vera gel puro di Aruba. Durante e ultimo 125 aña, e compania a cultiva y produci aloe for di su propio plantacion situa na Hato. Awendia, mundo henter ta disfruta di coleccionnan unico di productonan pa cabey y di cuido di cuero, incluyendo e coleccion clasico di Aruba Aloe “Island Remedy” y “Desert Bloom”. □

### Monumenten bureau:

## Educando studiantenan tocante monumento



**Monumenten bureau** pa di 3 aña consecutivo ta duna un charla na grupo di studiantenan di Hogeschool Rotterdam hunto cu studiantenan di EPI bouwkunde di prome y di cuater aña.

E colaboracion entre Monumenten bureau y Stichting Monumenten Fonds ta existi pa hopi aña manera trahando riba proyectonan di restauracion. Ora di restauracion Monumenten bureau ta encarga cu e parti tecnico y Monumenten Fonds ta encarga cu e parti financiero. Nos Minister di Cultura Sr. Otmar Oduber ta stimula cooperacion entre su organisacionnan y ta duna tur sosten na su departamento, Monumenten bureau, pa comparti su experticio y pa educa un y tur riba e materia di monumento.

E aña aki studiantenan di Hogeschool Rotterdam a haci un estudio di e area di Oranjestad den cercania di Steenweg 19. Relaciona cu esaki Monumentenbureau a

duna un charla un biaha mas na e studiantenan aki. Den añanan anterior directora di Monumentenbureau Sra. Ing. Yvonne Webb-Kock sa duna charlanan entre otro na studiantenan.

E aña a toca na sra. Daphne Every experto den materia di arkitektura y cu ta alabes e hefe di e departamento di restauracion y maneho resortando bou di Monumenten bureau. Sra. Every a elabora riba e topiconan: kico ta un monumento, ki tipo di monumento tin, uzo di materialnan di monumento aki na Aruba, etc. Adhunto por mira momento cu Sra. Every ta educando e studiantenan. Monumenten bureau como e centro di conocimiento di monumento, ta puntra nos comunidad colaboracion pa entrega tur historia, potretnan bieu y anecdotan of cualkier informacion valido cerca nos. Asina nos ta amplia nos documentacion pa por informa y educa nos siguiente generacion. Monumenten bureau ta situa na Schelpstraat 36-38 net banda di Museo Arkeologico. □

Intensive Cream, e edicion special di nan aniversario di 125 aña na balor di \$ 18 pa su contribucion, como tambe un sinta ros pa prevencion di cancer di pecho pa asina muestra bo apoyo y conscientisa comunidad mas ainda.

Internacionalmente Cancer

“Because we care, We share” tabata un bon oportunidad pa clientenan uni na e ekipo di Aruba Aloe pa enfatisa y aumenta conscientisacion riba cancer di pecho y disfruta di un regalo di e edicion special di 125 aniversario di Aruba Aloe.

**CONNECT  
FASTER**

SCARLET  
RESIDENTIAL

GET CREATIVE WITH YOUR INTERNET.

**SUPER SPEED DEALS**

NO BUSCA MAS! ABO TAMBE POR DISFRUTA DI E  
DOWNLOAD Y UPLOAD RESIDENCIAL DI MAS RAPIDO  
RIBA MERCADO, PAGANDO MENOS!

CU SCARLET UNLIMITED HIGH SPEED INTERNET BO TA PAGA MAS  
VELOCIDAD PA MENOS PLACA. NO MAS BUFFERING, NO MAS TARDANSA.

STARTING FROM  
**AFL. 79.00**  
PER MONTH + STATIC IP

scarletaruba +297 584-2595

scarletaruba.com

scarlet



*IBiSA:*

## Scolnan di Enseñansa Avansa a cuminsa cu weganan di Futbol di Sala



**E calendario di competencia den 'Deporte Escolar' organisa pa IBiSA ta continua cu e disciplina di Futbol di Sala pa e schoolnan di Enseñansa Avansa. Tur wega ta tuma luga den Centro Deportivo Libertador Betico Croes na Sta. Cruz y ta cuminsa pa 3'or di atardi.**

Futbol di Sala ta un deporte hopi gusta entre e hobennan di schoolnan secundario. Como tal e competencia organisa pa IBiSA ta conta cu un participacion grandi di e schoolnan di Enseñansa

Avansa den diferente sector riba nos isla.

Sector San Nicolas: For di e schoolnan di Sector San Nicolas cu a inscribi pa participa na e competencia a traha dos poule. Den poule A ta haya: Ibero High School, Filomena College, EPB Pariba y Abraham de Veer School. Mientras cu poule B ta forma pa: Colegio San Nicolas, S.P.O. Savaneta, John Wesley College y St. Augustinus College.

Den e prome wega ta midi forza Ibero High School vs

Filomena College. Den un wega sumamente rapido y hopi accion esaki ta finalisa cu score di 6 pa 1 na fabor di e hobennan di Filomena College.

Esunnan cu a anota ta Marvin Irausquin cu 1 gol, Rauzino Thijzen tambe cu 1 gol, mientras cu San Luis Peterson ta marca 2 gol y Brandon Kwidama ta logra 1 gol riba su number. Den e intensidad di wega e hoben Juan Esteban Diaz di Ibero High School ta anota 1 'auto gol' pa Filomena College. E unico gol di Ibero High School ta anota pa Juan Esteban Diaz mes tambe.

E di dos wega tabata entre e hobennan di E.P.B. Pariba y esunnan di Abraham de Veer School. E wega aki tabata basta cera y fei ambos banda e golnan tabata cay. Na final e wega ta caba cu score di 5 pa 3 na fabor di E.P.B.

Pariba. E golnan tabata anota pa Dionny Rijke, cu ta score 3 gol riba su number, sigui pa Antonio Fancett cu 1 gol y Darvin Franken cu tambe ta anota 1 gol. Pa Abraham de Veer School esunnan cu ta



anota gol ta Canlor Peñafiel cu 1 gol y Cloncy Calivte cu ta marca 2 gol riba su number pa su school.

E ultimo wega di dialuna atardi tabata entre Ibero High School y E.P.B. Pariba. Esaki tabata otro wega hopi pareu y yen di emocion cu ta finalisa cu e score preta di 4 pa 6 na fabor di e hobennan di E.P.B. Pariba.

E golnan a wordo anota pa Dionny Rijke cu 2 gol, Antonio Fancett tambe ta anota 2 gol, Darvin Franken y Robert Monsanto, cada un ta anota 1

gol pa nan school E.P.B. Pariba.

E golnan di Ibero High School a keda anota pa Juan Sebastian Mosquero, cu 1 gol riba su number, Jayuard Schwengle cu 2 gol y Hector Alfonso tambe ta score 1 gol.

E weganan den ambos poule ta continua e siman aki pa dicidi cua ta bira e dos school cu ta clasifica na prome y di dos luga pa Sector di San Nicolas. Y automaticamente nan dos ta pasa pa hunga e weganan di final nacional di Futbol di Sala den Deporte Escolar organisa pa IBiSA. □

*IBiSA:*

## Competencia di Futbol pa mucha muhe di Scolnan Basico a cuminsa

**Instituto Biba Saludabel y Activo, IBiSA ta continua cu su calendario di Deporte Escolar den e disciplina di deporte di futbol, tambe pa mucha muhenan di schoolnan basico. E schoolnan cu a inscribi pa participa cu nan ekipo den e Sector di Oranjestad ta: Colegio Conrado Coronel, Prinses Amalia School, International School, Mon Plaisir School, Fatima College y Pius X School.**

E weganan a cuminsa dialuna atardi riba tereno di Compleho Deportivo Franklyn Bareño na Piedra Plat. E prome wega a bay entre e muchanan di Prinses Amalia School y esunnan di Fatima College. Den e tempo reglamentario di wega cu a transcuri esaki a bay trankilo. No tabatin anotacion di gol den e prome tempo, tampoco den e segundo tempo. E wega a keda na un empate di 0 gol. Ambos school ta parti punto.



Den e wega cu a sigui a enfrenta otro e muchanan di International School of Aruba y esunnan di Colegio Conrado Coronel. E muchanan di International School of Aruba ta subi tereno fuerte y sigur, y nan ta domina den e prome tempo totalmente anotando 2 gol. Despues di descanso, e muchanan di Colegio Conrado Coronel ta subi cu

mas confiansa y ta cuminsa pasa bala. Esaki ta conduci cu nan ta logra anota nan prome gol. Pero e muchanan di International School of Aruba a sigui riba nan ritmo lihe di wega, cu ta duna nan resultado positivo ya cu nan ta logra anota 3 gol mas den e di dos tempo di wega. Den un wega di hopi movecion e score final ta keda 5 pa 1 na fabor di International School

of Aruba, cu ta haya nan prome 3 punto. E wega cu a sigui tabata entre Prinses Amalia School y Colegio Conrado Coronel. E wega aki a resulta basta pareu, cu e muchanan di ambos school hungando cu mes animo y gana pa bay cu e victoria. Halftime ta bay aden cu e score empata na 1 gol. Den e di dos tempo, ambos school

ta sigui preta e wega y ta haya bunita oportunidadnan, pero ningun ta logra anota gol. Asina e wega ta caba tambe empata 1-1. Y e schoolnan ta parti punto.

E weganan di futbol mucha muhe categoria B di Sector Oranjestad ta sigui riba di-

aranson y diahuebs pa mira cua ta e dos school cu ta clasifica pa e sector aki y pasa pa e final nacional.

IBiSA ta invita mayornan y amantenan di futbol pa bin apoya nos muchanan riba tereno di bala di Compleho Deportivo Franklyn Bareño na Piedra Plat. □





# Preparando pa reapertura Joe Laveist Sport Park



**ORANJESTAD-** E dianan ta yegando mas y mas cerca pa e reapertura oficial di Joe Laveist Sport Park. Diabierna 27 di november e apertura oficial di e facilidadnan ta tuma lugar cuminsando for di 6'or di atardi. Culminacion ta e bunita y grandioso show di apertura y lo concentra riba honra esunnan cu a sostene e sport park y grandinan den e mundo di deporte.

“Joselito” Albertsz a relata cu ya tur tramitenan ta cla pa e gran evento di e wega hunto cu celebradnan di M.L.B. di Merca. Un cambio chikito pa diasabra anochi ya cu ta e Team di Aruba lo enfrenta tur e Mayor League Players cu ta hunga den exterior, entre otro Sigfried Loefstok, Raybach Dider, Jadir Boogaard y lo haya refuerzo di e hungadonan Jeanfranco Wawoe, Dalton Daal for di Hapon y Eldrick Dijkhof for di Hulanda.

Tin varios confirmacion caba, manera ta Mario Ordóñez, ganado di premionan Medias Blancas di Chicago, Tigres de Detroit (2005-2011) durante e temporada 2007. Vladimir Alvin Guerrero di Santo Domingo ta un



di Toronto Blue Jays di Major League Baseball (MLB). Erick Aybar ta hunga tercera base pa Atlanta Braves, Baltimore Orioles second baseman, Jonathan Schoop y Martin Maldonado di Milwaukee Brewers' Grades. Major League Baseball third baseman Jose Leon, José Antonio Bautista Dominicano profesional baseball right fielder di Toronto Blue Jays Major League Baseball (MLB).

Y pa haci e anochi mas grandi ainda, ESPN Sports lo ta na Aruba tambe pa duna cobertura. Esaki sin duda lo percura pa nos atletanan y nos stadion haya atencion mundial, debi na presencia di e legendario nan cu lo hunga riba e veld.

Hinca e fecha den bo agenda, e invitacion sigur ta pa un y

tur en special pa e hubentud bin disfruta di deporte cu lo inicia cu e reapertura dia 27 di November, sigui pa dia 28 di November cu e wega di e MLB celebrities cu na mes momento lo ta un “sponsorship game” pa recauda fondo pa e Pony League di Aruba, sigui tambe diadomingo dia 29 di November pa demas weganen. □



**THANK  
YOU FOR  
SHOPPING  
WITH US  
IN 2015!**

**1<sup>st</sup>**

**2<sup>nd</sup>**

**3<sup>rd</sup>**

**CONGRATULATIONS  
40.000  
FUN MILES**

KOOYMAN KIER GRADICI ABO, NOS FIEL CLIENTE PA BISHITA NOS DEN 2015. PA PREMIA BO LOYALIDAD Y CERA AÑA DI UN FORMA FESTIVO, NOS TA INVITA BO PARTICIPA NA NOS RIFA DI FIN DI AÑA.

Cu cada compra na balor di Awg. 75,- of mas\* bo tin chens di participa y gana premionan fabuloso!

CON PA PARTICIPA

① HASI COMPRA NA BALOR DI AWG 75,- OF MAS.\* ② YENA BO INFORMACION RIBA E LOT ③ KITA E PARTI ABOU CAMINDA TIN E NUMBER Y WARD A ESAKI BON! ④ DEPOSITA E OTRO PARTI DI E LOT CU BO INFORMACION DI CONTACTO DEN E BUZON INDICA DEN STORE



\*Tin un maximo di 100 lot na balor di AWG 7500,- incluyendo BBO. Check termino y condicion di e campaña aki na [www.kooymanbv.com](http://www.kooymanbv.com)





## Medidanan di siguridad nunca bisto na luga pa Madrid vs Barça

**MADRID (AP) – Oficialnan Spaño ta priminti di tin medidanan di siguridad nunca bisto pa e wega entre Real Madrid y Barcelona, despues di e atakenan nan Paris.**

Durante un reunion special cu a tuma luga debi na e eventonan na Francia, oficialnan a declara e wega entre e rivalnan di liga Spaño, un riesgo halto. Secretario di estado pa siguridad Spaño a bisa di aranson despues di e reunion, cu e medidanan lo ta mas cu suficiente pa garantis e siguridad di tur esunnan envolvi den e wega na Santiago Bernabeu. Francisco Martinez a bisa cu fanaticonan por con-



fia cu polis local y cu medidanan di siguridad lo ta na luga, y cu nan por bay wak e wega cu tur tranquilidad.

No ta incomun pa e clasico wordo considera como un wega cu riesgo halto, pero generalmente ta pa motibo di menasa di violencia di fanaticonan, no terrorismo.

E reunion extraordinario na Madrid a tuma luga solamente 2 dia despues cu a cancela e wega amistoso contra Belgica na Brussels, pa motibo di preocupacionnan di siguridad, y un dia despues cu un wega amistoso entre Alemania y Hulanda a wordo cancela pasobra oficialnan a bisa cu tabatin menasa serio di un bom na e stadion na Hannover.

Oficialnan Spaño a bisa cu pa awo no tin motibo pa considera pa cancela e wega gran anticipa, cual ta marca e prome encuentro di temporada entre e 2 ekiponan.

“Lo tin un operacion nunca bisto ora cu ta trata un

evento deportivo”, Martinez a bisa. “Nos mester mantene tur cos normal, pero sin lubida di e situacion cu nos ta aden.”

Detayenan di e operacion di siguridad no ta conoci, y e lo wordo discuti durante un otro reunion diahuebs.

Ta spera mas cu 1500 agente policial pa traha durante e wega, y oficialnan a bisa cu varios zona di siguridad lo wordo implementa pafo di Bernabeu, teniendo esunnan sin ticket pa keda leu di e stadion.

“E medidanan lo ta suficiente, mas cu suficiente”, Martinez a bisa. “Nos lo tin tur medida necesario na luga pa garantis normalidad absoluto pa e evento aki.” □



## Edwin Moses: Ekipo di atletismo di Rusia mester wordo prohibi na Rio

**COLORADO SPRINGS (AP) – Campeon Olimpico Edwin Moses a argumenta cu e unico sancion corecto lo ta si e ekipa di atletismo di Rusia wordo prohibi di participa na Weganan Olimpico di otro aña.**

Papiando cu e hunta di directiva di World Anti-Doping

Agency diaranson, Moses a bisa cu e unico sancion cu lo manda e mensahe cu ta basta, ta pa bisa claramente cu e ekipa di atletismo di Rusia no mag bay Rio.

Moses ta e miembro Mericano di WADA su comite ehecutivo.

Mas laat diaranson, lidernan di WADA a vota riba e decertificacion di Rusia su agen-

cia anti doping – cual ta un di e recomendacionnan cu a wordo haci pa un comision independiente cu a investiga doping y corrupcion den e ekipa di Rusia. Nan a dicidi cu e agencia di anti doping di Rusia no ta cumpli cu e normanan.

WADA ya a kita e certificacion di e laboratorio anti doping di Rusia. □



## Bolt, Eaton y Taylor ta finalista pa premio anual di IAAF

**MONACO (AP) – Usain Bolt, Ashton Eaton y Christian Taylor ta e 3 finalistanan pa e premio pa IAAF su atleta masculino di aña.**

Bolt, e 6 biaha medayista di oro Olimpico pa Jamaica, a defende su titulonnan den 100 y 200 meter y 4x100 meter relay durante e campeonato na Beijing, na augustus ultimo. El a core e miho tempo di aña den 200 meter, esta 19.55 seconde.

Eaton, e decatleta Mericano, a gana su di 2 oro sigui na campeonato mundial, poniendo un record cu 9.045 punto y e miho tempo pa 400

meter den un decatlon cu 45 seconde.

Taylor a gana salto tripel na Mundial cu un salto di 18.21 meter, cual ta e distancia di 2 miho den historia. E Mericano a gana e titulo di Diamond Race tambe.

Generalmente e ganadonan ta wordo anuncia na e gala di IAAF, pero e ceremonia a wordo cancela debi na e scandalnan di corrupcion y doping cu a sacudi e sport.

Pa loke ta den e categoria femenino, e Hulandes Dafne Schippers ta un di e 3 finalistanan. Hunto cu Genezebe Dibaba y ANita Wlodarczyk. □





# CLASIFICADO

en cooperashon cu **ARUBAdeal.com**  
One happy marketplace



**Pone clasificado den e secshon aki?**

Bai riba [www.arubadeal.com/pap/user/login](http://www.arubadeal.com/pap/user/login)

**Completamente gratis!**

Bo kier wak e portret? Bai riba [Arubadeal.com](http://Arubadeal.com) y jena e 'Quick code'.

## Residencia

Apartamento pa huur | Bario Solito-Oranjestad- Inclui Awa, Coriente, Gas y Cable sin Airco Pa un Persona, Ta consisti di 2 piesa priva un camber y un TV room sin mueble, cushina y baño comparti ( Mester ta Legal cu trabou contract pa luna no deposito) cel 5634459 | Afl. 850.00 | Tel. 5634459 | Quick Code: 016789 |

## Mucha

Un box pa baby | Un bon box pa baby. Na bon prijs!! | Afl. 150.00 | Tel. 297592261 | Quick Code: 016796 |

Sandalia Crocs y Rider | Mi ta bende sandalia pa mucha homber marca Crocs size 6-7 y Rider size 8 pa un prijs di Afl. 50 pa tur dos. Pa mas info yama of whtspp na 7314603. | Afl. 50.00 | Tel. 7414603 | Quick Code: 015572 |

## Paña & Moda

Paña varios | Bon deal di paña na bon calidad. Pa menos di 25Afl. | Afl. 25.00 | Tel. 297592261 | Quick Code: 016797 | Un trahe di comunión | Un dress cu su tas e corona | Afl. 175.00 | Tel. 297592261 | Quick Code: 016799

Mi ta bende par di sapato marca Nike, size 10 pa muhe, pa afl. 75 discutibel!! nan ta den bon estado. Pa mas info pls yama of whtspp na 7314603. | Afl. 75.00 | Tel. 7414603 | Quick Code: 015569 |

Tas Totto | Mi ta bende tas Totto pa Afl 40 den bon condicion. Pa mas info yama of whtspp na 7314603. | Afl. 40.00 | Tel. 7414603 | Quick Code: 015570 |

## Auto & Aesorio

Isuzu Rodeo SUV | Auto ta den bon condicion A-C friu,

friu, pasa test e pa bo mes | Afl. 4000.00 | Tel. 5670957 | Quick Code: 016794 |

Ta bende toyota corolla | Ta bende un toyota 20 valve turbo full ekipa motor update cla pa careda di palomarga e ta riba un bon ganga awo prijs normal 13 mil por yama 5867709 | Afl. 8000.00 | Tel. 5921159 | Quick Code: 016778 |

Yamaha rhino 2013- 750cc | Of deal e pa un auto entre aña 2005-2007 preferibel Toyota | Afl. 8650.00 | Tel. 5678765 | Quick Code: 015644 |

Macriem | Bendiendo macriem nobo nobo den su caha 8 Bold | Afl. 1100.00 | Tel. 7324040 | Quick Code: 016781 |

## Brommer & Bicicleta

Harley davidson Heritage softail classic. saddlebag leather | Mi tin dos saddlebags pa harley 75 guilders

pa cada un | Afl. 40.00 | Tel. 5616062 | Quick Code: 016431 |

## Cas & decoracion

4-pits gas stove Nobo nobo marca praktfull di ikea den su caha | Afl. 1200.00 | Tel. 5922161 | Quick Code: 016776 |

Extractor. Di cushina 75 guilders | Extractor nunca uza | Ganga | Tel. 5616062 | Quick Code: 016434 |

Bunk bed ariba 1 persona abou 2 persona, nobo cumpra pero nunca wordo uza prijs 500 fl mester bin cu pickup pa busca y e no tin corchon por yama na 7421081 | Afl. 500.00 | Tel. 7421081 | Quick Code: 016815 |

## Producto Blanco & Electronica

Stofzuiger pa stoof | Un

bon deal | Afl. 75.00 | Tel. 297592261 | Quick Code: 016801 | Bon light | Esun den box blanco pa 15Afl y e esunnan den box bruin pa 10Afl y 45Afl pa tur | Afl. 45.00 | Tel. 297592261 | Quick Code: 016800 |

Mashin di corta cabey, sin pena | Marca Conair, uza sin acesorio, den bon estado. telefon 748 7799 | Afl. 40.00 | Quick Code: 016810 |

Usb 32 gb yama na telefon 6000202 despues di 6pm | ganga | tel. 6000202 | quick code: 015636 |

## Computer & Telecomunicacion

Ta bende un Samsung Mega 5.8 (optional dual sim) color blanco, celular ta traha bon bon. No tin nada di rasca. Pa mas informacion por Whatsapp / msg | Afl. 375.00 | Tel. 5938851 | Quick Code: 016822 |

## Nota di redaccion:

Bon Dia Aruba cu Arubadeal.com a yega na un acuerdo di cooperacion. E acuerdo aki ta encera cu Bon Dia Aruba lo publica un seleccion di clasificado cu e compania ta ofrece. Cada clasificado cu wordo publica tin un Quick code. Cu e Quick code aki por bay riba e pagina [www.arubadeal.com](http://www.arubadeal.com) y aki ta pone e Quick code cu lo dirigi bo directamente na e clasificado unda cu bo por haya mas informacion y potret. Nos ta pidi nos lectornan pa tuma bon nota di esaki y di antemano nos kier gradici nos lectornan pa nan atencion special pe publicacion aki cu lo ta forma parti di nos corant. □

## Scol di Evangelisacion cu curso “Maria, Carta di Cristo”

**Den e fin di siman di 23 y 24 di October 2015 a tuma luga na Centro Pastoral, e curso “Maria, Carta di Cristo”, duna pa Scol di Evangelisacion Mgr. A. van der Veen Zeppenfeldt Aruba.**

Ta trata aki di un scol Catolico funda pa Pastoor Emiliano Tardif, den feliz memoria, hunto cu e laico Jose Prado Flores, contestando e yamada di Papa Pablo VI (Evangel

Nuntiandi) y tambe Papa San Juan Pablo II (Cristifideles laici) pa cu un “Evangelisacion Nobo” y ta conta cu mas di 2000 scol rond mundo, incluyendo Aruba.

Desde cu a funda e scol, Aruba ta bendiciona pa 15 aña caba y cu numeroso testimonionan di tur esunnan cu a wordo forma y prepara a traves di “Scol di Evangelisacion” pa sigui duna (mas) sirbishi na Iglesia Catolico.

Na e curso aki a participa 25

persona di tur parokia y nan experiencia tabata e.o. cu e curso a yuda nan descubri e luga y e mision di Mama Maria banda di Hesus den e historia di Salvacion.

Mayoria di e participantenan a experiencia e curso como uno hopi spiritual, a siña hopi di Mama Maria, a haya hopi herment pa evangeliza, cu Maria ta un muher di fe cu a renuncia tur su plannan, Mama Maria a siña mi con pa resa pa mi yunan ora cu nan

ta den peliger, como legionario di Maria mi ta mas na altura di Mama Maria cu ta yuda mi sigui crece, con importante Mama Maria ta den mi vida y tambe den vida di mi Salvador, Mama Maria ta un intercedora poderoso cerca Hesus, cu den bijbel tin asina hopi informacion y splicacion tocante Maria, e obediencia y humildad di Mama Maria, algun participante kier pa haci e curso mas largo y e equipo cu a duna e curso a haci esaki

bon, cu un fervor y debocion, uni y spiritual completamente bou guia pa Spirito Santo.

E curso ta consisti di 7 tema basa riba e figura y vida di Maria di Nazareth, modelo y prototipo di e evangelisador cu poder di Spirito Santo y ta dun’E na henter humanidad. E temanan a ser presenta pa rumannan Stella Kock, Garfield Monah, Pader Coby, Rita Werleman, Johana “Chichi” van der Biezen, Winie Croes y Ada Werleman. □

## Scol di Evangelisacion: Ta anuncia curso “YOZUE, un Lider proba”

**Scol di Evangelisacion ta un Scol Catolico funda dor di Pastoor Emiliano Tardif, den feliz memoria, hunto cu e laico Jose Prado Flores, contestando e yamada di Papa Pablo VI (Evangel**

## endo Aruba.

Aruba a wordo bendiciona ya pa 15 aña caba desde cu a funda e scol y tin numeroso testimonio di tur esunnan forma y prepara a traves di “Scol di Evangelisacion” pa sigui duna (mas) sirbishi na Iglesia Catolico.

Scol di Evangelisacion Mgr. A. van der Veen Zeppenfeldt Aruba tin e placer di anuncia

curso “Yozue, un Lider proba” y ta haci un invitacion na tur participantenan cu a termina curso Pablo pa asisti na e curso aki.

E obhetivo di curso Yozue ta pa forma lidernan autentico cu ta keda para fuerte y balente, fiel na Dios, no obstante e pruebanan cu nan pasa aden.

Ta recomenda Curso Yozue

pa tur esunnan cu ta lidera un grupo di oracion, ministerio, apostolado y ta habri tambe pa tur esunnan cu ta sinti e yamada pa ocupa un encargo di lider den futuro.

“No stop di lesa e buki di lei aki nunca; medita riba dje di dia y anochi y haci precies manera tin skirbi den dje, pasobra e ora ey lo bo logra bo metanan y lo bo tin exito”,

manera ta para den Yozue versiculo 1 na punto 8. E curso ta tuma luga na Centro Pastoral Santa Cruz riba diano 27, 28 y 29 di November 2015.

Pa mas informacion por yama Centro Pastoral Santa Cruz na 585-8378 entre 2:00pm y 6:00pm of Ada Werleman na 592-6838 of Mayra Croes na 565-8504. Inscribi mas pronto posibel, pasobra luga ta limita. □





**Anto el a yega manera regalo di Sinterklaas.. net na tempo.. BOOM.. minister frusto ayera a duna e veredicto porfin. E lucky 7 (seven) ta bira e number di porcentahe cu lo cobra e belasting nobo na comienso di aña.. e famoso ABB.. Algun a te hasta yame Angel Bermudez Belasting. Well.. por lo menos e homber ta haya credito pa algo cu el a introduci.. Si e ta bay ta exitoso y popular, ta un otro asunto.**

Pa awor, esey no ta importante. E cifra 7 ta conoci y ta esey ta bay ta e proximo gritonan cu lo tende e proximo simannan. Bueno.. for di ayera caba parlamentari- onan a cuminsa grita manera alma malo.. ATEEE.. ba bisa cu bo ta kita BBO.. ate ba

HISE cu 4% (e tabata 3% bo ta corda).. E coreccion di e minister frusto, cu ta algo FULL OTRO, no ta importante awo.. Bo a kite y awo bo a bin cu algo MAS halto, ta loke e orea di oposicion ta tende y kier pa bo tambe tende.. Y comprendibel... pasobra e ta un vehiculo cu lo por traha riba e simpatia di e pueblo.. GANADOOO.. asina gabinete Eman ta wordo yama.. pero, ya.. c'est la vie.. Awor e cuenta ta, si gobierno ta LOGRA enberdad di PASA e ley na tempo pa nan por introduci esaki tambe na comienso di aña.. pasobra tin ley, cu segun nan estructura legal, si e no keda introduci pa 1 di januari, bo no por introduci 'e mas laat den aña y tin cu warda FULL un aña.. dussss.. tin CHENS ainda cu e ley NO por pasa.. mi NO ta conseha

bo para warda pasobra bo ta cansa.. cu bo lo tende TUR sorto di grito opositorio, ta un hecho.. cu bo lo tende tur sorto di grito di con DIFERENTE e ta di BBO etc.. tambe bo lo tende.. bo lo mas sigur, cera horea, busca un bon gaita, y pasa bo Pasco trankil. Ta ORA aña bolter, bo lo bin bey kico tur ta wordo haci.

ATA .. siman ta habri cu OTRO rapport di CAFT... si.. manera nan a wordo yama.. e club di accountant cu ta pone ordo riba gobi- erno, si gobierno kier of no, di con nan tin cu mancha nan cifras.. anto ATROBE.. CAFT ta bin cu e palabran- an.. 'IRREALISTICO'.. esey ta e palabra clave di henter e rapport.. pero tanto bal.. ta contra muraya ta papia toch.. Pasobra e gobierno ta muestra cu nan ta RESPETA CAFT, pero NO mester haci mane- ra cu CAFT kier.. MARI- BOMBA ta kere cu.. hmm.. miho mi no bisa. Pasobra.. enfin.. tin un otro time- bomb na caminda.. e yama presupuesto.. pasobra si no pasa esaki pa 15 di decem- ber, CAFT ta hala horea di e gobierno y ta core yama Hu- landa y bisa.. "ZE DOEN HET WEER". (nan ta bolbe hacie). Nan NO ta cum- pliando.. pero.. ban ta serio.. ta ki dia gobierno a cumpli? Y mas pio,, ki dia Hulanda (cu excepcion di aña pasa) a core actua? Nan tin pura? No yiu.. nan ta MAN yen cu nan MESUN problemanan na Hulanda.. e atakenan di Paris, NO a yuda e situa- cion tampoco. Awor ta ISIS so ta riba mente di gobierno Hulandes.. ISIS ta e hende- nan loco cu ta rementa nan mes na number di dios.. pa un bon causa segun nan.. MARIBOMBA no ta bay den discusion si esey ta bon

of no.. pasobra, lo tin yen di hende cu ta bay bira loco.. ora cu bom a rementa na Paris.. BOSHI hende ta core pone potret.. di bandera.. pero un dia prome, ata cos a rementa na Beirut.. NIUN alma a hik.. nan tabata sa anto? Ta prensa mes tin culpa.. ta cubri loke ta mas 'importante' (lesa ratings).. y Paris tin mas GLAMOUR.. enfin.. bek pa nos storia.. Hulanda tin miho cos awor pa deal si Aruba ta cumpli of no.. aunke.. bo sa, miho nos keda keto..

Bo por kere cu SMAC ta sigui den bomboshi cu MU- SICA.. por lo menos, esey tabata e situacion.. ATA bo ta bin tende cu ministro ta wordo ganja pa e por firma un permiso pa fundacion MUSICA .. Lugaaaa.. a re- sulta cu MUSICA NO a pa- pia cos corecto y e ministro a RABIA, revoca e vergun- ning UN BES.. resultado? Core core del otro mundo, ata OTRO ministro ta core yama reunion dialuna mainta pa por DRECHA e asunto.. pasobra cos MESTER cana bon.. corda.. ta e minister su baby toch.. esun pelon.. Anto e pret ta cu despues, ta bin afo y bisa cu e reunion taba- ta uno PLANEA.. SA tuma hende haci dje estado ey!.. ta un reunion URGENTE NO programa.. enfin.. ban- da di esey, ata problema pa- sobra un miembro di Raad van TOEZICHT a cuminsa ranca bel.. y rapidamente e homber pelon a cay aden atrobe.. SAKE.. AFOO.. y e gremio a retira di RvT, pa asina e homber cu tabata rep- resenta e gremio ey, MES- TER sali obligatoriamente.. strategia yiu!.. poco con- fusio..? wak.. e homber ta- bata representa un gremio. E homber no kier a haci cierto cos, (toca na amen di e fun-

dacion), e homber no kier a sali. si bo no kier sali na bon, nos ta saca bo na malo.. dus e gremio a RETIRA, cu ta pone cu e meneer MES- TER a retira tambe.. ESTA BOMBOSHI.. anto apenas algun dia despues di 11-11.. comienso di carnaval. TA KICO TA WARDA NOS!.. Anto pa loke ta SMAC y MUSICA.. ta ministro ta manda.. ata SMAC kier co- bra MUSICA.. ministro a cay aden bisa.. NOOOO.. no cobra nan.. SMAC mondje dicht, a bisa.. OK.. MUSICA.. organisa festival gratis.. tanto BULULU.. anto MUSICA ta haya per- miso bek, manera cu nada no a pasa, y PORNADA.. anto nan ta bisa cu NO tin metemento politico? Ai si.. ai si..

Bo por kere cu ATROBE tin problema na COLE- GIO.. ma ta con.. shon re- belde Portugues a bay habri boca, bisa cos cu e no mester a bisa.. e otro a hiba trece.. anto BOEM.. ata e Portu- gues rebelde no mag subi tereno di scol.. Un ta cos.. KERE MARIBOMBA.. tin un division FORMAL den e scol, entre macamba y lo- cal.. ah. Papiando di e MAE- STRONAN.. un grupo cu e Portugues, y un grupo cu e macamba.. MARIBOMBA no por corda cua otro rector tabata den noticia NEGA- TIVO ASINA HOPI, den un tempo ASINA COR- TICO... un record nobo? Anto bo ta bin bisa MARI- BOMBA cu e Raad van TOEZICHT a bay pasobra nan tabata druk? Bay gaña baca!..

Prome nos bay.. tin ALGO ta broei na DIMAS atrobe.. pero esey nos ta laga pa otro biaha.. pasobra.. tempo ta OROOOO ☐



**Alhambra**  
CASINO AND SHOPS

Serving our guests for 30 years, Alhambra Casino is the leader in providing excellent customer service and invites qualified applicants to join the team. Alhambra Casino team members enjoy competitive pay and a fun work environment.

We are accepting applications for the following positions:

### Security Manager

**Requirements:**

- Applicants should be responsible, friendly, outgoing and service oriented.
- Prior Security Experience in Casino environment
- Must be familiar with Local laws pertaining to law enforcement and gaming
- Must have demonstrated leadership skills and abilities.
- Must possess excellent communication skills with an ability to conduct in-depth investigations, witnesses, interviews, and formulate complete and accurate investigative reports.
- Shall be able to react professionally and rationally to take command of emergency situations.
- Good knowledge of English and Spanish
- Basic computer skills
- Good writing skills
- Teamwork
- Able to work shifts and Holidays
- Good physical condition

**We Offer:**

- Pleasant work environment
- Competitive salary
- Attractive benefits

Apply in person at the Human Resources Office from Monday through Friday between 9:00 a.m. – 1:00 p.m.  
**Please bring picture.**

\* You will be required to take a drug test, before hiring \*  
Must be Aruban Citizen.



LIKE US ON  
**facebook**  
Facebook.com/bondianoticia



*Dik de Lange turista*

**“Tri-Bike Aruba semper ta percursa pa mi sigui core bicicleta na Aruba”**

**ORANJESTAD -** Hopi hende ta bin Aruba pa pasa dianan agradable, sosega nan curpa, incluso tin hende ta bin sea pa un convencion, pa un concierto.



Pa mas di 20 aña Sr. Dik de Lange hunto cu su señora ta bin Aruba pa disfruta di e solo y temperatura. Sr. de Lange ta contento di e oportunidad cu el a ricibi pa por sigui core bicicleta na Aruba.

Desde cu Sr. de Lange ta bin Aruba e ta core bicicleta, mientras cu su señora ta bin pa hunga tennis. Sr. de Lange a bisa Bon Dia Aruba, e ta contento cu e trato cu e y su señora ta ricibi for di hendenan di Aruba. Desde e prome dia cu el a cuminsa core bicicleta aki na Aruba el a keda encanta cu esaki. “Mi a acerca boso pa mi pidi boso yuda mi gradici un compania. E compania aki semper a percursa pa yuda mi ora mi mester di esaki,” Sr. de Lange a bisa Bon Dia Aruba.

Desde cu Sr. de Lange a conoce algun grupo di persona ta core bicicleta, e tabata bay cu nan. Na 1996 el a cera conoci cu Tri-Bike Aruba. Esaki ta bin ora cu el a haya problema cu bicicleta y el a wordo hiba pa un amigo na e lugá aki. Desde e dia ey Sr. de Lange ta bay cerca nan pa cualkier cos pa su bicicleta. Hopi turista a wordo reconoci pa bin Aruba pa hopi aña y e biahá aki Sr. de Lange tambe a haya



un plakkaat. El a haya un plakkaat na 2002 pa a core 10.000 km riba bicicleta.

Tur e biahanan cu famia de Lange a bin Aruba, Sr. de Lange tabata bin cu su bicicleta. Pero na 2005 el a dicidi di laga esaki na Aruba cerca Tri-Bike. Asina cu de Lange y su señora ta bin Aruba, na momento cu nan yega hotel e bicicleta ta cynan caba. Esaki ta pone cu de Lange ta contento di mira con e ta wordo ricibi pa e hendenan

di Tri-Bike. Pero e aña aki de Lange a bira sumamente malo. Esaki a pone cu e meter a busca un otro tipo di bicicleta cual ta e E-bike. De Lange a bin Aruba pero ta wordo sorpresa pa e team di Tri-Bike cu un bicicleta E-Bike. Asina aki Sr. de Lange por a sigui core bicicleta durante su estadía pa 3 siman largo. Ora cu e bay bek Hulanda e bicicleta aki lo keda na Tri-Bike y de Lange ta spera cu otro hende lo haya e oportunidad di hazi uzo di e bicicleta aki. □

**COME & CELEBRATE WITH US TODAY!**

**IT'S CARLA'S 40TH ANNIVERSARY**

**CUPCAKES ARE ON US!**

**PABIEN CARLA!**

**FROM ALL YOUR COLLEAGUES OF MADURO TRAVEL  
AND SE.L. MADURO & SONS (ARUBA) INC.**



## 2 morto y 7 aresto den razzia riba mente maestro di atake di Paris



**SAIN-DENIS, Francia (AP) – Tiro y explosionnan a shock e residentenan cu ya ta spantacaba, ora cu polis a tene un razzia riba un apartamento caminda nan ta kere e mente maestro tras di e atakenan di siman pasa ta scondi. Dos hende a wordo mata durante e razzia di 7 ora, incluyendo un muhe cu a explota su mes, y 7 otro hende a wordo aresta.**

No tabatin informacion cla di loke a pasa cu e sospechoso cu a planea e atakenan, Abdelhamid Abaaoud di 27 aña.

Fiscal di Paris, Francois Molins a bisa e mortonan tabata e muhe cu a explota su mes y un homber cu a haya impac-

to di proyectil di granat. El a bisa cu e razzia a wordo lansa despues cu informacion di tap di combersacionnan na telefon, imagen di vigilancia y testimonio di testigo a indica cu Abaadoud lo por ta scondi na un cas na parti noord di Paris, esta na Saint-Denis.

Autoridadnan no por a confirma di biaha si Abaaoud a wordo mata of aresta diaranson mainta.

Investigadonan a identifica Abaaoud, un Belga di descendencia Maricano, como e arkitecto den e atake di diabierna na Paris, cu a kita bida di 129 hende y a herida 350 otro.

Un oficialnan Mericano cu a wordo informa di e asunto a bisa cu Abaaoud tabata un figura clave den un op-

eracion externo di Estado Islamico, cu agencia di inteligencia Mericano ta teniendo bista riba nan pa algun luna. Ta kere cu Abaaoud a huy pa Siria despues di un razzia na Belgica na januari, pero a broma den propaganda di Estado Islamico, di su habilidad pa move bay y bin entre Europa y Siria sin wordo detecta.

E luga di e razzia di diaranson ta poco mas cu un miya di Stade de France, caminda 2 hende a explota nan mes pafo di e stadion durante e wega internacional di diabierna.

Nan tabata 1 di 3 team cu tambe a ataca e concierto na Bataclan, como tambe un luga popular na e bario trendy na Paris. Grupo di Estado Islamico a admiti cu nan a ehecuta e atakenan, cu a laga Francia di luto.

Diaranson, residentenan di Saint-Denis a wordo lanta di soño pa explosion banda di 4:20 di marduga.

Amine Guizani a bisa cu e explosion a wordo sigui pa zonido di granat y armanan automatico.

“E tabata sigui. E no a stop”, el a bisa. “El a dura di 4:20 pa 5:30. Poray un ora. Mi no por bisa cuanto tiro a cay, pero tabata mas o menos 500. Algun cien, sigur. Tabatin por ta 10 explosion.”

Polis a seya e area rond di e edificio den un caya smal, caminda tin edificionan no mucho halto. Polis a core cu tur hende di riba caminda, puntando arma riba nan.

“Nos a purba di stop nos yunan di scucha e desordo”, Farah Appane, kende ta biba 80 meter di unda e razzia a tuma luga, a bisa. “Mi baby di 19 luna tabata yora. Nos yiu di 8 aña a puntra kico



esey ta? Tin mas atake?” Ni Molins ni Minister di asuntunan Interior, Bernard Cazeneuve a bisa si tin mas extremista cu ainda no a wordo gara.

Prome autoridadnan Frances a bisa cu por lo menos 8 hende cu tabata directamente envolvi cu e atake: 7 a muri

den e atake y 1, Salah Abdeslam, kende a huy y crusa frontera drenta Belgica. Un oficial di siguridad Spaño a bisa diaranson, cu autoridadnan Frances a manda un boletin pa polis na Europa, pidiendo nan pa ta alerta pa un auto Citroen Xsara, den cual Abdeslam lo ta biahando. □

## Vaticano: Lo ta tremendo si Mama Teresa bira Santo na 2016



**VATICANO (AP) – Un oficial di Vaticano a bisa cu ta mucho trempan pa bisa su Mama Teresa lo wordo haci un Santo durante e Aña Santo di Piedad na 2016.**

Tin speculacion cu e soeur cu a traha cu hendenan indigente y esunnan cu tabata muriendo na India, lo wordo haci Santo pa Papa Francisco, durante e ceremonia di Aña Santo, cual ta bay di dia 8 di december pa dia 20 di november 2016. E obispo Italiano a bisa

durante un conferencia di prensa diaranson, citando un agencia di noticia Italiano, cu pa dia 4 di september lo ta un fecha probabel.

Vocero di Vaticano, Reverendo Federico Lombardi a enfatisa cu ainda Francisco tin cu aproba e milager di Mama Teresa su intercesion, prome cu e por bira un Santo. Lombardi a bisa cu canonisacion lo ta tremendo y a yama e posibilidad cu e por bira un Santo otro aña, y hipotesis rasonabel y desca pa admiradonan. □





## Boko Haram a mata 37 hende den atake

**YOLA, Nigeria (AP) –** Un persona cu a explota su mes a momento cu chauffeurnan di truck tabata drentando cu nan truck pa bay come na un mercado druk, caminda bendedonan ta urgi nan pa cumpra caña. Por lo menos 34 hende a perde nan bida y 80 otro a keda herida na Yola, un pueblo cu ta yen di refugiado di Nigeria su conflicto, oficialmente di emergencia a bisa diaranson.

Despues 2 persona mas cu bom a kita bida di 3 hende mas na e ciudad Kano, segun polis. E explosionnan, cu 37 morto combina total, ta e atakenan mas recien di e extremistanan Islamico di Nigeria, esta Boko Haram, cu su insurgencia a mata 20 mil hende y a pone 2.3 miyon hende huy di nan cas. E explosionnan a bin despues cu President Muhammadu Buhari a presiona su campaña contra corrupcion



na Nigeria, cual ta wordo culpa di stroba e lucha contra extremistanan. Buhari a acusa ex consehero di siguridad nacional di horta miyones di dollar cu tabata pa cumpra arma pa bringa Boko Haram, ora cu soldatnan tabatin solamente algun bala pa bringa extremistanan na Nigeria. Pa hopi tempo criticonan a culpa corrupcion pa fayonan militar, puntrando con e insurgentenan por ta miho arma cu soldatnan Nigeriano, a pesar di e presupuesto anual di mas cu \$5 biyon, suplementa aña pasa pa un prestamo di \$1 biyon.

Buhari a duna ordo pa aresta varios oficial cu tabatin conexcion cu e fraude di contractnan ficticio cu a yega na un total di \$5.4 biyon, un di su conseheronan, Femi Adesina a bisa den un declaracion. “Miles di Nigeriano morto innecesariamente na man di e grupo di extremista mas mortal na mundo, segun Global Terrorism Index. Mortonan na man di Boko Haram a aumenta cu 317 por ciento di 2014 pa 6.644, compara cu 6.073 na man di grupo di Estado Islamico. Boko Haram a bisa cu e tin laso cu Estado Islamico na



maat, yamando nan mes e grupo su Provincia na West Africa. E violencia sin fin a destrui e parti noordoost di Nigeria. Na e ciudad Yola, cual a wordo ataca pa di 3 biaha den 3 luna, famianan buscando nan sernan keru perdi na e 2 hospitalnan principal. “Mi no por a haya nan na hospital, pues mi mester a bay funeraria”, Musa Adamu a bisa. El a bisa cu su ruman homber, Kamal, tabata bende caña y su omo a bay busc’e. Adamu a haya tur 2 nan cur-

pa na e funeraria. Ocho mucha ta entre e mortonan, segun director di hospital na Yola, dr. Bala Sa’id. Nigerianonan ta puntra dicon gobierno no ta capaz di pone un fin na e violencia di Boko Haram. Hopi ta culpa corrupcion y ta yama e ordo pa aresta Sambo Dasuki bon bini, e ta e ex consehero di siguridad acusa di desvia biyones cu mester a bay pa ekipo militar.

“Mas leu cu corrupcion, Dasuki no por wordo acusa di traicion: Hombernan, muhenan y mucha a muri pa motibo cu ehercito no por a defende nan”, un Nigeriano rabia a tweet.

Buhari a duna ordo pa aresta Dasuki, un consehero clave di ex president Goodluck Jonathan desde 2012, y un otro oficial cu no a wordo identifica. E investigacion ta parti di e lucha contra corrupcion cu Buhari a cuminsa desde cu el a yega na mando na mei ultimo. □



## Russia: Operacion hunto Francia na Siria ta desaroyando



**MOSCU (AP) – Vocero pa personal militar general di Rusia a bisa cu nan ta desaroyando un plan pa operacionnan hunto cu Francia na Siria.**

E declaracion di General Andrei Kartapolov di diaranson a bin un dia despues cu President Vladimir Putin a duna ordo pa Rusia su cruiser di misil Moskva, cual ta den Lama Meditera-

neo, pa coopera cu e carrier di avion, Charles de Gaulle di Francia. “Ora cu Charles de Gaulle bin canto na Siria, trabou militar hunto lo wordo organisa”, el a bisa, segun agencia di noticia di Rusia. Kartapolov a bisa tambe cu diaranson avionnan militar di Rusia a ataca facilidadnan di extraccion di azeta, transportacion y refinacion, na areanan bou control di militantenan di Estado Islamico. □





*Alfonso Boekhoudt:*

## Dos aña Minister Plenipotenciario



**DEN HAAG – Na Gabinete di Aruba a tuma luga un encuentro na ocasion cu dia 14 di november ta dos aña cu Alfonso Boekhoudt a huramenta como Minister Plenipotenciario di Aruba na Hulanda. Un momento special unda e mandatario conhuntamente cu e personal di Gabinete di Aruba y ATA Europa - por a mira atras riba su di dos aña na Den Haag y na mes momento papia tocante e retonan pa e siguiente aña.**

Sr. Boekhoudt a cuminsa na bisa cu e prome aña a dedica na expone e posicion di Aruba como hub entre Europa y Latino America. E mandatario a bisa cu e aña cu a pasa a concentra hopi riba e maneho di Gobierno ariba e tereno di sostenibilidad.

Den cuadro di esey a tene e Green Aruba Pre event e aña aki y a yuda organisa un evento riba e tema aki cu TNO di Hulanda.

Pa loke ta Gabinete di Aruba a mira cambio principalmente den departamento di enseñansa. Desde e aña aki e mentornan ta duna guia unicamente na e studiantenan den nan prome aña. E guia di e otro studiantenan ta cay directamente bou di Gabinete di Aruba.

Un otro aspecto cu a bin ta haya atencion di Gabinete di Aruba ta ayudo na nos Arubianonan na Hulanda. ‘Un caso special tabata esun di Mitch Henriquez, unda Gabinete di Aruba a brinda sosten na e famia unda cu nos tabata por. Mi a ricibi hopi reaccion positivo ariba e acercamento aki cu ta duna mi satisfaccion pa loke ta e trabao cu nos como Gabinete ta haci’, asina Sr. Boekhoudt a bisa.

‘Otro aña lo bira uno cu un aspecto excepcional. Nos ta celebra 30 aña di Status Aparte. Un momento pa nos muestra con nos a yega asina leu. Trinta aña di Status Aparte den cu anos por ta liber pa expresa nos propio identidad y e aspectonan cultural importante pa nos. Aspectonan tambe cu ta haci nos orguyoso como Arubiano’, asina Sr. Boekhoudt a bisa.

E mandatario den su discurso a gradici tambe ATA



Europa den nan logro pa trece mas turista Europeo na Aruba. ‘Tambe mi ta hopi gradicido pa e cooperacion estrecho y positivo cu ta existi entre ATA Europa y Gabinete di Aruba.’

Finalmente Minister Boekhoudt a gradici tur esunnan presente pa asisti na e encuentro special aki den cuadro di su di dos aña como Minister Plenipotenciario di Aruba na Hulanda. ‘Nos como Gabinete y boso como funcionario a muestra di por maneha e tarea cu Aruba ta pidi nos pa haci. Mi ta hopi gradicido na boso pa e bon sosten cu mi a ricibi e ultimo aña aki y mi ta spera di por conta riba esaki pa e aña cu ta bini.’ □

## Pleito riba un robo a caba den asesinato na Ser'i Domi

**WILLEMSTAD – Un pleito riba un robo a caba den caso di asesinato na Ser'i Domi ayera tardi laat.**

Tabata den careda di 17.45'or cu Central di Polis a ricibi informacion cu tabatin un caso di tiramento den Caya Tula na Ser'i Dòmí y cu tin un hende homber seriamente herida. For di un investigacion preliminar na e sitio a resulta cu e hoben victima a bay na e cas den Caya Tula pa

regla un asunto di un robo. Aki a start un discusion entre e y algun persona, durante cual un homber, habitante di e cas, a saca un arma di candela y los un of mas tiro dirigi riba e victima. E victima a keda seriamente herida y a fayece na e sitio. No obstante esfuersonan pa reanima e victima, esey no a duna resultado. E sospechoso despues di su acto a bandona e sitio. Dokter di polis a constata morto di e victima y riba



ordó di fiscal di Ministerio Publico a confisca e curpa sin bida pa mas investigacion. Identidad di e victima te na e momentonan aki no ta conoci.

E investigacion den e caso aki ta continua.

E caso a causa consternacion den e caya. Hopi hende a reuni pa tuma nota di loke a pasa. Te na momento cu nos a bay imprenta awe no a duna number di e victima oficialmente. □

## Minister Plenipotenciario a firma registro di condolencia

**DEN HAAG - Minister Plenipotenciario Alfonso Boekhoudt a firma ayera e registro di condolencia pa e victimanan di e atentado na Paris diabierna cu a pasa.**

**Esaki a tuma luga na e embahada di Francia. Dialuna y ayera e embahada a habri un registro di condolencia unda mandatarionan, parlamentarionan, embaha-**



**dornan y publico general por a empresanan nan convivencia cu Francia.**

Prome cu e mandatario a firma e re-

gistro di condolencia, el a pone un bouquet di flor pafo di e embahada. Desde e atentado na Paris tabata tin hopi persona cu a bin y a pone flor y bela na memoria di e victimanan. □



## Parlamento ta acepta ley di coriente y awa di bebe di islanan BES

**DEN HAAG** – Den Tweede Kamer awe a acepta un proposicion di ley cu ta regla e suministracion di awa y coriente na islanan BES. E responsabilidad ta completamente den man de Reino awor.

Reino no ta kibra e posesion di monopolio di e companianan di utilidad publico na islanan BES, pero ta priminti di supervisa e explotacion di e empresanan mas miho. Ta e intencion pa laga e companianan traha mas efectivo.

### Energia duradero

Actualmente e suministracion Hulandes Caribense ta traha riba diesel y gasolin, loke ta masha caro. Si ta na gobierno Hulandes den e añanan binidero mita di e suministracion di energia na islanan BES mester bini di fuentenan duradero. Esey



tambe lo baha e prijsnan di awa y coriente, asina minister Melanie Schultze van Haegen (Infrastructura y Medio Ambiente) ta spera. Diferente partido no ta haya esaki basta ambicioso y a insisti pa no keda solamente na 50 porshento di energia duradero. Hulanda ta subsidia suministracion di coriente y awa na Hulanda Caribense cu respectivamente 6 y 2 milyon dollar pa aña. E minister ke

mengua e subsidia aki den e dies añanan binidero.

### Proposicionnan cu no a logra

Un mision di Roelof van Laar (PvdA) pa haci e tarifican na Hulanda Caribense igual na e tarifa promedio di Hulanda Europeo, no a logra. Un proposicion di PVV pa no duna subsidia mes mas, tampoco no a logra. □

## Mas instituto educacional ta logra calidad basico na Sint Eustatius, Saba y Boneiro



**KRALENDIJK** - Na Hulanda Caribense atrobe cinco scol basico mas, un scol pa enseñansa avansa, dos centro di experticio pa cuido educacional y un instituto pa trayectonan di oportunidad social pa hobennan (SKJ) a logra nan calidad basico. Asina inspectornan di enseñansa a determina, relaciona cu investigacionnan di calidad cu nan a efectua e ultimo dos simannan na Sint Eustatius, Saba y Boneiro.

Secretario di estado Sander Dekker (Enseñansa) a reacciona contento: “Maestro, lidernan di scol y directivanan di e scolnan aki a logra un prestacion importante. E alumnon-

an di nan scolnan ta haya awor bon enseñansa riba cua nan tin derecho. Bon enseñansa cu ta asina importante pa futuro di Hulanda Caribense. Esaki merece un compliment grandi.” E institutonan cu a logra calidad basico ta:

- Bethel Methodist School, Lynch Plantation SDA School y Expertisecentrum Onderwijszorg (ECE) na Sint Eustatius;
- Sacred Heart School, direccion di enseñansa avansa (VO) di Saba Comprehensive School, Expertisecentrum Onderwijszorg EC2 y Saba Reach Foundation na Saba;
- Colegio Rayo di Solo y Colegio Cristo Bon Wardado na Boneiro.

Cu a logra e calidad basico tin di haber cu e proceso educativo y cuido di calidad. E logronan educativo ainda no a yega e nivel di Europeo Hulandes: esey ta un asunto di largo plaso.

Mas y mas scol na Hulanda Caribense ta logra pone nan enseñansa riba un nivel aceptabel. Institutonan educacional cu den un fase anterior ya a logra e calidad basico ta: Fundacion Forma (trayectonan di oportunidad social pa hobennan) y e scolnan basico De Pelikaan, Colegio San Bernardo y Colegio San Luis Bertran na Boneiro y Golden Rock School (enseñansa basico) na Sint Eustatius.

Esey ta nifica cu awor 9 di e 12 scolnan pa enseñansa primario, 1 di e 3 scolnan pa enseñansa avansa, 2 di e 3 centronan di experticio pa cuido di enseñansa y 2 di e 3 institutonan pa trayectonan di oportunidad social pa hobennan a logra e calidad basico.

E criterionan ta pone den documentonan di maneho tocante calidad basico den enseñansa. Realisacion di e calidad basico ta un meta importante pa e Agenda di enseñansa pa Hulanda Caribense, cu a keda stipula pa e periodo 2011-2016. □

**AD PATRES**  
funeral home  
*Ta participa fayecimento*

Van Rensselaerstraat 2  
Tel. 584-2299 - 7372299  
Family owned and operated  
Since 1997

**AD PATRES FUNERAL HOME**  
*Anuncio pa Corant Diaranson 18/11/2015*

*Hendenan cu a biba rondona di amor di Dios no ta muri, sino ta bay djis pa busca un lugar pa esnan cu ta keda atras cu e ta stima.*

A fayece inesperadamente den nomber di señor, nos Esposo, Tata, Welo, Yiu, Ruman, Omo y Padrino stima:



**Mario Demetrio Schwengle**  
\*31 mei 1959 +15 november 2015  
Cariñosamente jama “Mo Mai” of “Maikel”

Na nomber di su:

**Esposa:** Sonia Schwengle-Kelly

**Yiunan:** Shahaira Schwengle y Kenneth Loopstok y yiunan

Sorayma Schwengle y yiu

Joshue Schwengle y Nicole Croes

**Nieto y nietanan stima:** Shaindra y Geomar

Shiandra

Shandrick

Siomarie

**Tata:** † Sixto Schwengle

**Mama:** Sra. Vda. Maria Schwengle-Geerman

**Rumannan:** Mientje y Eddy Kelly y famia

Lena y Padu Silberie y famia

Sixto Jr. y Dorinda Schwengle y famia

Mia y Jani Geerman y famia

Bea y Chai Geerman y famia

Jessy y Guillermo Cecilia y famia

Jopi y Siomaira Schwengle y famia

**Manera ruman:** Giovanni Solognier y famia

**Sobrino y sobrinanan:** Shaniro, Shanella, Shandré, Sergio, Sharina, Silviene, Shannon, Derrick, Derilaine, Djurrick, Djurrick, Julie-ann, Hilward, Jeremy, Juan-Carlos, Enzo, Junice, Shamouk, Jean Claude y Jean Carla.

**Suegra:** Sra. Vda. Julia Kelly

**Cuñia:** Deta y Nacho Gomez

**Ex nuero:** Aldrin Boekhout

**Tantanen:** Alda Geerman y famia

Siegrid Frank-Ras y famia

† Lulu y Jose Donata y famia

† Jaja y Juan Werleman y famia

**Omo:** Toribio Geerman

**Padrinonan:** Shonle Koolman y famia

Florentino Ras y famia

**Madrina:** Angelica y Ephraim Croes

**Amistadnan cerca:** Maria y Modesto y famia

Bertha Peasch y famia

Erwin Koense y famia (na Corsow)

Juni Greaux

Dede y Ricky (na Merca)

Maikel Donata

Erick Geerman

**Primo y primanan, ihanan, sobre sobrinonan stima, coleganan stima di Occidental Hotel, tur amistadnan y companeronan di softball. Co-fundador di: Eagles, Odeys y Happy Family softball team.**

**Demas famianan:** Schwengle, Kelly, Geerman, Silberie, Paesch, Maduro, Meyers, Ras, Cecilia, Werleman, Dubero, Dirksz, Vingal, Donata, Boekhout, Franken, Leest, Gomez, Loopstok, Quant, Croes, Ruiz, Oduber, Solognier, Wouters, Sambo, Ramchandani, Koense, Emerenciana, Thiel, Statie, Vincenten, Koolman, Hernandez, Ridderstap, Kock, Wever y amigonan na Corsow, Boneiro, Venezuela, Hulanda y Merca.

Si en caso den nos tristeza nos por a lubida algún persona of famia, nos ta pidi nos mas sincero disculpa.

Acto di entierro ta tuma lugar Diasabra 21 November 2015 pa 4'or di atardi na misa Sagrado Curason na Savaneta y despues saliendo pa santana Catolico na Savaneta. Nos defunto stima lo ta reposa for di 2'or di atardi na misa.

**Adres pa Condolencia:** Calabas 20

**Diaranson 18 November 2015 pa 7:00 pm -9:00pm**

**Adres pa Condolencia:** Caya Jose Geerman 25

**Diahuebs 19 November 2015 pa 7:00 pm -9:00pm**

Staff y personal di Ad Patres funeral home ta extende nos mas sincero condolencia na famia di e fayecido.

Condolencia por wordomanda riba nos website:

[www.adpatres.webs.com](http://www.adpatres.webs.com)




“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu inmenso tristesa den nos curason pero agradecido pa tur locual e la nifica pa nos y conforme cu boluntad di Dios nos ta anuncia fayecimento di:

**Aurora**  
*Funeral Home*  
Tel: 593-0857 / 588-6699 / 560-1403  
Fax: 588-6698

## Sr. Miguel Angel Barrera Codina



Na number di su:  
Yuinan:

Rafael Barrera y famia  
Judith y Marco Winterdaal  
Henry y Deta Barrera  
Rafael Vanegas y famia  
Mirlanda Barrera y famia  
Maiquel y Michell Barrera  
Ronny Barrera y Edmay Christiaans

Mescos cu yiu:

Jaime Lampe  
Nito Kock  
Igor Kock

Nieto/a:

Caroline Tromp, Viola Winterdaal y famia, Nathaly Winterdaal y Derrick Brete, Kirby y Kristie Barrera, Abigail y Aysha Vanegas, Brigitte y Björn Geerman, Mike, Evan, Luka y Mia Barrera, Evarienne Christiaans, Eyxirienne y Edirienne Barrera

Mescos cu nieto:

Franklin Wever

Bisanieto/a:

Jeandrick Tromp, Xeandra Winterdaal

Rumannan:

Santander Marquez y famia (Colombia)  
Mercedes Bermudez y famia (Venezuela)

Mescos cu ruman:

Rafael Sierra y famia

Ex –Casa:

Sra. Marta Sierra

Amigonan: Carlito Quandt, Camilo Muyale y sra., Mario Croes, Francis Loefstok, Ursulina Wolter Marin, Cesar Olivier, Federico Albertsz, Virgilio Franken y yunan, Ofra Kock, sra. y yunan, Alex Arends y sra., Maximo y famia na Sto. Domingo, Henky Ras, Sra. Mery y famia na Hulanda, Lucky, sra. y famia

Amigo-, conocir- y bisñanan

Demas famia: Barrera, Marquez, Bermudez, Bustillo, Winterdaal, Croes, Chinquegrano, Geerman, Christiaans, Sierra, Vanegas, Quandt, Robles, Lopez, Franken, Larmonic, Brete, Figaroa, Tromp, Martinez, Holsman, Rivadeneiro, Matos, Kock, Lampe, Olivier, Muyale, Donata, Wever

Ta invita pa e acto di despedida cu lo tuma lugar diabierna 20 di november 2015 na Aurora Funeral Home di 9’or pa 11’or di mainta, despues lo wordo crema.

Adres pa condolencia: Aurora Funeral Home, diahuebs 19 di november 2015 di 7’or pa 9’or di anochi.

Nos disculpa si den nos momento di nos tristeza nos por a lubida un of otro familiar.

Despues di despedida no ta ricibi bishita di condolencia na cas.

**Aurora**  
*Funeral Home*  
Tel: 593-0857 / 588-6699 / 560-1403  
Fax: 588-6698

Because she is the bearer of life, the foundation of the family.  
She is there to kiss the tears, to let me try my wings and help the hurt go away.  
She’s there with her love, to let me feel special and she’s there with her knowledge and wisdom  
When I am faced by a new experience.



## Helen Magdalena de Cuba

Sunrise 11-02-1930

Sunset 14-11-2015

Na number di su

Yuinan:

Lita Sewraising-de Cuba, Glen y yunan  
Meggy Kerpens, Margie & Kim Kelders  
Diana Kerpens  
Raymond Kerpens, Frieda Lacle y yunan  
Ella Meyer-Kerpens, Johannes y yunan  
Norma Kerpens, Xavi, Leann, Monischa

Su ex casa:

Wim Kerpens

Su rumannan: †Edwin “Bubu” de Cuba y famia

†Norma de L’Or-de Cuba y famia

Swa y Cuñanan: Wanita Diogo y famia na Madeira

Carmen Kock y famia

Vera Rasmijn y famia

André Kerpens y famia

Su prima y amiga stima: Regina de Cuba

Su primo stima: Neto Arends

Su nietonan: Shaleni, Jivika, Kishan, Norxavi, Mariëll, Margie, Cedric, Diandra, Kim, Leann, Shanty, Allysha, Monischa

Bisanietonan:

Arxon, Matthew, Kira, Sophia

Sobrina stima:

Maria Edwina Loefstop-de Cuba

Amiga Di cas:

Rosa

Amiga di infancia:

Fanny Oduber

Tur sobrino y sobrinanan y demas famia na Hulanda: de L’Or, Hieroms, USA: de Cuba, Curacao : Sewraising, Aruba: de Cuba, Kerpens, Harms, Arends, Kelders, Da Silva, Werleman, Lacle, Arendz, Kock, Rasmijn, Meyer, Campbell, Diogo.

Tur sobrino y sobrinanan, amiganan, famia y conocirnan y tur Rumannan Testigo di Jehova ta invita pa asisti na acto di despedida diahuebs 19 november 2015 for di 11’or pa 1’or di merdia na Salon di Reino di Testigonan di Jehova na Bubali y despues for di 2’or pa 4’or di atardi tambe tin oportunidad pa despedi na Aurora Funeral Home. Despues lo crema den seno familiar.

Adres pa condolencia Aurora Funeral Home, 18 november 2015 for di 7’or pa 9’or di anochi.

Nos ta pidi nos disculpa si den nos tristeza nos por a lubida un of mas famia

Despues di entiero nos no ta ricibi bishita di condolencia na cas.



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu hopi tristesa pero conforme cu boluntad di Dios nos ta anuncia cu a bay laganos  
den brasa di Señor.

*Aurora*  
Funeral Home  
Tel: 593-0857 / 588-6699 / 560-1403  
Fax: 588-6698

## Luis Marcelo Croes

Cariñosamentejama ‘Luwi’  
Na bidaunfielcampanjador di  
nosLibertador Gilberto Francois  
‘Betico’ Croesqepd.  
\*10-10-1949 - †13-11-2015



Na number di su casa: Rosa Mercedes Croes-van der Linden  
Yiunan: Epifania Mercedes Croes y Gertjan van der Steen  
Anna Catharina Croes y Savo Radulovic  
Anna Marila Croes  
Lydia Ludwina Croes y Dave Timmers  
Luis Marcelo Croes y Shirley Lakerveld  
Luis Gregorio Croes y Alexandra Maria Croes  
Rosa Marienne Zuidgeest-Croes y Bas Zuidgeest  
Luis Carlos Croes  
Luis Antonio Croes y Roxi Podrono  
Nieto(a)nan: Maceo, Fiorella, Verlee y Kane van der Steen  
Sofija y Mihajlo Radulovic  
Annaluz y Ethan Timmers  
Dino, Rodrigo y Mylo Croes  
Valencio, Cheveyo y Keano Croes  
Javon y Julian Croes  
Jayden y Jayron Croes  
Genevieve Podrono  
Mama y Tata: Epifania Croes-Wever y †Marcelo Croes  
Rumannan: Marcelo Croes y Maria Croes-Maduro  
Lydia Abdala-Croes y Ali Abdala  
Rolando Croes y Marula Croes-Maduro  
Philomena Maria Tjon A Pauw-Croes y Kiet Tjon-A-Pauw  
Tantanan: Anna Geerman-Wever y famia  
Magdalena Wever y famia  
Sobrinu y Sobrinanan: Angelo Croes y famia, Eliana Croes y famia, Larissa Croes,  
Naomi Kersen-Croes y famia, Zemira Beaujon-Abdala y famia,  
Imrahvan Eijk-Abdala y famia, Carina Tjon A Pauw partner, Ixora  
Pastor-Tjon A Pauw y esposo, Ana-Liza Tjon A Pauw y partner  
Swa y cuñanan: Olivia Oyib-van der Linden y famia  
Ludwina van der Linden y famia  
Glenda van der Linden y famia  
Rosenda 'Roosje' Growell-van der Linden y famia  
Anthony van der Linden y famia  
Michael van der Linden  
†Mariëla van der Linden  
Madrina y Padrino di bruid: Anna Geerman-Wever y Candido Feliciano  
Primo y primanan: Tur primo y primanan.

Y demas famia nan: Croes, van der Linden, Wever, Geerman, Maduro, Abdala, Tjon A Pauw, Dijkhoff, Timmers, van der Steen, Radulovic, Podrono, Oyib, Growell, Kersen, Beaujon, van Eijck, Pastor, Feliciano, Croeze, Vos.

Ta invita pa e acto di despedida cu lo tuma lugar diasabra 21 di november 2015 na Aurora Funeral Home di 9’or pa 11’or di mainta, despues nos defunto stima lo wordo crema.

Adres pa condolencia: Aurora Funeral Home, diabierna 20 di November 2015 di 7’or pa 9’or di anochi.

Nos disculpa si den nos tristeza nos por a lubida algun miembro di famia y alabes nos ta lamenta cu prome y despues di entiero nos no por ricibi bishita di condolencia na cas.

*Aurora*  
Funeral Home

Tel: 593-0857 / 588-6699 / 560-1403  
Fax: 588-6698

“Señor ta mi wardador, mi n’ tin falta di nada  
Den cunucu di yerba berde e ta pone mi sosega.  
E ta hiba mi na awa trankil,  
Pa mi bolbe haya forsa”.  
Salmo: 23

Cu inmenso tristesa den nos curazon, pero conforme cu e boluntad di Dios nos ta anuncia fayecimento di:



## Frederik Ulrich Donata

Mihor conoci como “Fedi of Fechay”

\*14-08-1948 - †18-11-2015

Na number di su  
Casa: Francisca Helena Donata-Flanegin  
Yuinan: Maria Donata y Leandro Milla y yuinan  
Frederik (Ricky) Donata  
Nietonan: Zachary Milla y Mari-Andra Milla  
Rumanan: Hendrick (Iki) y Nanny Donata y yuinan  
Olga Donata  
Mario (Komay) y Mariana Donata y yuinan  
Ronny (Pon) y Tienchi Donata  
Rosa y Anthony Paula y yuinan  
Victor (Toy) y Alicia Donata y yuinan  
David y Theresita Donata y yuinan  
Esmeralda (Lati) y Adolf Everon y yuinan  
Tantanan: Deta y Federico Albertsz y famia  
Elsa Ras y famia

Primo y primanan, sobrinu y sobrinanan, swa y cuñanan bisiñanan, conocirnan y ex coleganan di Landsradio /Setar, su cas di cuidu BETESDA y Dr. John Croes.  
Demas famia: Donata, Flanegin, Milla, Ras, Kelly, Fingal, Christiaans, Figaroa, del Monte, Rosel, Geerman, Werleman, Paula, Everon, Dirks, Esquerra, Albertsz, v/d Biezen. Oduber, Tromp y demas famia na Hulanda y Corsow.

Ta invita pa e acto di entiero cu lo tuma lugar diasabra 21 november 2015 di 2’or pa 4’or di atardi na Aurora Funeral Home, despues lo sali pa Santana Central Sabana Basora.

Adres pa condolencia, Aurora Funeral Home diabierna 20 november 2015 for di 7’or pa 9’or di anochi.

Despues di entiero nos no ta ricibi bishita di condolencia na cas.

Nos ta pidi nos disculpa si den nos tristeza no por a lubida di menciona un of famia famia.



# CLASIFICADO ECONOMICO



PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

**PASA LAGA BO AVISO NA OFICINA DI BON DIA ARUBA WESTSTRAAT #22**

## TA BENDE

Un PIANO Keyboard (teclado) profesional Yamaha PSR-S-500 5 octavas, sonidos impresionantes con la compra le regalo el sorte del teclado y el forro.  
Tel: 566-7748

## TA BUSCA

Trabao pa hasi cas limpi y por cushina tambe. Pa mas informacion yama  
Tel: 660-2860

## FOR SALE

Lifetime ownership at La Cabana one bedroom. Friday check in Week 29, 30, 31 Afl. 2000,- a week or all 3 or Afl. 5000,- Whazzap  
738-2828

## TA BENDE

Bedliner usa den perfecto condishon pa Toyota Hilux Pickup. Bedliner usa den perfecto condishon pa Toyota Hilux Pickup 1997 t/m 2002 single cab largo.  
Tel: 584-5242

**Clasificado**  
MAX 20 PALABRA

## SERVICIO PUBLICO

Sra. Peruana ta ofrese servicio di hasi cas limpi y tambe strika paña.  
Tel: 600-3726

## SERVICIO PUBLICO

Paraiso de Rosas cuida pa hende grandi.  
Tel: 586-9540/566-2687/ 749-7935

## SERVICIO PUBLICO

Nos ta yuda cu huiswerk guia den ambiente familiar.  
Tel: 745-2305

## SERVICIO PUBLICO

Ta ofrese tur tipo di trabao di electricient. Ta hasi instalacion, reparacion, kortsluiting, breaker.  
Tel: 566-5026

## SERVICIO PUBLICO

Ta corta mata chikito of grandi y ta benta sushi afo y ta bende santo, piedra y graniet na bon prijs.  
Tel: 562-2532

## SERVICIO PUBLICO

Nos ta yuda cu huiswerk guia den ambiente familiar.  
Tel: 745-2305

## TA HUUR

Apartment 1 camber pa Afl. 1200,- maximo dos persona, inclui water, cable, gas, exclui coriente.  
Pa mas informacion  
Tel: 592-9966

## TA HUUR

Studio Apartment na Pos Abao. Pa mas informacion  
Tel: 593-2503

## TA HUUR

Apartmento na Pos Chiquito #223-E pa Afl. 750,- + deposito.  
Pa mas informacion  
Tel: 569-4661

## TA HUUR

Dos apartamentamento nobo na Paradera. Pa mas informacion puntra pa Gregory Mathilda.  
Pa mas informacion  
Tel: 592-2881

## TA BENDE

Ganga y mas ganga, ora bo compra 20 saco di gordura di Afl. 5,- pa un. Nos ta entrega nan oferta di 1 di Aug te dia 15 Aug. St. Martha #12.  
Pa mas informacion  
Tel: 564-4456

## TA BENDE

Un mesa di 10 diferente wega marca Murray Afl. 650,- Un bicicleta 7-8 aña Afl. 550,-  
Pa mas informacion  
Tel: 593-7366

## TA BENDE

Eenmanszaak di security, cu tur su papel update y no tin debe di belasting, pa reunion bo por yama of manda un whatsapp, mobil.  
Tel: 600-0543

## TA BUSCA

Ta busca persona pa traha den restaurant/bar  
Pa mas informacion  
Tel: 5921846  
E-mail: Kenmata02@outlook.com

**SMALL BAZAAR**  
Savaneta #82 | dilanti S-Chow Supermarket

Nos ta compra muebles y bende usa. Frigidaire y stove etc.  
Yama 593-0884  
We buy and sell all used furniture

## TA BENDE

NOS TA BENDE TIRE SEGUNDA MANO DEN PREFECTO CONDICION. PRIJS PA TIRE TA AFL. 30,-. PA MAS INFORMACION POR  
TEL: 746-2797

## TA BENDE

Santo, piedra y graniet bon prijs, ta corta mata grandi y chiquito y ta benta sushi afo.  
Pa mas informacion.  
Tel: 562-2532/600-1367

## TA BENDE

CORCHON PILLOW TOP QUEEN SIZE 1.90X1.58M BOX SPRING QUEEN SIZE 2.01X1.60M TUR DOS PA E SPECIAL PRIJS DI AWG.350  
PA MAS INFORMACION  
Tel: 592-6657

## TA BENDE

Un Ford Explorer 2003 A/C, automatic, 5 porta, Bon condishon, Prijs Afl. 6.000,-  
Pa mas informacion  
Tel: 593-8063

## TA BENDE

WANDMEUBEL AWG. 75,- TOLDO 2.44X1.07M AWG.350  
Pa mas informacion  
Tel: 592-6657

## TA BENDE

Un set di sala Afl. 500,- 1 stoof di 4 burner Afl. 400,- 1 frigidaire chikito Afl. 500,- 1 telefon Afl. 100,-  
Pa mas informacion  
Tel: 594-0391 / 586-6167

## TA BENDE

Un cas na Socotorolaan #25 Taxatie Rapport Awg. 278.000,- 3 camber - 2 baño, sala, comedor, cushina, patio. Prijs Afl. 225.000,- Situa central den Playa.  
Pa mas informacion  
Tel: 593-0077 of 593-0909

## TA BENDE

Un 2 box y 2 colchon matrimonial.  
Pa mas informacion.  
Tel: 641-1224

## TA BENDE

Un cas grandi 1200m cu espacio na banda apart, banda di caminda grandi di Tanki Leendert pa Oranjestad bon pa negoshi, oficina, dokter, etc etc.  
Tel: 560-8929

## SMALL BAZAAR

Savaneta #82 | dilanti S-Chow Supermarket

Nos ta compra y bende muebles segunda mano. Tambe nos tin muebles di hotel na benta. Pa luna di Oct. Nov. y Dec nos tin 20% descuento riba tur muebles. Pasa awe mes y coleccion y hiba di bo na bon prijs.



**ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI MAS CERCA DI BO!!**



**Yena aki bao e siguiente informacion:**

## Telefoon

Number Completo: .....

Adres di Entrega: .....

Adres di Cobranza: .....

## Pago Adelanta:

☐ 3 Luna ☐ 6 Luna ☐ 1 aña

Paga cu Credit Card. Mi persona ta autoriza C.S.P. N.V. pa debita mi:  
☐ Visa ☐ Mastercard ☐ Maestro ☐ Debit Card Aruba Bank N.V.

Card No: .....

Fecha di expiration di Caarchi: .....

Firma di cliente: .....

**Yama na telefoon: 582-7800 of manda via fax: 582-7044 www.bondia.com**

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no.: 33266.8
- ☐ Paga Aruba Bank ABO ONLINE
- ☐ Paga CMB ONLINE
- ☐ Personal na oficina di Bon Dia Aruba.
- ☐ Pone den Box
- ☐ Tira den Cura



## Departamento di Mucha na Hospital celebrando “Siman di Enfermeria pa Mucha”



**ORANJESTAD-** E trabao di un nurse specialisa den Kinderverpleegkunde, esta Enfermeria pa Mucha, ta trece hopi reto cun’e. Contrario na adultonan, un mucha mayoria biaha no por splica of expresa kico e ta sinti. E mucha sa cu e ta malo,

e ta sinti malo, pero pa pone loke e ta sinti den palabra no tur ora ta posibel. E trabao di un nurse di mucha ta consisti pues pa un gran parti di papia cu e mucha y en general, observa e mucha, pa nan por comparti cu e pedia- tra kico nan a observa.

E departamento di enfermeria di Dr. Horacio E. Oduber Hospitaal e siman aki ta den “spotlight” pa cu e celebracion di Siman di Enfermeria di Mucha. A bira un tradicion cu e departamento ta cuminsa e conmemoracion di e siman riba dia 16 di november, cual ta e dia internacional pa reconocimiento di nan trabao, y nan ta inclui Dia Internacional di Derecho di Mucha, esta dia 20 di november, den nan celebracion.

Daisy van der Biezen,, a splica cu e nursenan a cuminsa cu un misa riba diadomingo y riba dialuna a bay cine hunto. Riba diaranson nan ta bay disfruta di un cena y cantamento di Karaoke. E parti di informacion y educacion nunca ta haci



falta y pa diabierna nan tin riba programa un charla cu expertonan for di Corsou, kende lo elabora riba e topico “Autismo”.

E team di Departamento di Mucha di hospital ta uno chikito y nan ta traha hopi

uni, continuamente nan ta pensando ta kico nan por haci hunto pa haci e estadia di nan muchanan ta uno mas placentero posibel, pero tambe mas cortico posibel, pa asina e mucha por bolbe mas lihe bek den su seno familiar.□

### *Aruba Way Foundation:*

## Torneo di golf di ta recauda mas di 190.000 florin pa comunidad di Aruba



**SAN NICOLAS –** Un biaha mas Aruba Way Foundation a sa di uni companianan den comunidad pa bin hunta golf y asina recauda fondo pa fundacionnan local Mas di 80 hungado di golf a subtereno di Tierra del Sol pa golf pa un bon causa. Un total di 19 compania local y internacional a contribui pa haci e evento caritativo aki uno sumamente grandi cu un suma total di 191.000,- florin cu a keda recauda.

dad, AFL. 15.000,-; Fundacion Respeta Mi, AFL. 16.000,-; Stichting Wit Gele Kruis Aruba, AFL. 25.000,-; Stichting BOB Aruba, AFL. 25.000,-; Stichting Casa Cuna Progreso, AFL. 90.000,-.

Cada fundacion cu a ricibi un donacion a keda contento y awor nan ta mas entusiasmo pa sigui cu nan proyectonan na beneficio di comunidad. Durante e evento di golf miembronan di Aruba



Way a bende ticket di rifa pa asina e golfers por a participa pa gana un grandioso crucero pa Bahamas saliendo for di Miami cortesia di Insel Air y S.E.L. Maduro & Sons. Cu e rifa aki a logra recauda un suma adicional di AFL. 4.400,-. Masha danki na Insel Air y S.E.L. Maduro & Sons pa e gesto aki.

Banda di e fundacionnan cu a keda contento cu nan donacion e torneo di golf mes a haci algun hende masha

contento, e teamnan ganado di e torneo. Na di tres luga a resulta e team di Price Waterhouse Coopers, na di dos luga e team di Douhsar y e ganado absoluto di e evento a resulta e team di Mourik. Un danki special ta bay pa R.E. Yrausquin & Sons, dealer oficial di Mercedes Benz aki na Aruba kende a sponsor e premio, un auto di nan linea Mercedes Benz pa e hole-in-one prize. Lastimamente pa e hungadonan di golf, ningun a logra un hole-

in-one.

Aruba Way Foundation ta wak bek riba un fin di siman grandi pe deporte di golf y pa e comunidad di Aruba. P’esey mes Aruba Way Foundation kier duna danki na tur esunnan cu na un of otro manera a haci e evento aki posibel: e boluntarionan di Valero, Insel Air, R.E. Yrausquin & Sons, S.E.L. Maduro & Sons y Tierra del Sol. Un danki special ta bay pa tur e companianan cu a participa na e torneo di Golf: Arcadis, Caribbean Mercantile Bank, Douhsar, PMEC, Price Waterhouse Coopers, Aruba Airport Authority, Brock-Goedecke, Brown Lawyers, Curoil, Gastech, Johnsons Enterprises, Mourik, Safecom, Veolia/MCS, Bon Bini Cargo, NRC, CT-Solutions V.B.A., Ennia, Total Services. Sin boso aportacion generoso nos no lo por a logra haci ocho fundacion asina feliz! Un danki di curason!!□

E suma recauda a wordo reparti bou di ocho diferente fundacion cu ta traha incansabel na bienestar di nos comunidad. E siguiente fundacionnan a haya un donacion:

Stichting Cas Marie, AFL. 5.000,-;  
Cuerpo Policial Aruba - Schoolverkeersplein, AFL. 10.000,-;  
Fundacion pa Nos Muchanan, AFL. 10.000,-;  
Fundacion Pa Nos Comuni-





# HABRI AÑA NOBO *den style!*



**2016  
SUZUKI  
SWIFT**

CU CADA  
COMPRA DI  
AFL. 25,- BO TA  
PARTICIPA!

**TAMBE BO POR GANA:**

- 5x LED TV 40"
- 5x INVERTER SPLIT UNITS
- 5x INVERTER FRIDGES
- 5x SMARTPHONES
- 5x LED TV 32"
- 4x MICROWAVES
- 10x COFFEEMAKERS DIGITAL
- 10x TOASTERS
- 10x BLENDERS

**PA TEMPO  
LIMITA!**

# **% DOWN PAYMENT.**

*Tur Diahuebs Anechi*

**SHOPPING NIGHT**  
TE CU 8:00PM



Follow nos riba  
Facebook

## **amc unicon**

AMC Eagle Megastore - Tel: 521-1160 • AMC Dakota - Tel: 521-1150 • AMC San Nicolaas - Tel: 521-1170 | Horario: 9-6 Dialuna pa Diasabra.  
[www.amcunicon.com](http://www.amcunicon.com)



## Decoracion pa temporada di Pasco

*Ideanan decorativo clasico cu un toke "Eco" of traha na man. Perfecto pa decora tur skina di bo cas cu spirito di Pasco.*



### Yobida di streanan

Colga diferente tipo di streanan color oro riba dak o bentana. Pone un luz cerca pa crea un ambiente magico.

### Kerstboom

Hunto e pesebre, e kerstboom ta e protagonista indiscutibel di Pasco. Si e aña aki bo mester cambia bo kerstboom pa otro, eligi un kerstboom natural y asina bo por probecha tur su holo natural pa perfuma bo hogar.

Colga balanan decorativo y streanan color plata den e ramanan pa contrasta bon cu e color natural di e resto di adorno. E miho luga pa ubica bo kerstboom ta cerca di un bentana. Pone luznan di Pasco riba dje y disfruta di un bunita kerstboom tanto paden di bo cas como pafo.



### Color plata

E decoracion di Pasco ta un momento special pa disfruta hunto cu nos famia. Pone bo kerstboom den un luga suficientemente grandi pa comparti comodamente hunto bo invitadonan. Eligi un tamaño XXL y dedica un atardi completo pa decora. Pa duna bo kerstboom un toke elegante, uza adornonan di color plata.



### Adornonan traha pa bo mes

Pasco den bo camber? Facil... Pone guirnardanan di papel of un corona cu adornonan di palo decora cu cintanan di diferente color riba e parti halto di bo cama of riba un di e murayan di bo camber.





*Segun sra. Olga Marin di grupo di Catolico na Spaño*

## Relikia di Birgen di “La Chinita” na Aruba ta señal di speransa na Venezuela



**ORANJESTAD – Ayera e Maracuchonan tanto turista como residencia na Aruba y devotonan en general a celebra e fiesta di nan patrona ta stima, esta e Virgen di La Chinita.**

Pa celebra dia di Virgen di La Chinita, a wordo oficialisa un Santo Sacrificio di Misa na parokia Virgen di Fatima na Dakota cu a conta cu e presencia di un relikia di e virgen

di e pueblo Zuliano. E relikia religioso aki a bin fei di Venezuela mes.

Sra. Olga Marin kende ta miembro di e grupo di Catolico na Spaño a declara cu e relikia di Birgen di La Chinita na Aruba ta un milager. El a bisa cu presencia di e relikia aki ta un bendicion, ya cu e relikia di e Birgen di La Chinita no “ta na Aruba pa keiro, sino cu el a bini pa keda na Aruba”. P’esey ta importante pa resa Santo Rosario tur dia.

“Mi ta kere cu E ta invita nos como Venezolano pa sigui resa y pa keda uni den oracion pa nos famianan na Venezuela y pa nos pais”, asina el a bisa. Ya cu -segun sra. Marin- e unico forma pa bin cu un cambio na Venezuela ta pa medio di oracion. “E ta yama nos pa resa y ora pa otro. Pa uni nos mes como famia pa resa”, el a bisa.

### **Relikia na Aruba**

Sra. Marin ta haya cu e presencia di e relikia aki cerca di



eleccion na Venezuela ta un “señal y un speransa”. E speransa ta cu Venezuela lo conoce un cambio ya cu nan no por sigui riba e caminda cu e pais aki ta bayendo. Venezuela no ta mas e pais cu nan a laga atras. Y esey ta e speransa cu nan ta haya cerca e relikia di Birgen di La Chinita.

El a bisa cu ta existi un deseo ferviente cerca e devotonan di Birgen di La Chinita pa Venezuela lo por haya di nobo e alegria y prosperidad, y tur loke nan ta “añora” di nos pais. Nan ta buscando un luga specifico unda e relikia di e Birgen lo keda exhibi pa tur su devotonan. Sra. Marin a expresa su palabra di

gradicimento na e pader Aldry Soto kende cu hunto cu un grupo di devoto a percura pa bin cu e relikia religioso aki na Aruba.

Pero el a bisa cu no tabata e deseo di e devotonan, sino cu e Birgen di La Chinita mes a desea di bin Aruba, ya cu tin biaha no ta nos deseo personal, “sino cu e Birgen a desea di bin Aruba”.

Relikia di e Birgen aki ta peregrina na diferente pais di mundo unda tin presencia di Zulianonan. Nan ta gradici Aruba Airline cu a transporta e relikia di Birgen di Chiquinquira conoci cariñosamente como Birgen di La Chinita. □

## Danki na comunidad

**Biblioteca Nacional Aruba (BNA) kier a gradici un y tur cu a contribui na exito di e di 23 Festival di Buki pa Mucha.**

Un biaha mas BNA a pone atencion na promocion di lesamento, cu ta sumamente importante, pa medio di bishita di autornan tanto local como di afo, na casi tur scol preparatorio, basico y special.

Un palabra di danki na e scolnan Pius X School pa nan presentacion durante e Apertura y na Emmaschool pa e Clausura di e Festival cu a

tuma luga diabierna ultimo, 6 di November 2015.

Tambe na tur e sponsornan cu a contribui na e Festival, muy en particular e comercial sponsor principal RBC Royal Bank.

E Regalo di Siman di Buki (RSB), skirbi pa Curt Fortin y ilustra pa Mariëlla van de Beek a wordo entrega na Gobernador Sr. Fredis Refunjol y na VNOA, Sra. T. Timmermans.

E RSB “Een Reu...reu...reuzenslang! Un Co...co...colebra grandi!” ta obtenibel



gratis na e Librerianan cu a participa na e Festival di Buki pa Mucha, cu cada compra di un buki di mucha na un balor minimo di Afl.25,-.

Biblioteca Nacional ta invita tur mucha bin sigui presta e bukinan di e Autornan cu a participa durante e siman di buki na e scolnan, pero tambe di bukinan cu tin di haber cu e tema.

Ban sigui lesa! □





Prijs internacional  
Dollar

US Dollar ▲	1.00 USD ▲ ▼
Argentine Peso	9.639504
Australian Dollar	1.412023
Bahraini Dinar	0.373134
Botswana Pula	10.760846
Brazilian Real	3.787704
British Pound	0.657242
Bruneian Dollar	1.424331
Bulgarian Lev	1.838340
Canadian Dollar	1.336123
Chilean Peso	715.199473
Chinese Yuan Renminbi	6.384790
Colombian Peso	3106.054612
Croatian Kuna	7.160244
Czech Koruna	25.393229
Danish Krone	7.009530
Emirati Dirham	3.672553
Euro	0.939582
Hong Kong Dollar	7.750557
Hungarian Forint	291.712899
Icelandic Krona	132.419813
Indian Rupee	66.145420
Indonesian Rupiah	13776.533869
Iranian Rial	29930.296290
Israeli Shekel	3.902356
Japanese Yen	123.492156
Kazakhstani Tenge	307.523148
Kuwaiti Dinar	0.304298
Latvian Lat	0.660338
Libyan Dinar	1.355000
Lithuanian Litas	3.244190
Malaysian Ringgit	4.365952
Mauritian Rupee	36.596402
Mexican Peso	16.760800
Nepalese Rupee	106.103948
New Zealand Dollar	1.552322
Norwegian Krone	8.708346
Omani Rial	0.384306
Pakistani Rupee	105.499996
Philippine Peso	47.184998
Polish Zloty	3.989637
Qatari Riyal	3.639714
Romanian New Leu	4.176772
Russian Ruble	65.389428
Saudi Arabian Riyal	3.750174
Singapore Dollar	1.424331
South African Rand	14.188285
South Korean Won	1168.631655
Sri Lankan Rupee	142.176726
Swedish Krona	8.734060
Swiss Franc	1.018986
Taiwan New Dollar	32.747281
Thai Baht	36.003287
Trinidadian Dollar	6.362013
Turkish Lira	2.867339



Botica na warda  
Oranjestad  
Botica Sta. Cruz / Tel. 585-8028

San Nicolas  
Botica Aloe /Tel. 584-4606


Docter na warda  
Oranjestad  
Dr. D. de Cuba /Tel 583-9195

San Nicolas  
Dr. Ramautar /Tel: 584-4280

### Schedule di Crucero

Dia:	Fecha:	Crucero	Yegada	Salida	
Diamars	17 november	Royal Princess	07.00	17.00	C
Diaranson	18 november	Monarch	06.00	18.00	C
Dialuna	23 november	Zuiderdam	12.15	23.00	C
		Royal Princess	07.00	17.00	B
Diaranson	25 november	Monarch	06.00	18.00	B
		Vision of the Seas	10.00	21.00	C
Diahuebs	26 november	Carnival Breeze	07.00	16.00	B
		Jewel of the Seas	07.00	22.00	C
		Serenade of the Seas	09.00	20.00	C/T

Tene na cuenta cu Schedule por cambia sin aviso previo.



### Servicio di Taxi

Aruba Transfer Tour & Taxi C.A  
Pos Abao #41  
P.O Box 723 Aruba  
Tel: 582 2116 - 582 2010  
Fax: 583 6988

Taxi Address Service (24h)  
L.G Smith Blvd #234  
Oranjestad, Aruba  
Tel: 587 5900  
Fax: 587 1928  
E-mail: tas@setarnet.aw



### Servicio Arubus

Por busca orario y ruta riba [www.arubus.com](http://www.arubus.com)



## EMERGENCIA 911

Polis:

Oranjestad: 100  
San Nicolas: 104  
Santa Cruz: 105  
Noord: 107

Tip Line: 11141  
Brandweer: 115  
Ambulance: 911  
Hospital: 527- 4000  
Centro Medico: 523- 8833  
Wardacosta: 913  
Siguridad Nacional: 11911

### Botica:

Aloe: 584-4606  
4 Centro Medico: 584-5794  
Central: 585-1965  
Dakota: 588-7364  
Del Pueblo: 582-1253  
Eagle: 587-9011  
Kibrahacha: 583-4908  
Maria: 585-8145  
Di Servicio Noord: 586-4606  
Oduber: 582-1780  
Paradera: 588-6638  
San Lucas : 584-5119  
San Nicolas: 584-5712  
Santa Anna: 586-8181  
Santa Cruz: 585-8028  
Seroe Pretoe: 584-4833  
Trupiaal: 583-8560

### Utilidad:

SETAR: 117  
WEB 525- 4600  
ELMAR: 525-7147

### Funeraria:

Aurora : 588-6699  
Ad Patres: 584-2299  
The Olive Tree: 584-8888

Centrale Bank van Aruba  
Daily Exchange Rates - 11/18/2015



Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.31	1.33	1.35
CHF	175.04	175.76	176.56
GBP	2.64	2.69	2.75
JPY	142.99	144.30	145.75
EUR	188.25	189.97	191.88
DKK	24.47	25.19	25.99
NOK	19.56	20.28	21.08
SEK	19.40	20.12	20.92

For amounts up to Afl. 100,000



*Bo kier  
cuida  
Malibu?  
Yama  
Awo!*  
5935525 of  
Animal  
Rights  
Aruba  
594-5393



Donacion Animal Rights Aruba - Bank Account  
RBTT Bank Aruba 770000003062767

## Emergencia Mascota

Animal Care Clinic:  
**582-8382**

Contreras Veterinary  
Services:  
**587-0917 / 593-0404**


Veterinary Services:  
**585-0400** (Pick up of  
injured animals)

Cas Animal &  
Ambulance:  
**742-8732**

Veterinaire Kliniek Wayaca:  
**582-1720 / 593-0603**

Serlimar:  
**584-5080** (Pick up dead  
animals)

## Ideanan pa cuida nos medio ambiente



## FUNDACIONNAN

**Cas Di Cultura**  
Vondellaan 2 Aruba  
297-582-1010

**F A D A**  
Campanastraat 5 Aruba  
297-583-2999  
297-583-9610

**F A V I**  
Primavera 233 Aruba  
297-582-5051  
297-582-5222

**F E P O**  
Engelandstraat 15 Aruba  
297-583-1016  
297-583-6607

**Fundacion Autismo  
Aruba**  
Irenestraat 21 Aruba  
297-588-1179

**Fundacion Pa Nos  
Muchanan**  
Cumana 2 Aruba  
297-583-4247

**Fundacion Tel Pa  
Hubentud**  
Wilhelminastraat 19  
Aruba  
297-588-6138

**Koningin Wilhelmina  
Fonds**  
Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

**Ned Rode Kruis**  
Perdo Gallegostraat 14  
Aruba  
297-588-3376

**Famia Planea (SBVO)**  
Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.  
com

**Stichting Fundacion  
Guia Mi**  
George Madurostraat 34  
297-582-0088

**Y M C A**  
Calbasstraat 1 Aruba  
297-582-3072



*Bo kier  
duna  
Noah un  
hogar?  
Yama  
awo!*

Aruba Animal  
Shelter  
582-1623  
Wayaca 128B

Donacion Aruba Animal Shelter - Bank Account  
RBC Royal Bank 7700000032451794

**Caribbean Cinemas** **MEGAPLEX 8**  
caribbeancinemas.com/aruba

**Met Opera 2015-16**  
ON THE BIG SCREEN OF CARIBBEAN CINEMAS MEGAPLEX 8  
VERDI  
**Lulu**  
NOV 21 1:30PM LIVE  
DEC 2 6:00PM ENCORE  
The Metropolitan Opera HD LIVE  
Celebrating 19 years

**MIDNIGHT SHOW WEDNESDAY**  
**DECEMBER 16 TH, 11:55 PM** **STAR WARS**

**NOVEMBER 19 - 25**

**NEW THIS WEEK!**

**THE HUNGER GAMES: MOCKINGJAY PART 2**  
JENNIFER LAWRENCE | JOSH HUTCHERSON  
3D VERSION  
MON-FRI 3:55 | 9:15  
SAT 3:25 | 9:15  
SUN & HOL 3:25 | 9:15  
3D VERSION  
MON-FRI 6:20  
SAT, SUN & HOL 6:20

**THE 33**  
ANTONIO BANDERAS | RODRIGO SANTORO  
MON-FRI 4:10 | 6:25 | 9:10  
SAT 3:40 | 6:25 | 9:10  
SUN & HOL 3:40 | 6:25 | 9:10

**THE HUNGER GAMES: MOCKINGJAY PART 2**  
JENNIFER LAWRENCE | JOSH HUTCHERSON  
MON-FRI 4:35 | 7:30  
SAT 1:50 | 4:35 | 7:30  
SUN & HOL 1:50 | 4:35 | 7:30

**By the Sea**  
BRAD PITT | ANGELINA JOLIE  
WITH SPANISH SUBTITLES  
MON 9:00  
FRI 9:00 | 11:40  
SAT 9:00 | 11:40  
SUN & HOL 9:00

**OUR BRAND IS CRISIS**  
SANDRA BULLOCK | BILLY BOB  
WITH SPANISH SUBTITLES  
MON-THURS 4:35 | 7:00 | 9:25  
FRI 4:35 | 7:00 | 9:25 | 11:50  
SAT 2:10 | 4:35 | 7:00 | 9:25 | 11:50  
SUN & HOL 2:05 | 4:35 | 7:00 | 9:25

**SPECTRE**  
DANIEL CRAIG | CHRISTOPH WALTZ  
WITH SPANISH SUBTITLES  
MON-THURS 4:45 | 7:50  
FRI 4:45 | 7:50 | 10:55  
SAT 1:45 | 4:45 | 7:50 | 10:55  
SUN & HOL 1:45 | 4:45 | 7:50  
MON-FRI 5:45 | 8:50  
SAT, SUN & HOL 2:40 | 5:45 | 8:50

**THE PEANUTS MOVIE**  
KRISTIN CHENOWETH | FRANCESCA CARALDI  
WITH SPANISH SUBTITLES  
MON-THURS 4:55 | 7:00  
FRI 4:55 | 7:00  
SAT 2:50 | 4:55 | 7:00  
SUN & HOL 2:50 | 4:55 | 7:00

**THE MARTIAN**  
MATT DAMON | JESSICA CHASTAIN  
WITH SPANISH SUBTITLES  
MON-FRI 6:15  
SAT 3:15 | 6:15  
SUN & HOL 3:15 | 6:15

**THE LAST WITCH HUNTER**  
VIN DIESEL | ROSE LESLIE  
MON-THURS 9:25  
FRI SAT 9:25 | 11:40  
SUN & HOL 9:25

**STARTING NOVEMBER 26 | VICTOR FRANKENSTEIN**  
**THE GOOD DINOSAUR • THE DANISH GIRL • KRAMPUS**  
Palm Beach Plaza | Aruba | 586-0074  
Download our NEW APP  
App Store | Google play



*Un ortografia uniforme pa Papiamento ta factibel?*

## Un anochi interesante di charla y discusion

**Universidad di Aruba hunto cu Fundacion Lanta Papiamento a organisa un anochi di charla y discusion tocante ortografia di Papiamento. E evento aki a tuma lugar diabierna dia 13 di november na universidad.**

Sigur un 80 persona ey a acudi na e anochi interesante aki. Tema di e anochi tabata: Un ortografia uniforme pa Papiamento ta factibel? E oradornan invita tabata Prof. Dr. Ronald Severing di Corsou y Ramon Todd Dandaré Mag. Ling. di Aruba. Dr. Ronald Severing ta catedratico na Facultad General di Universidad di Corsou. Te cu aña pasa e tabata director di Fundacion pa Planificacion di Idioma, na unda, entre otro, el a desaroya material pa Papiamento pa alumno di 4 te 18 aña hunto cu diferente grupo di autor di Corsou y Aruba. Ramon Todd Dandaré, Magister den Linguis-



na e ortografia oficial di Papiamento di Antia Hulandes. Na Aruba e discusionnan, mas politico cu linguistico, ta culmina na mei 1976 ora Colegio Ehecutivo di Terito-

di Aruba dia 30 di october 1976. Despues dos comision di ortografia a haya e tarea pa reformula, elabora y amplia e ortografia oficial di 1976 pa di e forma ey haci e reglanan mas cla comprendibel y facil pa aplica. Nan a haci nan trabou, pero te dia di awe e Ordenansa Nacional no a yega Parlamento pa su aprobacion. Entretanto pueblo ta uza si e buki blauw "Ortografia di Papiamento Aruba, april 2009". Personalmente Señor Todd ta di opinion cu un solo ortografia, un ortografia di compromiso, di consenso, lo beneficia nos idioma, nos periodismo, nos enseñansa, nos literatura, nos relacion social entre e islanan etc. Segun señor Todd Dandaré un investigacion tocante e posicion di, entre otro, politico, educador, linguista, periodista, autor respectu esaki lo por duna nos e contesta riba e pregunta si tur e demas interesadonan of 'partnernan ta di acuerdo cu su ponencia.

Despues Dr. Severing a presenta su charla "Consideran-

do un solo ortografia pa nos idioma". Na 1969 e prome diseño pa un ortografia di Papiamento a haya basta obheccion y na 1970 a presenta un version modifica na Ministro

Despues Dr. Severing ta spli-ca con e ortografia ta hinca den otro y con un alumno ta siña lesa. Un investigacion ta demostra cu generalmente e alumnonan ta domina e ortografia actual na un manera suficiente. Papiamento tin dos ortografia y esey ta trece confusion y ta dificulta intercambio den enseñansa y den medionan social entre e islanan. Pero usuario poco biaha ta aprecia cambio di un ortografia cu nan a custuma cun'e. A scoge pa un ortografia unifica, revisa of nobo ta pidi inversion y indulgencia di e dos gruponan di usuario di e tres islanan. E pregunta cu mester contesta ta kico ta e bentahanan y e desbentahanan. Ademas ortografia ta solamente cuida di idioma y ta considera como un parti menos relevante. Dr. Severing ta clausura cu e proposicion pa lanta un Union di Papiamento Interinsular (UPI) cu ta un entendimiento entre e tres gobiernonan pa bay di



tica, ta docente di linguistica y di Papiamento na I.P.A. y na Universidad di Corsou, y e ta lucha pa casi 50 aña pa reconocimiento di Papiamento como Lengua Nacional di Aruba, Boneiro y Corsou. E ta conoci pa su numeroso charlanan y publicacionnan tocante Papiamento.

Señor Todd Dandaré a trata Historia di Ortografia di Papiamento na Aruba, cuminando cu e proyecto di ortografia fonologico presenta pa drs. Raúl G. Römer na 1968. Dia 18 di april 1975 Consejo di Ministro di Antia Hulandes a propone pa uza un ortografia provisional pa enseñansa como experimento, cu e fin pa yega finalmente

rio Insular di Aruba ta tuma e decision di lanta un comision cu mester presenta un recomendacion pa fiha ortografia di Papiamento di Aruba. A fiha e ortografia etimologico



di Enseñansa Antiano. Pero ta e di tres version, esta esun di 1975, a keda aproba oficialmente na 1976. Na 1983 a emiti e buki Ortografia di papiamento cu a parti cas pa cas na Corsou y Boneiro. E ortografia aki ta basa riba e principio di zonido, kieren cu e tin un base fonologico.

acuerdo pa traha hunto pa duna Papiamento su lugar prominente den e comunidad linguistico. Despues di e dos charlanan tabatin oportunidad pa esun-nan presente haci pregunta, duna comentario y discuti. E reaccion tabata hopi varia, manera tabata di spera. Tabatin persona cu tabata contento cu a trece e asunto aki den discusion y otro cu tabata haya cu no tin mester di ningun cambio. Un autor di buki a bisa cu pe si un solo ortografia lo ta miho, pa e por bende tambe na e otro dos islanan. Tabata obvio cu e hendenan kier informacion tocante Papiamento. Fundacion Lanta Papiamento a priminti di sigui organisa e tipo di encuentronan aki. A graba e charlanan y e reaccion di e sala cu pronto lo ta riba YouTube. □





## Prepara bo cas pa temporada di Pasco

*Pa e aña aki ta bon pa nos uza un estilo diferente den e decoracion di Pasco. Bo por uza e mesun tipo di adorno manera kerstboom, regalonan, balanan decorativo, etc. pero uzando bo creatividad!*



### Kerstboom ecologico

E aña aki planea un trip cu bo famia y colecta tur e ramanan cu a cay for di e matanan. Sigur bo lo pasa un atardi hopi alegre creando un kerstboom traha na man: Uni e ramanan cu waya plastico y pone un toke navideño cu spray di sneeuw.



### Saco pa regalo

Evita pone un regalo chikito den un saco grandi pa no crea un expectativa falso. Opta pa saconan di forma distinto y di un tamaño specifico.



### Carchinan di Pasco

Bo por uza e carchinan di Pasco cu bo ta ricibi durante e bunita temporada aki of esun cu bo yiunan ta traha na scol como adornonan navideño. Nan ta merece un luga importante den bo decoracion di Pasco. Pero semper e carchi ta cay ora bo ta pone riba un mesa of un cashi. Pa e motibo aki busca un luga adecua pa colga e carchi manera un kapstok.



### Farolito navideño

Decora bo farolitonan navideño of candelabronan cu ramanan of blachinan di bo hardin. Un estilo natural, fresco y original!. Kerstboom miniatura den tur skina Perfecto pa resalta spirito navideño den luganan chikito. Riba potret bo por wak dos kerstboom miniatura uni pa un base. Un elemento decorativo y funcional pa colga otro tipo di adorno. Bunita berdad?



### Centro di mesa navideño

Na diferente supermercado bo lo haya saconan cu fruta di plastico barata. Pone varios fruta den un bowl of tayo yamativo y muha nan cu spray di sneeuw sintetico.



### Copi y scoter navideño

E color blanco y cora ta un pareha perfecto den bo decoracion di Pasco. Purba pinta figuranan di color cora den bo copi y scoter blanco.

### Belanan di gala!

Uza e belanan cu bo tin warda na cas sin ningun tipo di decoracion. Pa e temporada aki uza cintanan decorativo pa dun'e un toke magico y special. Ora e temporada aki ta caba, bo por kita e cinta sin ningun problema recuperando e estilo di e bela original.



### Adornonan pa bo kerstboom

Kisas ta un bon momento pa renoba adornonan kibra of sin color cu bo a uza durante hopi aña. Uza diferente adorno di flanel (un material parecido na tela) pa no kibra si den algun momento ta cay. Pone algun di e adornonan aki hunto bo regalonan ! Un idea perfecto ora tin muchanan na cas!



### Adornonan cu estilo personal pa decora bo kerstboom

Bo ta fada di e mesun adornonan navideño? Esaki ta un idea original y economico pa renoba e aspecto di bo kerstboom. Imprimi diferente imagennan manera potretnan familiar, personahenan preferi, simbolonan curioso, etc. y pone esey riba e adornonan cu bo tin caba. No solamente bo ta duna un toke diferente pero tambe un toke personal!





## A. T.A. a celebra 20 aña di 'Aruba Convention Bureau'

**ORANJESTAD-** Un poco mas di 20 aña pasa un grupo di visionario a tumar pasonan decisivo pa introduci Aruba na e mercado di Meetings, Incentives, Conferences and Events (MICE).

Asina Aruba a cuminsa pone su stempel den e mercado como destinacion cu ta disponibel y capaz pa maneha gruponan chikito y mediano y provee nan cu tur servicio necesario. Algun tempo despues di e introduccion di Aruba den e mercado, a sigui formalisa e intencionnan di Aruba pa cu e segmento lucrativo aki cu establecimiento di Aruba Convention Bureau (ACB).

ACB a bira e 'go to' socio pa cu e segmento MICE y esaki den colaboracion semper estrecho cu socionan den sector priva, manera hotelnan, companianan di transportacion, companianan cu ta specialisa den maneho di destinacion (destination management companies -D.M.C.s-)



y companianan cu ta bende productonan di recreo.

Pa celebra e exito di Aruba den e segmento MICE y pa celebra e di 20 aniversario di Aruba Convention Bureau, cu ta resorta bao di Aruba Tourism Authority, a invita socionan den e industria pa un celebracion special na Hyatt Regency.

Pa e ultimo casi 5 añanan, Aruba Convention Bureau ta encabesa pa Jerusha Rasmijn. El a expresa cu e di cuater lustro di ACB ta un momen-

to importante pa refleha riba e historia di e mercado aki y, principalmente, ta e momento ideal pa reconoce e personanan cu tabatin e vision pa cuminsa cu un mercado importante asina pa Aruba.

Sanju Luidens-Daryanani, a repasa e historia di ACB. El a expresa cu e celebracion ta un conmemoracion tambe di e vision, perseverancia y trabao duro cu a bin ta haciendo riba tereno di e mercado MICE. El a agrega cu ACB ta gradicido di semper por conta cu cooperacion di sector



priva, incluyendo AHATA, e companianan DMC y hoteleronan y tur partner cu ta necesario pa provee e 'wow-effect' pa gruponan cu ta bin Aruba.

Como orador invita, ACB a invita Luis Piñeda, kende a presenta e tema 'E ciencia di felicidad y su relacion cu turismo'. E ser humano tin e tendencia di pensa cu felicidad ta algo emocional, cu e ta un emocion positivo y temporario y cu e ta depende di factornan externo, Piñeda a comenta. Sinembargo e orador a indica cu felicidad ta mas cu simplemente emocionnan y cu e ser humano su felicidad por directamente afecta su bida profesional y personal den forma positivo.

Como parti di e programa tambe a organisa un panel pa discuti 'Aruba como un destinacion MICE', cu exper-tonan manera Wichita Villacres, Geraldine Coutinho,

Lisette Malmberg, Myrna Jansen y Jerusha Rasmijn como parti di e panel.

CEO di Aruba Tourism Authority, Ronella Tjin Asjoe-Croes a subraya e importancia di e mercado MICE cual awe, na 2015, ta representa rond di 20% di e total di turismo for di Norte America y ta creciendo den representacion pa loke ta e mercado di Latino America, unda por mira mas y mas grupo bou di e capa di MICE ta bishita Aruba.

E segmento ta uno importante y lucrativo cu nivelnan di 'gasto' halto. Esaki ta beneficija nos socionan, nos turismo y nos economia, segun Tjin Asjoe-Croes. E CEO a gradici tambe tur socio pa e sosten valioso y mas cu claro a gradici Aruba Convention Bureau y su ekipo dinamico cu ta consisti tambe di Darysse Dubero-Croes y cu a conta cu sosten di Darice Solognier te cu recien. □







Paardenbaastraat 10, Oranjestad, Aruba Tel.: (297)5257555  
[www.lottoaruba.com](http://www.lottoaruba.com)  
Resultado di Sorteo 18 Nov 2015 Anochi

<b>CATACHI</b>
Sorteo # 5728
<b>0103</b>
<b>3443</b>
<b>3792</b>
<b>BIG 4</b>
Sorteo # 4772
<b>2151</b>
<b>ZODIAC</b>
Sorteo # 3531
<b>4193</b>
<b>Scorpio</b>
<b>KORSOU</b>
Sorteo # 1194
<b>1793</b>
<b>8733</b>
<b>1745</b>

<b>LOTTO 5</b>	<b>06-14-15-29-34</b>
Sorteo # 1641	<b>Joker 16 Letter H</b>
0 x Jackpot	<b>460.000,00</b>
0 x Match 4+	
3 x Match 4	
130 x Afl. 12,00	

<b>LOTTO DIA</b>	<b>01-13-16-22-25</b>
Sorteo #3532	<b>Proximo Jackpot</b>
0 x Jackpot	<b>56.000,00</b>
2 x Match 4	
56 x Afl. 8,00	

<b>MEGA</b>	<b>Mega Ball</b>
Sorteo #	<b>Proximo Jackpot</b>
0 x Jackpot	<b>775.000,00</b>
0 x match 4	
0 x Afl. 500,00	
0 x Afl. 50,00	
0 x Afl. 15,00	

**Afl. 1.100.000,-**



Bo cadena di numbertan di suerte ta duna e number di awe

**GOALZ PLUS**  
SHUFFLE Y GANA MAS !!  
**7511, 4447, 4896**

DIARIO 5294, 1431, 0450

SUPER 4 7722

Sto. Domingo



Paardenbaastraat 10, Oranjestad, Aruba Tel.: (297)5257555  
[www.lottoaruba.com](http://www.lottoaruba.com)  
Resultado di Sorteo 18 Nov 2015 Merdia

<b>CATACHI</b>
Sorteo # 1336
<b>0856</b>
<b>2803</b>
<b>6537</b>
<b>BIG 4</b>
Sorteo # 1336
<b>3484</b>
<b>ZODIAC</b>
Sorteo # 1336
<b>2172</b>
<b>Cancer</b>
<b>KORSOU</b>
Sorteo #

<b>LOTTO 5</b>	<b>Joker Letter</b>
Sorteo #	<b>440.000,00</b>
0 x Jackpot	
0 x Match 4+	
0 x Match 4	
0 x Afl. 12,00	

<b>LOTTO DIA</b>	<b>Proximo Jackpot</b>
Sorteo #	<b>55.000,00</b>
0 x Jackpot	
0 x Match 4	
0 x Afl. 8,00	

<b>MEGA</b>	<b>Mega Ball</b>
Sorteo #	<b>Proximo Jackpot</b>
0 x Jackpot	<b>775.000,00</b>
0 x match 4	
0 x Afl. 500,00	
0 x Afl. 50,00	
0 x Afl. 15,00	

**Afl. 1.100.000,-**



**Aries**

No tin nada imposibel pa bo boluntad. Evita discusionnan cu personanan terco cu solamente por haci bo loco. Concen-tra den bo cosnan. Numbertan pa awe: 23, 31, 37 y 48.



**Tauro**

Ta acercando un siman yena di sorpresa. un persona ausente lo bay duna bo un gran alegria. Loke bo tabata spera lo yega. Lo bin un ocasion pa un combersacion. Numbertan pa awe: 21, 29, 35 y 46.



**Geminis**

Situacionnan cu bo no ta imagina den amor ta na caminda. Actua cu originalidad y tambe e insistencia. Numbertan pa awe: 19, 27, 33 y 44.



**Cancer**

Noticianan cu lo cambia e dinamica di e siman aki ta cuminsando. Ta bo dia y bo mester pone den balansa sentimento. No laga bo mes guia door di apariencia. Numbertan pa awe: 17, 25, 31 y 40



**Leo**

Ta yega e momento pa dal un bula cualitativo padilanti. No bira tristo pa algo cu inicialmente a causa bo preocupacion, pero cu loke bo descubri ta transitorio. Numbertan pa awe: 7, 15, 21 y 30.



**Virgo**

Ta yegando un etapa hopi productivo. Mantene bo mes alerta. Bon ocasion pa scapa romantico of pa planea di bay un vakantie boso dos so. Numbertan pa awe: 5, 13, 19 y 27.



**Libra**

Un ciclo carga di emocionnan intenso. E capacidad analitico di bo y bo experiencia lo laga bo regla un situacion. Numbertan pa awe: 3, 11, 17 y 24.



**Scorpio**

Cos straño lo bay sosode un biaha mas. Si pasa un situacion cu bo no ta mira salida, pone bo intuicion y sentido di conocimiento humano funciona. No warda mas. Numbertan pa awe: 2, 10, 14 y 21.



**Sagittario**

Proyectonan lo bira realidad. No neglisha conseho di un amigo. Ta hopi probabel cu for di e siman aki lo bo ta cuminsando cu un romance nobo of aventura pasional. Numbertan pa awe: 9, 14, 24 y 41.



**Capricornio**

Lo bo cuminsa un etapa cu lo ta constructivo. Awe lo ta un dia satura y lo bo sinti cu tempo no t'ey pa nada. Bo ta coriendo cabes di gay y esey por causa bo problema. Numbertan pa awe: 19, 44 y 51.



**Aquario**

Bo lo descubri algo cu lo causa bo hopi alegria. Bo tin cu aplica bo conocimiento nan psikico y loke bo a siña di bo mes pa no husga otro hende. Numbertan pa awe: 27, 35, 41 y 52.



**Pisces**


PISCIS- Un comprobacion sentimental lo alegre bo y lo kita bo dudanan. Purba di supera erornan cometi den pasado y biba awo bo realidad cu mas seguridad. Numbertan pa awe: 25, 33, 39 y 50.



## Sudoku BON DIA, train bo mente

9	2	7	4	3				8
	6						9	7
		8				4		2
			3		8			5
4				6				3
8			2		1			
6		2				3		
7	9						8	
5				8	9	2	7	1

Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio. Pa resolve bo ta pone number den cada cuadra di tal forma cu cada rij crusa of bay abou tin e number un solo biaha. Tambe den cada cuadra chikito compara cu esun mas grandi tambe tin e numbernan 1 te cu 9. E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □



### Receta di MAMA

*Bon Appetit!*

• BON APPETIT • BON APPETIT • BON APPETIT • BON APPETIT •

## Wrap di Pasco

**Ingredientenan:**

- 1 paki di wrap color berde
- 1 kilo di galina
- 2 siboyo grandi
- 2 promenton geel
- 2 promenton berde
- 2 promenton cora, peper, comino, nootmuskaat, madame jeanette y keeshi parmesan
- 3 boullon di galiña / 1 repi di margarine / un tiki ruku
- 1 paki di prium / 1 paki rasenchi / 250gr. di cashupete, siboyo den boter (silveruitjes) / alcapara / olijfi (esakinan tur na smaak).

**Preparacion:**

Smoor e galiña cu tur e ingredientenan pa 45min. Y pone e ingredientenan den e galiña y lage cushina y lage cushina pa 30 min. mas. cushina e galiña un paar di dia prome cu bo bai sirbie asina e smaak por trek mas. Ora bo ta bai sirbie bo ta habri e wrap y jene cu galiña y strooi un tiki keeshi riba e reyno y lore manera bo ta lora un ayaca. Sirbie cu turkey ham horno y anasa.

Pa 6 pa 8 persona





## Apertura Island Finance

**ORANJESTAD** – Ayera tardi na Shaba a tuma luga apertura y celebracion di 35 aña di Island



### Finance.

Durante un tardi ameno pa trahadonan y invitado a haci e apertura di Island Finance su sucursal na Saba Noord,

caminda cu e acto di apertura a wordo haci pa Sr. Oriol Segarra CEO Caribbean, Ivy Simon Country Manager, y Ministro di labor Sr. Paul Croes. Ta asina cu despues di a sondea pa varios tempo un luga pa habri un sucursal di Island Finance a dicidi di haci esaki den e pueblo di noord. Segun Sra. Simon varios bi-aha a pensa riba San Nicolas, pero e no a keda convenci cu San Nicolas. Awor despues di varios opcion a dicidi pa bay Noord y awe porfin a haci e apertura pa asina por sirbi nos pueblo mas facil. Island Finance awor ta celebra 35 aña den pueblo di Noord, y t'ey pa sirbi henter pueblo di Aruba cu diferente sucursal.





## Un toke di solo na bo cutis



'Bronzer Duo' de Dolce & Gabbana Make Up, di e coleccion di berano nobo 'Summer Glow'. Dos puero bronceador cu por wordo combina segun bo preferencia.

'TerracottaSunCelebration', di Guerlain. Un edicion limita!. Un set di puero bronceador y lipstick pa ilumina



bo cuero di cara cu un color oro hopi bunita.

'Star Bronzer Intense', di Lancôme, puero bronceador di duracion largo pa un bronceado intenso y cu briyo.

'Bronze Goddess Powder Bronzer', di Estée Lauder. Ta proporciona un tono color oro na bo cutis di cara hopi bunita. Bo por regula e inten-

Bronzing Powder di Shiseido. Diferente tipo di puero di solo, sin duda un aliado perfecto pa bo makeup. Probecha tur su propiedadnan.

Ora bo ta bay cumpra un puero bronceador, opta pa esun cu tin tono mat (sin briyo). E efecto nacar ta perfecto pa uza den diferente evento of fiesta den oranan di anochi. Ta importante eligi

'PoudreSoleilVisage', di e coleccion de berano 'Colours of Brazil', di Clarins. Dos tono mat y otro tono color oro cu ta ofrece un toke calido na tur e tipo di cutis.

'Dior skin Nude Shimmer', tono Amber, di Dior. Combinacion perfecto pa duna un toke fresco y cu briyo na bo cutis.



sidad di e color dependiendo di bo gustan.

Puero bronceador 'Bronzing-Powder', di MAC. Ta proporciona un tono bronceado natural y cu briyo perfecto pa resalta bo tono di cutis natural y bronceado. Pa un efecto bronceado cu por dura hopi y sin necesidad di toke final,

puero bronceador dos tono mas scur cu bo tono di cuero natural.

Sinembargo no uza e tono mas scur di e set pa motibo cu su efecto final lo keda hopi artificial. Esaki ta un seleccion di ideanan pa imita un bon tono bronceado pa e temporada aki! Tuma nota! □



**AHATA Coastal Clean UP**  
**November 7, 2015**

*Danki*

**Un danki grandi na tur persona, famia y instancianan/compania Cu na un of otro manera a coopera y cu a haci e di 14 limpieza nacional di nos costa y beachnan un exito rotundo!**

Collegio Hilario Angela, St. Anna School, Mon Plaisier Mavo University of Aruba, Collegio Ora Ubao, Maria College, EPI Horeca, Collegio Pastor Kranwinkel, Collegio Laura Wernet-Paskel, E.P.I. Hospitality & Tourism, Collegio Frere Bonifacius, Collegio Sagrado Curason, Collegio Arubano, Pius X School, Comm Pieter Boer School, Collegio Cristo Rey, Graf Von Zinzerdorf School, Collegio San Jose, John Wesley College.

**AHATA su Comision di medio ambiente** kier a duna un danki grandi na su Mainsponsors: **Tara – Eco – Horeca Supplies / Dushi Awa** cu por cierto a yuda contribui na e exito y participacion di nos comunidad. Tambe na tur e companianan aki cu nan contribucionnan y cooperacion: Aruba Marriot & Stellaris Casino, Arugas, Talk of the Town, Setar N.V., Caribbean Mercantile Bank, D.A.L Pest Control, De Palm Tours, Hyatt Regency Aruba Resort, Spa & Casino, Banco di Caribe, AON, Aruba Tourism Authorities, Nagico, KPMG, Renaissance Aruba Resort & Casino, Freezone, Bucuti & Tara Beach Resorts, Playa Linda, Kooyman, La Cabana Beach Resort & Casino, Holiday Inn Resort Aruba - Beach Resort & Casino, Occidental Grand Aruba Resort, Hotel Riu Palace Aruba & Hotel Riu Palace Antillas, Tropicana Aruba Resort & Casino, Brickell Bay, Tierra del Sol, The Mill Resort & Suites, Martijn Trading, Visser Trading, El Tours, Red Cross Aruba, Boogaard Assurantien N.V., Koninklijke Marine, Bario Regisseur, Diamond International, Fantastic Gardens, Banana Bus, Pelican Adventures, Aleda, Andina Ice, Mourik, Iguana Joe's, Deals on Wheels, Butterfly Farm, ABC Tours, Ling & Sons, Casa Haime, Super Food, Costa Linda Beach Resort, Red Sail Sports, Boolchand's, Ecotech, Manchebo Beach Resort & Spa, Paradise Beach Villas, Filipino Association, Antilla Energy, Aruba Adventures, Arubus, Fofoti Tours, Papiamento Restaurant, IBISA, Turtuga Aruba, Divi Mega Resorts, Quality Auto Parts, EMCO, Sustainable Solutions, Parke Arikok, Alvin – ARUBUS, Gandelman, Santa Rosa, Tommy Hilfiger, Repsol, The Ritz-Carlton, Aruba, Aruba Airport Authorities.

**Un danki special na:** tur miembro di AHATA su Comision di Medio Ambiente, Defiant Concepts, e team di Formacion Social, Laura Williams and Richelyn Kock estudiante nan di EPI Horeca pa tu nan esfuerso.

**AHATA**  
ARUBA HOTEL AND TOURISM ASSOCIATION  
ENVIRONMENTAL COMMITTEE

**Dushi AWA**  
Premium Pure Water